

ନାରୀଚିକା

ଫିଲ୍‌ଟାଇପ୍ ପାଗ ୨୫୮

ଡିରେକ୍ଟ ବାହାଦୁର କତ୍ତକ ବଙ୍ଗଦେଶର ସାବତୀଯ ସ୍କୁଲେର ଜଣ
ଆଇଜ ଓ ଲାଇବ୍ରେରୀ ପୁସ୍ତକକୁପେ ଅନୁମୋଦିତ
[କଲିକାତା ପେଜେଟ, ୨୩ଶେ ମେ, ୧୯୫୦]

ଶ୍ରୀରମେଶ୍ଚନ୍ଦ୍ର ଦାସ, ଏମ. ଏ.

ମୂଲ୍ୟ ଏକ ଟାକା

প্রকাশক
বৃন্দাবন ধর এন্ড সল্স লিমিটেড
স্বভাবিকাৱী—আশুতোষ লাইচেন্সী
নেং কলেজ স্কোয়ার, কলিকাতা ;
৩৮নং জনসন্ রোড, ঢাকা

চতুর্থ সংস্করণ
১৩৪৭

মুদ্রাকর
শ্রীপৱেশনাথ বংশোজ
ক্রীনাৱসিংহ প্ৰেস
নেং কলেজ স্কোয়ার,
কলিকাতা

তৃমিকা

সাগরিকার দ্বিতীয় ভাগ প্রকাশিত হইল। তাড়াতাড়ি
প্রফ্ৰে দেখিবাৰ দৱুণ হুই একটা ছাপাৰ ভুল থাকিতে
পাৱে; আশা কৱি সহাদয় পাঠকগণ সেই ক্রটী মার্জনা
কৱিবেন। পূৰ্বেৰ শ্লায় এবাৰেও প্রকাশক মহাশয় পুস্তক
মুদ্ৰণে উত্তম কাগজ ও বহু সুন্দৰ ছবি দিয়। পুস্তকেৰ
সৌষ্ঠব সম্পাদন কৱিয়াছেন। প্ৰথম ভাগেৰ শ্লায় ইহা
আদৃত হইলে পৰিশ্ৰম সফল মনে কৱিব। ৩২শে শ্রাবণ,
সন ১৩৩৭ সাল।

শ্ৰীশ্ৰীকৃষ্ণমাট্টমী
সেনেট-হাউস }

গ্ৰন্থকাৰ

— ୨୬ ୩。

ପୁରୁଷ କାନ୍ତିଲ୍



সাগরিকা

দ্বিতীয় ভাগ

প্রথম পরিচ্ছেদ

ভারত মহাসাগর

ডঃ, এই ক্যাপ্টেন নিমো লোকটি যে কি কঠিন পদার্থে
তৈয়ারী তা বলিতে পারি না। সত্য জগতের মানুষের সঙ্গে
সমস্ত সম্মত ইনি ছিন্ন করিয়াছেন ; এমন কি মরিলে পর
তাহার কবরের স্থানটুকুও আগে হইতে সমুদ্রের তলদেশে
প্রস্তুত করিয়া রাখিয়াছেন ।

কতকগুলি কথা আমার কাছে রহস্যের মতই রহিয়া গেল,
—সেই রাত্রির কথা, চোর-কুঠরিতে আটকের কথা, খুবার


খাওয়ার পর ঘূম পাওয়া জাহাজের কর্মচারীদের দুর সমুদ্রবক্ষে ঘন ঘন আঙুল দেখানো, দূরবীণ চোখে লাগাইতে না লাগাইতে ক্যাপ্টেনের তাহা ছিনাইয়া লওয়া, সেই হতভাগ্য নাবিকের সাংঘাতিক আঘাত—এই সমস্তের কারণ কিছুই বুঝিতে পারিলাম না।

এখন আমুরা ভারত মহাসাগরের বুকের উপর দিয়া চলিয়াছি। কি বিশাল, অসীম, নৌলাভ স্বচ্ছ সমুদ্র ! পৃথিবীর সমস্ত সাগর অপেক্ষা এই ভারত মহাসাগরের জলরাশি সর্বাপেক্ষা স্বচ্ছ ও পরিষ্কার। কাঁচের মত সুন্দর স্বচ্ছ জল ; জলের উপর কে যেন স্বপ্নের প্রলেপ মাথাইয়া দিয়াছে ! একটানা চাহিয়া চাহিয়া মাথা ঘুরিয়া উঠে, দুই চোখে যেন রাজ্যের ঘূম নামিয়া আসে ; শরীর তন্ত্রালস, অবশ, শিথিল হইয়া উঠে, হৃদয় যেন কোন্ নিরুদ্দেশের জন্য উদাস ও কর্ণণ হইয়া উঠে। দিনের পর দিন কাটিতেছে, এ অগাধ অসীম সমুদ্র আর ফুরায় নান। কোথায়ও কোন ডাঙা বা দ্বীপ দেখিলাম না। সমুদ্রের অনন্ত সৌন্দর্য দেখিয়া, সমুদ্রের বিশুদ্ধ হাওয়া খাইয়া, দৈনিক রোজ-নাম্চা লিখিয়া দিন কাটিতে লাগিল।

সমুদ্রের উপর কত রকম দেশ-বিদেশের পাখী দেখিলাম। সি-মিউ, গাল, আল্বাট্রস্ প্রভৃতি নানা পাখী সমুদ্রের উপর উড়িতেছিল। কতকগুলি ক্লাস্টি বশতঃ সমুদ্রজলের পোম হাসের মত ভাসিতেছিল। এই সব পাখী একটানা


হাজার হাজার 'মাইল উড়িয়া চলে; কি অসীম ক্ষমতা
ও গবান ইহাদের দিয়াছেন। ইহাদের গলার স্বর কিন্তু অতি
বিশ্রী, গাধার কর্কশ ডাকের মত শুনিতে লাগে।

কতকগুলি অন্তুত অন্তুত মাছ দেখিলাম, তাহাদের



সালমোন মাছ

সকলের নাম জানি না। সালমোন, ম্যাকারেল, তারা মাছ,




তরোয়াল মাছ

তরোয়াল মাছ, নানা প্রকার কচ্ছপ, করাতমাছ, কঙাল

সাগরিকা

ছ, হাতুরী হাউর মাছ, সজান্ত মাছ—ইহাদের সবৰ



কঙাল মাছ

রৌরীর লম্বা লম্বা শক্ত কাটাময়, কখনো কখনো খুব ফুলিয়া



উডুকু মাছ

অন্ধাণ্য মাছের মত ইহাদের লেজ নাই; পেগাসি মাছ—
নাকটা খুব লম্বা; বেঙ্গ মাছ—মাথাগুলো বড় বড়,

উঠে, ত্রিকেষ
মাছ, চতুর্ষোণ
মাছ, উডুকুমাছ,
শূকর মাছ, কুঁজো
মাছ—পিঠে মস্ত
বড় কুঁজ, ইলেক্
ট্ৰিক ইল মাছ
—সাত ইঞ্জি
লম্বা, ডিম-মাছ
—কালোর উপর
সাদা সাদা দাগ;

সাগরিকা

৬

মাঝখানে গর্ভ, গর্যে সজ্জার মত কঁটা ; বড় বড় পায়রাচাঁদী
মাছ—খাইতে অতি সুস্বাদু। কতকগুলি মাছ দেখিলাম
যাহারা পাথীর মত সমুদ্রের মধ্যে বাসা বাঁধিয়া বাস করে।



ইলেকট্ৰিক ইল মাছ

নেটিলস্ ঘণ্টায় চৰিষ মাইল বেগে চলিতেছিল। ২৪শে
জানুয়াৰী তাৰিখে বার দক্ষিণ অক্ষরেখা, ৯৪ ডাবিমাৰ কৃষ্ণ

কিলিং দ্বীপ দেখিতে পাইলাম। এই ০নিষ্ঠন দ্বীপের তৌর ধরিয়া জাহাজ চলিতে লাগিল। কিলিং দ্বীপ পিছনে ফেলিয়া জাহাজ এইবার উত্তর-পশ্চিম ধরিয়া ভারতবর্ষের দিকে চলিতে লাগিল। এইখান হইতে জাহাজ ক্রমশঃ ধীরে ধীরে চলিতে লাগিল ও মাঝে মাঝে অগাধ জলের তলায় ডুবিয়া চলিল। নোটিলস্ ক্রমশঃই নামিতে লাগিল, কিন্তু তল আর পাওয়া যায় না। এ সেই ভারত মহাসাগর —যেখানে ৪২,০০০ ফুট অর্থাৎ প্রায় ৮ মাইল রশি ফেলিয়াও সমুদ্রতল পাওয়া যায় নাই !

২৫শে জানুয়ারী। সমুদ্রের চতুর্দিকে কোথাও কিছু দেখিতে পাইলাম না। সমস্ত দিনটা নোটিলস্ জলের উপর ভাসিয়া চলিল। বজ্র কঠিন স্কু দিয়া পিছনের জল তোলপাড় ও উর্ধ্বে উৎক্ষিপ্ত করিতে করিতে জাহাজ চলিতে লাগিল। দূর হইতে যে দেখিবে সেই বলিবে একটা অতিকায় তিমিমাছ চলিতেছে।

বেলা চারিটার সময় বহুদূরে “একটা ষ্টিমার পশ্চিমমুখে যাইতেছে দেখিলাম ; বোধ হয় সিড্নি হইতে লক্ষ্য চলিয়াছে।

তারপর দিন ২৬শে জানুয়ারী। ৮২ দ্রাঘিমা ধরিয়া পিশুবরেখা পার হইলাম। দিনের বেলায় একদল ভয়ঙ্কর হাতুর আমাদের সঙ্গে সঙ্গে চলিতে লাগিল। এইখানে ~~হাতুর~~ অত্যন্ত ভয় ; ইহারা যেমনি চতুর তেমনি হিংস্র।

ইহাদের পিঠ ধূসর রঙের, পেটটা একেবারে সাদা ; ইহাদের
সর্বশুল্ক এগারো পাটি দাত। আমরা কাঁচের জানালার
পাশে বসিয়াছিলাম ; তাই দেখিয়া এক একটা হাঙর
এমন জোরে কাঁচের উপর লাফাইয়া পড়িতে লাগিল যে
রাস্তবিক আমাদের
ভয় হইল যে কাঁচ
ভাসিয়া ফেলিবে।
দেখিতে দেখিতে
নোটিলস্ খুব জোরে
চলিতে লাগিল,
হাঙরের দলও পিছনে
পড়িয়া রহিল।

২৭শে জানুয়ারী।
আজ বঙ্গোপসাগরে
জাহাজ পড়িল।
একটা বড় বিক্রী ও
ভৌতিজনক জিনিস



মাছের বাস।

আমাদের চোখে প্রায়ই পড়িতে লাগিল। জলের স্রোতে
অনেক মৃতদেহ ভাসিয়া যাইতেছে। হাজার হাজার মৃতদেহ
গঙ্গানদী দিয়া সমুদ্রে আসিয়া পড়িয়াছে। হাঙরের দল
মহানন্দে তাহা ভক্ষণ করিতেছে।

সন্ধ্যা ৭টার সময় দেখিলাম আমরা দুধ সাগর দিয়া,

চলিতেছি। এ ত সমুদ্র নয়, এ যে ॥ একেবারে দুধ! চতুর্দিকে দুধের সাগর। মাইলের পর মাইল চলিলাম তবু এ দুধ-সাগর ফুরায় না!

কন্সেল বিশ্বিত হইয়া আমাকে ইহার কারণ জিজ্ঞাসা করিল। আমি বলিলাম—“এখানকার নাম দুধ-সাগর, কিন্তু তাই ব'লে মনে ক'র না যে, এ সত্যি সত্যি দুধ। এক রুকম সাদা সাদা পোকা, চুলের মত সরু ও লম্বায় । ইঞ্চির একশ ভাগের এক ভাগ,—সমুদ্রের ঠিক এইখানে তাল হ'য়ে ভেসে বেড়ায়। সেই কারণে এখানকার জল এত সাদা দেখায়। চলিশ মাইল পঞ্চাশ মাইল স্থান ব্যাপিয়া এরা এখানে ঘুরে বেড়ায়। পৃথিবীর আর কোথাও এমন ধারা দেখতে পাবে না!”

দ্বিতীয় পরিচ্ছেদ

লক্ষ্মাৰ মুক্তাক্ষেত

পৰদিন ২৮শে। জানুয়াৰী। হপুৱ বেলায় নোটিলস্‌
ৰ ডিগ্ৰী উত্তৰ অক্ষৰেখাৰ কাছে আসিল। বহুদিন পৱে
আজ ডঙ্গা দেখিতে পাইলাম। আট মাহল পশ্চিমে ছই
হাজাৰ ফুট উচ্চ এক বিশাল পৰ্বতশ্ৰেণী। দূৰ হইতে গ্ৰ
পাহাড়েৰ চূড়াগুলি অত্যন্ত অনুত্ত দেখাইতেছিল। ম্যাপ
দেখিয়া বুবিলাম ইহা লক্ষ্মা দ্বীপ। ক্যাপ্টেন নিমো আসিয়া
বলিলেন—“প্ৰফেসোৱ, সামনেই লক্ষ্মা দ্বীপ; মুক্তাৰ জন্ম ইহা
ভুবনবিধ্যাত। মুক্তা কেমন ক'ৱে তোলে দেখতে যাবেন?”

ক্যাপ্টেনেৰ কথা শুনিয়া আমি বিশ্বিত হইলাম।
জগৎবাসীৰ কাছে ক্যাপ্টেন কি পুনৱায় নিজেৰ পৱিচয়
দিবেন?

ক্যাপ্টেন আমাৱ বিশ্বয়েৰ কাৱণ বুবিতে পাৱিলেন,
বলিলেন—“এত বিশ্বিত হচ্ছেন কেন প্ৰফেসোৱ? আমো
মুক্তাৰ ক্ষেত দেখ্ৰ; এখন মুক্তা তোলবাৰ সময় নয়,
কাৱণ সঙ্গে দেখা হবাৰ কোন ভয় নাই। এখন ‘ম্যানাৰ
উপসাগৱেৱ’ দিকে জাহাজ চালাতে ব'লে আসি, সেখানে
পৌছাতে ঠিক রাঁত হবে।”

ক্যাপ্টেন একজন কৰ্মচাৰী ডাকিয়া কি সব

কঢ়িলেন। তারপর জাহাজ পুনরায় জলের তলায় ঢুব মারিল। ক্যাপ্টেন আমাকে জিজ্ঞাসা করিলেন—“আঁচ্ছা, আপনি হাঙ্গরে দেখলে ভয় পাবেন না ত ?”

আমি বলিলাম—“না, কিন্তু এ পর্যন্ত কখনও হাঙ্গরের সামনে পড়ি নি বা হাঙ্গরের সঙ্গে লড়াই করি নি।”

—“আমাদের কিন্তু খুব অভ্যাস আছে। যাই হো'ক কাল সকালে অস্ত্রশস্ত্র নিয়ে আমাদের বেরতে হবে, কারণ হাঙ্গরের সঙ্গে লড়াই যেমনি মজার আবার তেমনি বিপজ্জনক।”

এই বলিয়া আজকের মত ক্যাপ্টেন বিদায় লইলেন। হাঙ্গরের সামনে মুখোমুখি দাঢ়াইয়া লড়াই করিতে হইবে শুনিয়া আমার সর্বাঙ্গে কাঁটা দিয়া উঠিল। যদি কেউ আসিয়া বলিত সুইজার্ল্যাণ্ডের পাহাড়ের উপর ভালুক শিকার করিতে যাইতে হইবে, বা আফ্রিকার জঙ্গলে সিংহ শিকার করিতে হইবে, এমন কি সুন্দরবনে বাঘ মারিতে যাইতে হইবে, তাহা হইলেও এত ভয়-হইত না। ভাবিয়া ভাবিয়া কপালে বিন্দু বিন্দু ঘাম দেখা দিল। আমি শুনিয়াছি যে আন্দামান দ্বীপের কাঞ্চীরা হাতে একটা ছোরা লইয়াই হাঙ্গরের সঙ্গে মুখোমুখি দাঢ়াইয়া লড়াই করে; কিন্তু কর্মজনই এই জ্যান্ত ফিরিয়া আসে ?

নেড় ও কন্সেল আসিলে পর তাহাদের কাছে ক্যাপ্টেন নিমোর নিমন্ত্রণের কথা বলিলাম। কাল সকালে

আমরা মুক্তাক্ষেত্ দেখিতে যাইব শুনিয়া তাহারা খুঁই
আনন্দিত হইল।'

নেড় বলিল—“মুক্তাক্ষেত্ দেখতে যাবার আগে মুক্তা
সম্বন্ধে কিছু জেনে যাওয়া ভাল।”

আমি বলিলাম—“তা বেশ ত ; তোমরা বস, কি জানতে
চাও, বল।”

কন্সেল বলিল—“আচ্ছা, প্রথমে বলুন মুক্তা জিনিসটা কি ?”

আমি বলিলাম—“কবিরা বলেন, মুক্তা হচ্ছে সাগরের
অঙ্গবিন্দু ; ভারতবাসীরা বলে আকাশ হ'তে বিনুকে শিশির
প'ড়ে জগাট বেঁধে মুক্তা হয় ; মেয়েরা বলে এ হচ্ছে এক
অতি সুন্দর রত্ন, আঙুলে, গলায়, বুকে, কাণে, নাকে তা'রা
অতি যত্নের সহিত ইহা ব্যবহার করে ; বৈজ্ঞানিক বলেন,
ইহা ফসফেট ও কার্বনেট অফ লাইম এই দুই জিনিসের
মিশ্রিত পদার্থ ; জীবতত্ত্ববিদেরা বলেন, ইহা একপ্রকার
কৌটের দেহনিঃসৃত তরল পদার্থের সমষ্টি মাত্র। নৌল,
নৌলাভ, বেগুনে, সাদা নানা প্রকারের মুক্তা হ'য়ে থাকে।
সমুদ্রতলে অয়েষ্টার নামে একপ্রকার বিনুক আছে ; এই
বিনুকের ভিতরকার পেঁটকার মধ্যে এই মুক্তা জন্মিয়া
থাকে। বিনুকের ভিতর প্রথমে একটা ছেঁটি শক্ত পাথরের
কণার মত একটা জিনিস জন্মায়, তারই গায়ে বিনুকের গা
হইতে এক রকম রস বার হ'য়ে জম্তে থাকে ; বছরের পর
বছর এই রকম হ'য়ে হ'য়ে শেষকালে মুক্তা হ'য়ে দাঁড়ায়।”

— কন্সেল্ জিঞ্চা করিল—“আচ্ছা, একটা বিনুকের ভিতর
কি অনেক মুক্তা হয় ?”

• আমি বলিলাম—“তার ঠিক নেই। কোনটায় বা একটা
হয়, আবার কোনটার মধ্যে দেড়শ' মুক্তা ও হয়।”

কন্সেল্ বলিল—“বিনুক হ'তে কেমন ক'রে মুক্তা বার
করে ?”

আমি বলিলাম—“তার অনেক রকম উপায় আছে।
কেউ কেউ সমুদ্র থেকে বিনুক তুলে তা ফাঁক ক'রে চিম্টা
দিয়ে মুক্তা টেনে বার করে। কিন্তু সচরাচর সমুদ্র থেকে
বিনুক তুলে সমুদ্রধারের বালির উপর মাছুর বা চ্যাটাইএর
— উপর তাহা শুকাইতে দেওয়া হয়। রোদের আচে
বিনুকগুলি মরে যায়, তারপর সেগুলো পঁতে থাকে।
পরে সেইগুলো বড় বড় চৌবাচ্চার ভিতর এনে
ফেলা হয়, সেইখানে ছাড়ান, ধোয়া, সাফ করা
প্রভৃতি কাজগুলো করা হয়। তারপর গরম জলে সেইগুলো
ফুটান হয়।”

কন্সেল্ বলিল—“আচ্ছা, বড় ছোট মাপ অনুসারে মুক্তার
বেশী কম দাম হয় ত ?”

আমি বলিলাম—“শুধু বড় ছোট মাপ অনুসারে নয়,
০.৫ন হিসাবেও বেশী কম দাম হয়; আবার যে মুক্তা যত
উজ্জল সেই মুক্তার দাম তত বেশী। মুক্তা গোল হয়, বাদামি
হয়, আবার বাঁকাচোরাও হয়।”

কন্সেল বলিল—“আচ্ছা, মুক্তা তুলতে গিয়ে কি অনেক
‘বিপদের মধ্যে পড়তে হয় ?”

নেড় বলিল—“বিপদ আবার কি ? যা খানিকটা জল
খেতে হয়, তা জলের ভিতর নাম্বলে অমন হয়ই ।”

নেডের বলিবার ভঙ্গী দেখিয়া আমি বলিলাম—“নেড়,
এখন ত খুব বলছ, হাঙ্গরকে তোমার ভয় করে না ?”

বুক ফুলাইয়া নেড় বলিল—“সারা জীবন হারপুন চালিয়ে
কত হাঙ্গর মারলুম, আর আজ ভয় করতে যাব ?”

আমি বলিলাম—“কিন্ত এ মৌকার উপর দাঁড়িয়ে হারপুন
ছোড়া নয় ।”

নেড় বলিল—“তবে কি জলের মধ্যে দাঁড়িয়ে ? তা’তেই
বা কি ? হাঙ্গরের স্বভাব হচ্ছে যখন কাউকে আক্রমণ করে
তখন উপে যায়, পেট্টা সব সামনে চিতিয়ে পড়ে, সেই
স্থযোগে,—বুঝলেন ত ?”

সেদিন আর কোন কথাবার্তা হইল না ।

তৃতীয় পরিচ্ছেদ

হাঙরের সাথে ভৌষণ লড়াই

পরদিন তোর চারিটার সময় ক্যাপ্টেনের খানসামা
আসিয়া আমাকে ঘুম হটতে টানিয়া তুলিল। তাড়াতাড়ি
কাপড় জামা পরিয়া স্থালুনে গেলাম। ক্যাপ্টেন আমার
জন্য অপেক্ষা করিতেছিলেন, বলিলেন—“আপনারা সবাই
প্রস্তুত ?”

আমি বলিলাম—“হঁ ক্যাপ্টেন !”

ক্যাপ্টেন বলিলেন—“তবে আশুন আমার সঙ্গে।”

আমি বলিলাম—“সমুদ্রে নাম্বার জন্য আমাদের পোষাক
পর্যন্তে হবে না ?”

ক্যাপ্টেন বলিলেন—“না, এখন নয়। ম্যানার্ চর খুব
কাছে ব'লে জাহাজ একেবারে ‘কিনারায় ভিড়’তে দিই নি।
এখন আমরা নৌকায় চড়ে কিনারার কাছে যাব ; নৌকায়
সব ডুব-পোষাক ঠিক করা আছে ; ঠিক জায়গায় গিয়ে আমরা
তা পরে সমুদ্রতলে নাম্বৰ।”

নেড়, কন্সেল ও আমি ক্যাপ্টেনের সঙ্গে জাহাজের
ছাদের উপর গিয়া নৌকায় চড়িলাম। জাহাজের পাশেই
নৌকাটা বাঁধা ছিল। পাঁচজন নাবিক দাঢ় ধরিয়া আমাদের

জন্ম অপেক্ষা কুরিতেছিল। তখনও কেবল রাত্রি আছে; তার উপর আকাশে মেঘ করিয়া অঙ্ককার যেন দ্বিগুণ দেখাইতেছিল; কেবল দুই একটা তারা এখানে ওখানে দেখা যাইতেছিল। দূরে ডাঙাৰ পানে তাকাইবার চেষ্টা কুরিলাম, কিন্তু কিছুই দেখিতে পাইলাম না।

নোটিলস্ এখন লঙ্কাদ্বীপের পশ্চিম কূলে; অনতিদূরেই ম্যানাৰ দ্বীপ । ইহারই নিকটে সেই ভূবনবিখ্যাত মুক্তাক্ষেত, দৈর্ঘ্যে ইহা কুড়ি মাইলেরও বেশী হইবে !

আমৰা চারিজনে নৌকায় গিয়া উঠিলাম। নৌকা ছাড়িয়া দেওয়া হইল; দক্ষিণদিকে নৌকা চলিতে লাগিল। সমুদ্রজলে অল্প অল্প টেউ, কিন্তু তাহাতে নৌকা বেশ দোল খাইতেছিল। আমৰা সকলেই চুপচাপ; কাহারও মুখে কোন কথা নাই। ক্যাপ্টেন এখন কি ভাবিতেছে? ডাঙা ত আৱ বেশী দূৰ নয় !

ভোৱ সাড়ে পাঁচটাৰ সময় আবছা আলোয় তীরভূমি অতি অস্পষ্টভাৱে দেখা গেল। এখনও প্ৰায় পাঁচ মাইল; চারিদিকেই কুয়াসা। বেলা ডুটাৰ সময় স্মৃত্য উঠিতেই সমস্ত কুয়াসা যেন মন্ত্ৰবলে কাটিয়া গেল। এইবাব বেশ স্পষ্ট দেখিতে পাইলাম তীরভূমিতে মাৰে মাৰে গাছ রহিয়াছে; জমিও বেশ পৱিষ্ঠাৱ দেখা গেল। নৌকা ক্ৰমশঃই ম্যানাৰ দ্বীপেৰ নিকট অগ্ৰসৱ হইতে লাগিল। ক্যাপ্টেন নিমো . বসিয়াছিলেন, উঠিয়া দাঢ়াইয়া, মনোযোগ দিয়া

সমুদ্রে কি যে দেখিতে লাগিলেন। তাহার হকুম মত
নৌকায় নোঙ্গর ফেলা হইল; ও হরি, এতবড় সমুদ্র আর
নোঙ্গর ফেলিতে না ফেলিতে ‘ঠক্’ করিয়া মাটিতে ঢেকিল!
এতবড় সমুদ্র হইলে কি হয় এখানকার জলের গভীরতা তিন-
ফুট মাত্র। অবশ্য আশপাশের গভীরতা আরও বেশী।

ক্যাপ্টেন নিমো বলিলেন—“আমরা মুক্তাক্ষেত্রে কাছেই
এসে পড়েছি। আর এক মাসের মধ্যে এইখানে অসংখ্য
জেলে-নৌকার ভীড় লেগে যাবে। এইখানকার জলের মধ্যে
নানারকম বিপদ, তবু ডুবুরীরা অন্তুত সাহস ভরে জলের
ভিতর নেমে যায়। এইবার আমাদের পোষাক পরে
নামা যাক।”

সমুদ্রের উপর বেশ বড় বড় টেউ বহিতেছিল। নাবিক-
দের সাহায্যে আমরা পোষাকগুলি পরিলাম। মাথায় যখন
চাকুনিটা পরিতে যাইতেছি তখন ক্যাপ্টেন বলিলেন—
“এখানে আমাদের আলো নিয়ে যাবার কোন দরকার নেই।
সূর্যের আলোয় সমুদ্রের ভিতর সব দেখতে পাওয়া যাবে।
আবার আলো নিয়ে যাওয়ার বিপদও অনেক, এখানে
ভয়ঙ্কর হাঙ্গরের আড়ডা, আলো দেখলেই ছুটে আসবে।”

ক্যাপ্টেনের কথা শুনিয়া আমার মুখ শুকাইয়া গেল।
নেড় ও কন্সেলের বরাত ভাল, তাহারা ততক্ষণ মাথায়
চাকুনি পরিয়া ফেলিয়াছে, ক্যাপ্টেনের অমন অলুক্ষণে
কথা কিছুই শুনিতে পায় নাই।

‘আমি ক্যাপ্টেনকে আর একটি প্রশ্ন করিলাম’ ;—
বুলিলাম—“সঙ্গে আমরা বন্দুক নেব না ?”

ক্যাপ্টেন বলিলেন—“বন্দুক নিয়ে কি হবে ? জলের
ভিতর বন্দুকের চেয়ে এই ইস্পাতের ছোরা বেশী কাজে
লাগবে। এই ছোরাটা আপনার কোমরে ঝুলিয়ে
ঠাথুন।”

নেড় ও. কন্সেলও ছোরা সঙ্গে লইয়াছিল ; উপরন্ত
নেডের হাতে একটি ভয়ঙ্কর হারপুন ; আসিবার সময়
জাহাজ হইতে আনিয়াছে। যাই হোক, আমরা জলের
ভিতর নামিয়া পড়িলাম ; নাবিকেরা সকলেই নৌকায় রহিল
—সেখানকার জল ছয় ফুট গভীর ; পায়ের তলায় পরিষ্কার
মিহি বালি। ক্যাপ্টেনের সঙ্গে আমরা জলের ভিতর
ক্রমেই নামিয়া চলিলাম, সেই জায়গাটা খুবই ঢালু। পায়ের
তলা হইতে অসংখ্য মাছ সরিয়া যাইতে লাগিল ; কি সুন্দর
তাহাদের রং, কি চক্ষন তাহাদের গতি, কি অপূর্ব তাহাদের
ঝাঁকের বাহার !। প্রায় আড়াই ফুট লম্বা একরকম সাপ
দেখিতে পাইলাম।

প্রায় সাতটার সময় অয়েষ্টারের চরে আসিয়া পৌছাইলাম
—ইহাই মুক্তাক্ষেত্রের আরন্ত। কোটি কোটি ঝিনুক তাল
হইয়া চতুর্দিকে ছড়াইয়া রহিয়াছে। সে যে কত রাশি
রাশি ঝিনুক বলিতে পারিনা। নেড় সঙ্গে করিয়া একটা
জালের থলি লইয়া আসিয়াছিল, কতকগুলি সুন্দর সুন্দর

বিশুক থলির মধ্যে তুলিল। কিন্তু আমরা সেখানে দাঢ়াইলাম না। ক্যাপ্টেন পথ দেখাইয়া চলিলেন, আমরাও পিছনে চলিলাম।

এখানকার সমুদ্রতলের জমি বড়ই অসমতল; এক এক জায়গায় এত উচু যে হাত তুলিলে জলের উপর পর্যন্ত হাত



ক্রস্তাসিয়া নামক রাক্ষসে চিংড়ী মাছ
আমাদের পানে তাকাইতেছিল—যেন হাতিয়ার বোৰাই
এক একখানা যুদ্ধের জাহাজ।

ওঠে, আবার এক এক জায়গায় খুবই নীচু।
মাঝে মাঝে পিরামিডের মত পাহাড়ের
স্তুপ। সেই সব
পাহাড়ের কোলে
কোলে অঙ্ককার
ফাটলের মধ্যে ক্রস্তা-
সিয়া নামক এক-
প্রকার বৃহদাকার
রাক্ষসে চিংড়ীমাছ
দেখিতে পাইলাম;
কতকগুলি বিরাট
আকার কাঁকড়া
ভয়ঙ্কর মূর্ণি ধরিয়া

এই সব পাহাড় ঘুরিয়া শেষকালে আমরা একটি হলের মত স্থানে উপস্থিত হইলাম। চতুর্দিকে পাহাড় ; মাথার উপরে পাহাড়গুলো ঝুঁকিয়া আসিয়া পড়িয়াছে। পায়ের তলায় জলজ ঘাসের কার্পেট পাতা। স্থানটি অপেক্ষাকৃত অঙ্ককারু। মাঝে মাঝে পাথরের বড় বড় থাম মাথার উপরকার ছাদ ধরিয়া আছে। মোটের উপর জায়গাটা ভারী সুন্দর। চলিতে চলিতে ক্যাপ্টেন নিম্নে হেঁট হইয়া কি একটা জিনিস দেখিতে লাগিলেন। কাছে গিয়া দেখি একটা প্রকাণ্ড ঝিনুক ; দেখিতে সম্পূর্ণ গোল। এটা রাক্ষুসে বলিলেও হয় ; চওড়ায় এটা প্রায় সাড়ে ছয় ফুট ; ওজনে ৬০০ পাউণ্ড বা প্রায় সাড়ে সাত মণ। ঝিনুকের মুখ বা ঠোঁট ছুটা একটু ফাঁক ছিল। ক্যাপ্টেন তাড়াতাড়ি নিকটে গিয়া ঝিনুকটা বন্ধ হইবার পূর্বেই তার ছোরার ডগা সেই মুখের মধ্যে চুকাইয়া দিলেন। একটু ফাঁক করিয়া ধরিতেই ভিতরে যাহা দেখিলাম—জীবনে তাহা তুলিব না ; ঝিনুকের পেটের মধ্যে একটা আল্গা মুক্তা বসানো রহিয়াছে, ঠিক নারিকেলের মত বড় ; তাহা যেমনি গোল, তেমনি উজ্জ্বল ও তেমনি দ্রুতিময় !

আমি পাগল হইয়া গেলাম ! হাত বাড়াইয়া সেই অমূল্য মুক্তাটি তুলিয়া লইতে গেলাম ; কিন্ত ক্যাপ্টেন আমাকে বারণ করিলেন. ও তাহার ছোরা বাহির করিয়া লইলেন। ঠোঁট ছুটা তখনই বুজিয়া গেল। জহরতের সম্মুখে আমার

ষে অন্ন জ্ঞান আছে তাহাতে বুঝিলাম মুক্তাটির দাম
৫,০০,০০০ পাউণ্ড বা ৭৫ লক্ষ টাকা হইবে।

দশ মিনিট চলিবার পর ক্যাপ্টেন নিমো হঠাৎ কি যেন
দেখিয়া দাঢ়াইয়া পড়িলেন। ইসারা করিয়া তিনি আমাকে
হেঁট হইয়া চলিতে বলিলেন। একটা পাহাড়ের আড়ালে
গিয়া দাঢ়াইলে তিনি আঙুল দিয়া সামুনে কি দেখাইলেন।
দেখিলাম পনের ফুট দূরে একটা লম্বা ছায়া মাটিতে
নামিতেছে। চট করিয়া হাঙরের কথা মনে পড়িল। কিন্তু
লঙ্ঘ্য করিয়া দেখিলাম যে সেটা হাঙর নয়।

সেটা একটা মানুষ,—একটা জ্যান্ত মানুষ ! একজন
ভারতবর্ষীয় ডুবুরী চোরের মত মুক্তাতোলার সময়ের পূর্বেই
সেখানে আসিয়া মুক্তা তুলিতে আরম্ভ করিয়াছে। বেচারী
গরীব মানুষ ! দারিদ্র্যের তাড়নায় সমস্ত বিপদ অগ্রাহ
করিয়া সেখানে মুক্তা তুলিতে আসিয়াছে। জলের উপর
তাহার নৌকা ভাসিতেছে। দেখিতে পাইলাম, সে একবার
নামিতেছে আবার উঠিতেছে ; এইরূপ ক্রমাগত মুক্তা
তুলিতেছে ! নৌকা হইতে একটি দড়ি ঝুলানো রহিয়াছে
তাই ধরিয়া সে ক্রমাগত উঠা-নামা করিতেছে। সঙ্গে একটা
থলি, হেঁট হইয়া ঝিলুক কুড়াইয়া থলিতে পূরিতেছে, আবার
উঠিতেছে। জলের মধ্যে আধ মিনিটের মধ্যেই সে
প্রত্যেকবার এত কাজ শেষ করিতেছে।

পাহাড়ের আড়ালে দাঢ়াইয়া আমরা তাহার এই কাজ

দেখিতেছি। সে ভুলেও ভাবেনি যে জলের তলায় তারুষ
মত আরও কতকগুলি মাছুষ দাঢ়াইয়া তাহাকে দেখিতেছে।
প্রায় আধঘণ্টা সে এইরূপ উঠা-নামা করিতে লাগিল।



ডুবুরী মুক্তা তুলিতেছে

আমরাও বেশ আনন্দের সহিত তাহার কাজ দেখিতেছি;
হঠাৎ দেখি সেই ভারতবর্ষীয় লোকটি জলের ভিতর নামিয়া
কি রকম ভয় খাইয়া গেল। ভয় পাইয়া সে তাড়াতাড়ি

একলাটক মুক্তাক্ষেত্রে তলা হইতে জলের উপরে উঠিবার চেষ্টা করিল ।

তাহার ভয়ের কারণ বুঝিতে পারিলাম । দেখিলাম তাহার মাথার উপর একটি প্রকাণ্ড দীর্ঘ ছায়া ! একটা ভয়ঙ্কর হাঙ্গর সেই হতভাগ্য লোকটিকে লক্ষ্য করিয়া তৌরের মত ছুটিয়া আসিতেছে । সেই ঘোলাটে চোখ দিয়া যেন আগুন ছুটিতেছে ; প্রকাণ্ড হাঁ একেবারে খোলা, তাহার মধ্যে ছয় সারি দাঁত ; প্রত্যেক সারিতে শত সহস্র ধারাল দাঁত !

ভয়ে আমি কাঠ হইয়া দাঢ়াইয়া রহিলাম । হাঙ্গরের আক্রমণ হইতে নিজকে বাঁচাইবার জন্য সেই লোকটি একপাশে চট্ট করিয়া দাঢ়াইল । হাঙ্গরের পিঠের পালকে তাহার গায়ে লাগিল না বটে, কিন্তু লেজের আঘাতে লোকটা সেইখানে শুইয়া পড়িল । হাঙ্গরটা আবার চিৎ হইয়া লোকটিকে একেবারে ছুইথণ্ড করিবার জন্য ছুটিয়া যাইল । কয়েক সেকেণ্ডের মধ্যেই এত কাণ্ড হুইয়া গেল ।

ক্যাপ্টেন নিমো এইবার সোজা হইয়া দাঢ়াইয়া হাতে ছোরাটা বেশ শক্ত করিয়া ধরিয়া একেবারে হাঙ্গরের সামনে গিয়া দাঢ়াইলেন । একটা নূতন লোক দেখিতে পাইয়া হাঙ্গর এইবার ডুবুরীকে ছাড়িয়া ক্যাপ্টেন নিমোকে তাড়া করিল । ক্যাপ্টেন অসম সাহসে স্থির হইয়া দাঢ়াইয়া হাঙ্গরের আক্রমণের অপেক্ষা করিতে লাগিলেন । হাঙ্গর

চেঁচা ছুটিয়া ক্যাপ্টেনকে দুইখণ্ড করিয়া কাটিতে গেল।
ধাকা লাগে লাগে এমন সময় ক্যাপ্টেন চট করিয়া সরিয়া।



হাঙর

দাঢ়াইয়া তাহার ছোরা হাঙরের বুকের পাশে একেবারে
আমূল বসাইয়া দিলেন।

দেখিতে দেখিতে হইজনের মধ্যে প্রবল যুদ্ধ বাধিয়া গেল। হাঙ্গর রাগে ও যন্ত্রণায় তখন যেন গজ্জন করিতে লাগিল। বুকের পাশের কাটা হইতে রক্তের ফোয়ারা ছুটিতে লাগিল। সমুদ্র-জল লালে লাল হইয়া উঠিল। পরিষ্কার জলে একঙ্গ সবই দেখিতে পাইতেছিলাম, এখন রক্তের দরুণ সমস্তই ঘোলাটে হইয়া উঠিল। দেখি ক্যাপ্টেন তখন একহাতে হাঙ্গরের একটা পালকে সজোরে ধরিয়া হাঙ্গরের সঙ্গে ঝুলিতেছেন ও অপর হাতে ছোরা দিয়া ক্রমাগত উহার গায়ে ভৌষণ খোঁচা মারিতেছেন। কিন্তু ঠিক স্থানে ছোরা বসাইতে পারিতেছিলেন না বলিয়া হাঙ্গরটা অত আঘাতেও কিছুতেই মরিল না। হাঙ্গরের সে কি এক একটা ঝাপটা! সমুদ্রজল এমন আলোড়িত হইয়া উঠিল যে, আমরা সোজা হইয়া দাঁড়াইতে পারিতেছিলাম না। হাঙ্গর তখন নিজের প্রকাণ শরীরের ভার দিয়া ক্যাপ্টেনকে মাটিতে চাপিয়া ধরিল। ক্যাপ্টেন শুইয়া পড়িলেন; হাঙ্গর বিষম হঁক করিয়া ক্যাপ্টেনকে গিলিতে গেল।

নেড়ল্যাণ্ড তৎক্ষণাৎ হারপুন হাতে হাঙ্গরের কাছে ছুটিয়া প্রচণ্ড বিক্রমে হারপুন তাহার বুকের উপর বসাইয়া দিল। আবার ঝলকে ঝলকে রক্ত বাহির হইতে লাগিল; সেই অজস্র রক্তের ফোয়ারায় সমুদ্র যেন রক্তের সমুদ্র হইয়া উঠিল। ভৌষণ যন্ত্রণায় হাঙ্গর সমুদ্র তোলপাড় করিতে লাগিল। কিন্তু তাহার শক্তি শেষ হইয়া আসিতেছিল।

নেডের হাতে সে মরণ-মার খাইয়াছে। মৃত্যুযন্ত্রণায় হাঙর এইবার শিট্কাইতে লাগিল। শিট্কাইতে শিট্কাইতে হাঙরটা কন্সেলের কাছে আসিয়া ধাক্কা মারিয়া তাহাকে ভুঁয়ে ফেলিয়া দিল।

ক্যাপ্টেন নিম্নো এইবার উঠিয়া দাঢ়াইয়া সেই হতভাগ্য ডুবুরীর কাছে গিয়া তাহাকে বাঁচাইবার চেষ্টা করিলেন। তাহার কোমরৈর দড়ি কাটিয়া কোলের উপর তুলিয়া পায়ের গোড়ালির এক ধাক্কায় জলের উপর লাফাইয়া উঠিলেন। আমরা তিনজনও সেইরকমে জলের উপর উঠিয়া ডুবুরীর নেকায় গিয়া উঠিলাম। হাঙরের সেজের ঝাপ্টায় ডুবুরীর বিশেষ কিছু হয় নাই। ক্যাপ্টেনের মাজা-ঘৰায় ও সেবা-শুঙ্খায় তাহার জ্ঞান শীঘ্ৰই ফিরিয়া আসিল। চোখ খুলিয়া বেচারী আবার ভয় পাইল। সে দেখিল তাহার শরীরের উপর তামার ঢাক্কনিপরা চারটে মাথা ঝুলিতেছে। ক্যাপ্টেন তখন তাহার পকেট হইতে একমুঠা মুক্তা বাহির করিয়া সেই ডুবুরীর হাতে দিলেন। সে কাঁপিতে কাঁপিতে তাহা গ্রহণ করিল। আমাদের সে নিশ্চয় কোন জলদেবতা ভাবিয়াছিল; তাহা না হইলে অমন বিপদ হইতে কে তাহাকে রক্ষা করিবে!

তারপর ক্যাপ্টেনের হৃকুম মত আমরা জলের ভিতর লাফাইয়া পড়িলাম। আগেকার পথ ধরিয়া আধঘণ্টার মধ্যে আমরা আমাদের নোঙ্র-বাঁধা নেকায় আসিয়া উঠিলাম। নেকায় দাঢ় টানিয়া আমরা নোটিলসে

ফিরিতেছি, দেখি হাঙরটা ভাসিয়া উঠিয়াছে। উহা দৈর্ঘ্যে
পঁচিশ ফুট হইবে। এত বড় হাঙর এক ভারত মহাসাগর
ব্যতীত আর কোথাও দেখিতে পাওয়া যায় না। দেখিতে
দেখিতে আমাদের নৌকার চারিদিকে গোটা বারো হাঙর
ভাসিয়া উঠিল। তাহারা সকলেই মৃত হাঙরের পানে ছুটিয়া
গিয়া তাহাকে থাইতে আরম্ভ করিল।

সকাল সাড়ে আটটার সময় আমরা নোটিলসে' পৌছাইলাম।
সেদিন আমি ক্যাপ্টেন নিমোর মধ্যে ছাইটা জিনিস দেখিলাম;
প্রথম ক্যাপ্টেনের অসমসাহস, দ্বিতীয়তঃ, যে মানুষের আলয়
হইতে তিনি চলিয়া আসিয়াছেন সেই মানুষের উপর তাহার
অসীম দরদ ও ভালবাসা।

কথাপ্রসঙ্গে সেদিন ক্যাপ্টেন আমাকে বলিলেন—“ঐ যে
ভারতবাসীকে দেখলেন ওদের ভারী কষ্ট; ওদের ভারতবর্ষের
উপর বিদেশীরা অনেক অত্যাচার করে। প্রফেসার, আমি
এখনও এবং যতদিন আমি বাঁচব ততদিন,—নিজেকে
ভারতবাসী ব'লে জানি ও জান্ব।”

চতুর্থ পরিচ্ছেদ

আবুসাগর হইতে লোহিত সাগর

২৯শে জানুয়ারী। দেখিতে দেখিতে লঙ্কাদ্বীপ আকাশের কোলে ক্রমশঃ মিশাইয়া গেল। নোটিলস্ এখন ঘণ্টায় কুড়ি মাইল বেগে চলিতেছে। মালভিভ্ ও লাকাডিভ্ এই ছহটি দ্বীপপুঞ্জের মধ্যে যে অসংখ্য খাল আছে তাহারই মধ্যে দিয়া জাহাজ সন্তর্পণে চলিতে লাগিল। আজ হিসাব করিয়া দেখিলাম জাপান-সমুদ্র হইতে আজ পর্যন্ত সর্বশুন্ধ ১৬,২২০ মাইল পথ জলের তলা দিয়া আসিয়াছি।

পরদিন ৩০শে জানুয়ারী। নোটিলস্ যখন জলের উপর আবার ভাসিয়া উঠিল দেখিলাম চতুর্দিকে কোথাও ডাঙ্গার চিহ্ন নাই। জাহাজের গতি তখন উত্তর পশ্চিম দিকে, অর্থাৎ ওমান সাগরের পানে এখন জাহাজ চলিতেছে। এই ওমান সাগর ধরিয়া পারস্য উপসাগরের মধ্যে যাওয়া যায়। সেইখানেই পথ শেষ; তবে ক্যাপ্টেন নিম্নে আমাদের কোথায় লইয়া চলিতেছেন?

এই বিষয়ে আমার চেয়ে নেড়ের ভাবনা বেশী; সে আসিয়া আমরা কোথায় যাইতেছি তাহাই জিজ্ঞাসা করিল।

আমি বলিলাম—“ক্যাপ্টেন কোথায় নিয়ে যাচ্ছেন তা ত
বলতে পারি না নেড়।”

নেড় বলিল—“যা দেখছি তা’তে বুৰ্ছি যে, ক্যাপ্টেন
আমাদের পারস্ত উপসাগরের মধ্যে নিয়ে যাচ্ছেন ; কিন্তু
তা হ’লে সেখান হ’তে আবার ফিরে আসতে হবে।”

—“ফিরে আসতে হয় ত কি হবে ? ব্যাবেলম্যাণ্ডের
প্রণালী ঘূরে লোহিত সাগরে জাহাজ তখন ঢুকবে।”

—“কিন্তু লোহিত সাগর ত পারস্ত সাগরের মত বন্ধ।
সুয়েজ ক্যানাল কাটা এখনও শেষ হয় নি ; তা হ’লে ইউরোপে
আমরা কেমন ক’রে ফিরব ?”

—“আচ্ছা নেড়, ইউরোপে ফের্বার জন্য এত ব্যস্ত হচ্ছ
কেন ? আমি ত এমন জাহাজ ছেড়ে কোথাও যেতে
চাই না।”

চারিদিন ধরিয়া নোটিলস্ ওমান্ সাগরের চারিদিকে
খাম্খেয়ালি ভাবে চলাফেরা করিতে লাগিল—কখনও জলের
উপর ভাসিয়া আবার কখনও অগাধ জলে ডুবিয়া, কখনও
অতি ধীরে আবার কখনও বা ভীষণবেগে চলিতে লাগিল।
যেন কোন্ দিকে যাইবে তাহা ঠিক করিতে পারিতেছে না।
~~ট্রিপিকুল~~ অফ্ ক্যান্সার্ জাহাজ কিছুতেই পার হইল না।

ওমান্ সাগর হইতে অদূরে মঙ্গল নগরী দেখিতে পাইলাম।
দূর হইতে সহরটি ভারী সুন্দর দেখাইতেছিল। চতুর্দিকে
দৈত্যের মত কালো পাহাড়ের উপর সাদা সাদা বাড়ীগুলি

বেশ দেখাইতেছিল। কত বড় বড় গোল গোল মসজিদ
দেখিলাম। বাড়ীর ছাদগুলি কি সুন্দর!

নোটিলস্ আবার ডুব মারিল। আরব দেশের হাত্তামাণ্ট,
কূল ধরিয়া জাহাজ চলিতে লাগিল। ৫ই ফেব্রুয়ারী তারিখে
আমরা এডেন উগান্ডারে প্রবেশ করিলাম;—এটা যেন
একটা ফুঁদিল, এই ফুঁদিল দিয়া ভারতমহাসাগরের জল
লোহিত সাগরে প্রবেশ করিতেছে।

৬ই ফেব্রুয়ারী তারিখে আমরা এডেন সহর দেখিতে
পাইলাম। এই সহরটি একটি প্রকাণ্ড কেল্লা বলিলেও
চলে; কালো পাহাড়ের উপর বসিয়া কে যেন সমুদ্রের
চারিধারে পাহারা দিতেছে। ১৮৩৯ খৃষ্টাব্দে এই সহরটি
ইংরাজদের অধিকারে আসে। ওদিকে জিব্রাল্টার এদিকে
এডেন—ছুইদিকে ইংরাজদের ছুইটি অজয় কেল্লা।

আমি ভাবিলাম ক্যাপ্টেন এইবার নিশ্চয় ফিরিবেন,
কারণ, সত্য জগতের লোকালয় ক্রমশঃই নিকটবর্তী
হইতেছে। কিন্তু তাহা না করিয়া ক্যাপ্টেন নিম্নো
অসঙ্কোচে ব্যাবেলম্যাণ্ডের প্রণালীর মধ্যে প্রবেশ করিলেন।
ব্যাবেলম্যাণ্ডের কথাটি আরুবী, ইহার অর্থ ‘অশ্রুর ছয়ার’।
ইহা দৈর্ঘ্যে বত্রিশ মাইল আর প্রস্ত্রে কুড়ি মাইল। নোটিলস্
পূরা দমে আধ ঘণ্টার মধ্যে ইহা পার হইয়া গেল। এখানে
ইংরাজ ফরাসীদের অনেক জাহাজ ও ষিমার চলাফেরা করে,
কোনটা বোম্বে যাইতেছে, কোনটা বা মেলবোর্ন বা মোরিসাসে়

যাইতেছে। কাজে কাজেই নোটিলসকে জলের তলায় ডুবিয়া যাইতে হইল।

মেইদিন ছপুরে আগরা লোহিত সাগরে গিয়া পড়িলাম। ক্যাপ্টেনের যে কি উদ্দেশ্য তাহা কিছুই বুঝিলাম না। জাহাজের বেগ ক্রমশঃই কমিয়া আসিতেছে,—কখনও ভাসিয়া চলিতেছে আবার দূরে জাহাজ দেখিলেই ডুবিয়া চলিতেছে।

৮ই ফেব্রুয়ারী মঙ্গল সহর দেখিতে পাইলাম। একটা পুরাতন সহর, চারিদিকে ভাঙা প্রাচীর ও খেজুরগাছের বাগান। এই সহরের মধ্যে ছয়টা বাজার ও ছাবিশটা মসজিদ আছে।

লোহিত সাগরের ছাইদিকের দৃশ্য দেখিতে দেখিতে চলিয়াছি। জাহাজ আফ্রিকার কূল ধরিয়া চলিতে লাগিল, কারণ, এইদিকের জলের গভীরতা অপেক্ষাকৃত বেশী। বালুময় মাঠের উপর মিশ্রবাসীরা উটের সাহায্যে লাঙ্গল দিতেছে দেখিলাম। লোহিত সাগর নাম বটে, কিন্তু কাঁচের মত পরিষ্কার জল। জলের ধার হইতেই পাহাড়ের ঢাঁই ঊচু হইয়া উঠিয়াছে; কোথাও বা সুদীর্ঘ বালির চর ধূধূ করিতেছে; সে অসীম মরুভূমির যেন শেষ নাই। জাহাজ আবার পূর্বকূল ধরিয়া চলিতে লাগিল; এদিকেও মরুভূমি, কিন্তু গাছপালার সংখ্যাও অনেক।

জাহাজ যখন ডুবিয়া যাইতে লাগিল তখন কাঁচের জানালায়

বসিয়া লোহিত সাগরের অলৌকিক রূপ ও সম্পদ
লাগিলাম। এখানেও অনেক প্রবালের ক্ষেত আছে; বি,
আকারের বিভিন্ন জাতীয় স্পঞ্জ দেখিলাম। ইহাদের নানা
প্রকার গড়নের দরুণ এ দেশের জেলেরা ইহাদের নানান রকম
মজাৰ নাম দিয়াছে—চুপ্পি স্পঞ্জ, ঝোড়া স্পঞ্জ, পিৱীচ স্পঞ্জ,



উটে লাঙ্গল দিতেছে

পেয়ালা স্পঞ্জ, হরিণের সিং, সিংহের থাবা, ময়ূরের লেজ
ইত্যাদি। ইহা ব্যতীত ছোট বড় নানা প্রকার কচ্ছপ
দেখিলাম; লাল, নীল, কালো, হলুদে, সোণালি ছোট ছোট
অনেক মাছ দেখিলাম।

১৯ ফেব্রুয়ারীর ছপুর বেলায় জাহাজের ছাদে উঠিয়া দেখি ক্যাপ্টেন নিমো দাঢ়াইয়া আছেন। ভাবিলাম কোথায় যাবেন তাহা এইবার জিজ্ঞাসা করা যাক, এই ঠিক স্বযোগ।

ক্যাপ্টেন আমাকে দেখিতে পাইয়া কাছে আসিয়া আমাকে একটা সিগার দিয়া জিজ্ঞাসা করিলেন—“লোহিত সাগর আপনার কেমন লাগছে, প্রফেসার? এর অনন্ত ঐশ্বর্য দেখতে কি আপনার ভাল লাগছে না? এত প্রবাল, মাছ, স্পষ্ট!”

—“হাঁ, খুবই ভাল লাগছে, ক্যাপ্টেন। সমুদ্রজগতের জীবজন্তুর বিষয় জানতে ও দেখতে নোটিলসের চেয়ে এমন সুবিধা আর কিসে হবে?”

—“শুধু তাই নয়, প্রফেসার। এই যে লোহিত সাগর দেখছেন এ বড় ভয়ঙ্কর সমুদ্র; হ'দিকে অসীম মরুভূমি ধূধূ করছে; হাজার মাইলের মধ্যে মাটির নামগন্ধ নেই। এ যেন বালির দেশ; হই কুল হ'তে রাতদিন বালি এসে সমুদ্রে পড়ছে আর জলের ভিতর কত নৃতন নৃতন চোরাবালির চর জেগে উঠছে। এই জলের তলায় চোরাবালি কেবলি পাক থাচ্ছে। এখানে কত হাজার হাজার জাহাজ নষ্ট হয়েছে। আর, কোথাও কিছু নেই হঠাৎ এমন প্রচণ্ড ঝড় ও বালির রাশি উড়তে উড়তে এসে জলের উপর প্রলয় তাণ্ডব সুরু ক'রে দেবে যে জাহাজ সেই ঝড়ের সঙ্গে ছুটে

চোরাবালির মধ্যে একেবারে অদৃশ্য হ'য়ে যায়। নোটলস্‌
•আমাৰ সে স্ব বড় ও চোরাবালিকে অক্ষেপ কৰে না।”

—“হঁ, ক্যাপ্টেন, রোম ও গ্রীসেৱ প্রাচীনকালেৱ
ইতিহাসেও এই সব ভৌগণ বাড়েৰ উল্লেখ আছে। আছা,
একটা কথা জিজ্ঞাসা কৱি, এৱজল ত এত পৰিষ্কাৰ তবু এৱ
নাম লোহিত সাগৱ হ'ল কেন ?”

—“অনেকে বলে মুসা যখন তাঁৰ লোকজন নিয়ে এই
সমুদ্ৰ পাৱ হচ্ছিলেন তখন সমুদ্ৰ ফাঁক হ'য়ে তাঁৰ জন্য পথ
ক'ৱে দেয় ; পিছনে ফাৱো রাজা তাঁৰ সৈন্যসামন্ত নিয়ে
এদেৱ ধৰ্তে আসুছিলেন। যখন ফাৱো রাজা সমুদ্ৰেৱ
মাৰখানে তখন মুসাৰ লোকজন ওপাৱে গিয়ে ওঠে ; সমুদ্ৰও
যেমন তেমনি হ'য়ে যায়। অত সৈন্যসামন্ত সব ডুবে
মৱে, সেইজন্য এৱ নাম লোহিত সাগৱ বা রক্তেৱ
সাগৱ।”

—“লোহিত সাগৱ ও ভূমধ্য সাগৱেৱ মধ্যে আফ্রিকাৰ
যে ফালি জমিটুকু এসিয়াৱ সঙ্গে সংযুক্ত আছে সেটা না
থাকলে ইউৱোপ হ'তে ভাৱতবৰ্ষে যেতে জাহাজেৱ কত অন্ন
সময় লাগত। এইজন্য পূৰ্বে যত জাহাজকে আফ্রিকা ঘুৱে
ভাৱতবৰ্ষে আস্তে হ'ত তা'তে অনেক সময় লাগত ও
আটলান্টিক মহাসাগৱে অনেক বিপদেৱ মধ্যে পড়তে হ'ত ;
কিন্তু সম্প্রতি আমাৰে দেশেৱ একজন মহাত্মা ব্যক্তি
লোহিত সাগৱ ও ভূমধ্য সাগৱ এই ছ'টাকে যোগ ক'ৱে

জাহাজ চলাচলের অনেক সুবিধা ক'রে দিচ্ছেন। তাঁর নাম
লেসেপ্স; তাঁর কাজ এখনও শেষ হয় নি।”

—“হাঁ, বাস্তবিক তিনি একজন মহাত্মা ব্যক্তি; কিন্তু
স্বয়েজ ক্যানালের মধ্য দিয়ে আপনাকে নিয়ে যেতে
পারব না। কাল একেবারে আপনাকে ‘পোর্ট সৈড’-এর
সুদীর্ঘ জাহাজের জেটি দেখিয়ে ভূমধ্য সাগরে গিয়ে
পড়ব।”

—“কালকে ভূমধ্য সাগরে গিয়ে পড়বেন!”

—“তা’তে এত আশ্চর্য হচ্ছেন কেন প্রফেসার ?”

—“আমি আশ্চর্য হচ্ছি শুধু এই ভেবে কালকে আপনি
ভূমধ্য সাগরে কেমন ক'রে গিয়ে পড়বেন ?”

—“হাঁ যাব ত, তা’তে এত আশ্চর্য হবার কি
আছে ?”

—“আমি শুধু ভাবছি আপনি কেমন ক'রে, একদিনের
মধ্যে আফ্রিকার উত্তরাশা-অন্তরীপ ঘুরে আটলান্টিক মহাসাগর
পার হ'য়ে ভূমধ্য সাগরে যাবেন ?”

—“আফ্রিকা ঘুরে যাব তা আপনাকে কে বললে ?”

—“তবে কেমন ক'রে যাবেন ? ঐ স্বয়েজ ইন্দ্রিয়ের
ডাঙ্গ'র উপর দিয়ে আপনি জাহাজ চালাবেন না কি ?”

—“উপর দিয়ে নয় ত; স্বয়েজ ইন্দ্রিয়ের মাটির তলা
দিয়ে যাব।”

—“মাটির তলা দিয়ে ! সে কি রকম ?”

—“এই জায়গাটার উপর অনেক লোকে এখন থাল
কষ্ট ছে ; কিন্তু তার শত সহস্র বৎসর পূর্বে ভগবান এই সুয়েজ
ইন্দ্র মনের বহু নিম্ন দিয়া একটা শুড়ঙ্গ কেটে দিয়েছেন, মানুষ
সে সম্বন্ধে কিছুই জানে না।”

—“এ রকম শুড়ঙ্গ সত্য সত্য আছে ?”

—“হঁ, আছে, তার মধ্য দিয়ে লোহিত সাগরের জল
ভূমধ্য সাগরে গিয়ে পড়ে। এর নাম আরেবিয়ান্
টনেল।”

—“তবে এই শুড়ঙ্গের মধ্যে নিশ্চয় চোরাবালি আছে ;
তার মধ্যে গেলে বিপদ হতে পারে ত ?”

—“মোটেই নয়, সেটা পাথরের শুড়ঙ্গ, কারণ মাটির
উপর হ'তে সে শুড়ঙ্গ অনেক নীচে, অত তলায় বালি
নাই।”

—“আচ্ছা আপনি এই শুড়ঙ্গের কথা কেমন ক'রে
জানতে পারলেন ?”

—“কতকগুলি জিনিস বিশেষ লক্ষ্য ক'রে এটা আমি
আবিষ্কার করতে পেরেছি। আমি দেখেছি ভূমধ্য সাগরের
ও লোহিত সাগরের মাছগুলো সব এক জাতীয় ; তাদের
আকার গড়ন বর্ণ সমস্তই এক। তা'তে আমি বুঝলুম যে
জলের ভিতর শুড়ঙ্গ না থাকলে এমন কথনও হ'তে পারত
না। তারপর আমি আর একটা পরীক্ষা করলুম ; ভূমধ্য
সাগরের অনেক মাছ ধ'রে তাদের লেজে তামার আঙুটা

পরিয়ে পোর্ট সৈডের কাছে তাদের জলে ছেড়ে দি। কয়েক
মাস পরে একদিন সিরিয়ার উপকূলে এই রকম অনেক আঙ্গুষ্ঠা-
পরা মাছ আমার জালে পড়ে। তখন আমি বুর্বুর নিশ্চয়
ভিতরে শুড়জ আছে। তারপর সাহস ক'রে সেই শুড়ঙ্গের
ভিতর দিয়ে আমার জাহাজ চালাই; এইরূপে বহুবার
চালিয়েছি। এই শুড়জ যদি না থাকত তা হ'লে এই লোহিত
সাগরে চুক্তে আমি সাহস করতুম না।”

ତୁମେ



পঞ্চম পরিচ্ছেদ

.ডুগং—অতিকায় জলজস্ত

পরদিন ১০ই ফেব্রুয়ারী। ছপুর বেলায় জাহাজ পুনরায় জলের উপর ভাসিয়া উঠিল। আমি ছাদের উপর গিয়া উঠিলাম, সঙ্গে সঙ্গে নেড় এবং কন্সেলও চলিল। ছাদের উপর বসিয়া তিনজনে অনেক বিষয়ে কথাবার্তা কহিতেছি, এমন সময় নেড় হাত বাড়াইয়া বহুদূরে সমুদ্রের বক্ষের উপর কি একটা জিনিস দেখাইল।

নেড় আমাকে উদ্দেশ করিয়া কহিল—“ঈখানে একটা কি জিনিস চল্ছে দেখতে পাচ্ছেন? ওই,—ঈখানে।”

আমি বলিলাম—“কই? কোথায়? আমি ত কিছুই দেখতে পাচ্ছি না!”

নেড় দূরে আঙুল দেখাইয়া কহিল—“ঈ যে ওখানে; খুব ভাল ক'রে দেখুন, নড়ে বেড়াচ্ছে।”

এইবার জিনিসটা দেখিতে পাইলাম। প্রায় তই মাইল দূরে একটা প্রকাণ্ড কালো পদার্থ সমুদ্রবক্ষে ভাসিতেছে—ঠিক যেন একটা বালির চর। সেটা একটা প্রকাণ্ড ডুগং—একপ্রকার অতিকায় জলজস্ত বিশেষ।

ডুগংটাকে দেখিয়া নেডের চোখ জলিয়া উঠিল;

তাহাকে মারিবার জন্য নেডের হাত নিশ্চিপ্তি করিতে
লাগিল—হাতে তার সেই ভয়ানক হারপুন। মনে হইল
এখনই বুঝি সে জলের উপর ঝাঁপাইয়া পড়িবে। এই
সময় ক্যাপ্টেন নিমো ছাদের উপর আসিলেন।
ডুগংটাকে দেখিয়া ও নেডের চোখমুখের ভাব দেখিয়া
ক্যাপ্টেন বলিলেন—“কি নেড়, ডুগংটাকে দেখে এখনও
চুপ ক'রে রয়েছে যে? এতবড় জলজস্তাকে দেখে ভয়
পেলে নাকি?”

নেড় বলিল—“আপনার হৃকুম পেলেই এটাকে সাবাড়
ক'রে আসি।”

ক্যাপ্টেন বলিলেন—“তা যেতে পার, আমার কোন
আপত্তি নাই; কিন্তু দেখো হাতের লক্ষ্য যেন না ফস্কায়।”

আমি জিজ্ঞাসা করিলাম—“কেন, ডুগং কি বড় হিংস্র
জস্ত? শিকার করতে গিয়ে কোন বিপদে পড়তে হবে
না ত?”

ক্যাপ্টেন বলিলেন—“হাঁ, এরা প্রায়ই শিকারীদের উপর
লাফিয়ে এসে পড়ে, আর তাঁতে নৌকা উল্টে যায়। কিন্তু
নেড়, যখন যাচ্ছে তখন সে রকম কোন বিপদ হবে না
ব'লে মনে হয়। তার হাতের তাগের উপর আমার খুব
বিশ্বাস আছে।”

এই সময় সাতজন নাবিক ছাদের উপর আসিয়া
নৌকা খুলিয়া জলের উপর ভাসাইল। একজনের হাতে

একটা তিমি মারিবার হারপুন ; ছয়জন নাবিক নৌকার দাঢ় ধরিয়া বসিল ! নেড়, কন্সেল ও আমি নৌকায় গিয়া উঠিলাম ।

ক্যাপ্টেনকে জিজ্ঞাসা করিলাম—“আপনি আসবেন না ?”

ক্যাপ্টেন বলিলেন—“না আমি আর যাব না । শিকার নিয়ে কিন্তু আপনাদের যেন ফিরে আসতে দেখতে পাই ! নেড়, দেখো হাত যেন ফস্কায় না ।”

নৌকা ছাড়িয়া দেওয়া হইল । ছয়জন বলিষ্ঠ নাবিকের দাঢ় টানার দরুণ নৌকা লোহিত সাগরের উপর দিয়া তৌরের মত ছুটিতে লাগিল । ডুগংটা ঠিক ছই মাটিল দূরে । দেখিতে দেখিতে নৌকা খুব কাছে আসিয়া পড়িল ; অদূরেই ডুগংটা জলের উপর ভাসিতেছে । এইবার নৌকার দাঢ় খুব আস্তে আস্তে টানা হইতে লাগিল ; যাতে কোনরূপ শব্দে ডুগংটা না পালায় । হাতে হারপুন লইয়া নেড় নৌকার সামনে গিয়া দাঢ়াইল ; তাহার চোখ ছইটা জলিতে লাগিল, আজ বড় সাংঘাতিক জলজন্তুর সঙ্গে লড়িতে হইবে । হারপুনের সঙ্গে সচরাচর একটা দড়ি বাঁধা থাকে, কারণ হারপুনের আঘাত থাইয়া তিমি যখন জলে ডুব মারে, উপরে সেই দড়ি ধরিয়া তাহার গতি নির্ণয় করা হয় ; কিন্তু এই হারপুনের দড়িটা বড় ছোট ছিল, ষাট ফুটের বেশী হইবে না ।

ডুগং কি করে লক্ষ্য করিয়া দেখিতে লাগিলাম। মরার মত সেটা জলের উপরে ভাসিতেছিল, বোধ হয় রোদ পোহাইতে আসিয়া ঘুমাইয়া পড়িয়াছিল। হাঙর, তিমি প্রভৃতি জলজন্তু প্রায় দীর্ঘ-আকৃতি হইয়া থাকে; কিন্তু ডুগং লম্বায় হাঙরের সমান হইলেও প্রচে খুবই বেশী। জলহস্তী বা সিঞ্চুঘোটকের মত ইহাদের শরীর খুবই কেঁদো ও মোটা, সঙ্গে একটা লেজও আছে; মুখের ঠাঁ অতি প্রকাণ্ড, তার ভিতরকার দাঁতগুলি যেন এক একটা গজাঁত।

নৌকা যখন ঠিক পনের ফুট তফাতে আছে, তখন নেড়ল্যাণ্ড প্রচণ্ড শক্তিবলে হারপুন ছুঁড়িল। হারপুন ডুগং-এর গায়ে না লাগিয়া একেবারে গা ধেঁসিয়া জলে গিয়া পড়িল। নেড় রাগে ও দুঃখে তার চুল ছিঁড়িতে লাগিল!

আমি বলিলাম—“লেগেছে, নেড়, লেগেছে; এ দেখ রক্ত; কিন্তু ওর গায়ে হারপুন লুঁগে নি; বোধ করি লেজে বা গা ধেঁসে চ'লে গেছে।”

নেড় চেঁচাইয়া বলিল—“শীগুগির চালাও, হারপুনের দড়ি ধর্তে হবে।”

তাড়াতাড়ি নৌকা চালাইয়া হারপুনের দড়ি ধরা হইল। ডুগং জলের তলায় ডুবিয়া টোচা ছুটিতেছে; নৌকাও যথাশক্তি বেগে চলিতেছে। মাঝে মাঝে ডুগং দম লইতে জলের উপর ভাসিয়া উঠিতে লাগিল। দেখিলাম আঘাত

মেটেই লাগে নাই। ডুগং ভাসিয়া উঠিলেই নেড় যেমন
তাহাকে আবার প্রকাও এক কুড়ালের দ্বারা আঘাত করিতে
যায় সেই মুহূর্তেই সেটা ডুবিয়া যাইতে লাগিল;
নেড়কে একটুও স্বযোগ দিতেছিল না। ছয়জন নাবিক
প্রাণপণ বেগে দাঢ় টানিতে লাগিল; তাহাদের হাতের
শিরাগুলি চড়চড় করিয়া ফুলিয়া উঠিতে লাগিল। নৌকা
ডুগংএর পিছনে পিছনে তৌরের মত ছুটিতেছে; কিন্তু সব
বুবি বৃথায় যায়। ডুগংটাকে কিছুতেই ধরিতে পারা গেল
না। মানব ভাষায় যত রকম গালাগাল থাকিতে পারে নেড়
তাহা সমস্তই প্রয়োগ করিতে লাগিল।

একঘণ্টা ধরিয়া এই যুদ্ধ চলিতে লাগিল। তখন
ডুগংটা প্রাণের আশা ত্যাগ করিয়া আমাদের উপর প্রতিশোধ
লইবার জন্য বাঁকিয়া দাঢ়াইল। সে আর ছুটিয়া
পলাইল না; পিছন ফিরিয়া আমাদের দিকে ছুটিয়া আসিল।

“সামাল্ সামাল্”, বলিয়া নাবিকেরা চেঁচাইয়া উঠিল।

ডুগং তখন আমাদের পানে ছুটিয়া আসিতেছে। কুড়ি
ফুট তফাং থাকিতে ডুগংটা থম্কাইয়া দাঢ়াইয়া পড়িল।
নাকের বিশাল গর্ত ছইটি ফাঁক করিয়া বাতাসে কি যেন
গুঁকিল। তারপর সেখান হইতে শৃঙ্খে প্রচণ্ড লম্ফ দিয়া
আমাদের উপর আসিয়া পড়িল। নৌকাটা কাঁ হইয়া
গেল; সঙ্গে সঙ্গে প্রায় ছই টন্ন জল নৌকার ভিতরে
প্রবেশ করিল। নাবিকদের গুণে সে যাত্রা নৌকা টুল্

সামুদ্রাইয়া বাঁচিয়া গেল। নেড় তখন একহাতে নৌকার একপাশ ধরিয়া উপুড় হইয়া পড়িয়া জলস্থিত ডুগং-এর ঘাড়ের উপর কুড়ুল দিয়া কোপের উপর প্রচঙ্গ কোপ মারিতে লাগিল। ডুগং-এর পিঠের উপর ঘ্যাচ ঘ্যাচ করিয়া কুড়ুল পড়িতে লাগিল; নৌকার মধ্যে রক্ত-মাখা চর্বিমাখা মাংসের টুকুরা ঠিক্রাইয়া আসিয়া পড়িতে লাগিল। অসহ যন্ত্রণায় ডুগং তখন মরণ-কামড় কামড়াইবার জন্য উদ্ভৃত হইল। বিশাল মুখগহৰে নৌকার ডগাটা কামড়াইয়া ধরিয়া আমাদের সবশুন্দ জল হইতে নৌকাটা শূল্পে তুলিয়া ফেলিল—ঠিক যেমন করিয়া সিংহ একটা হরিণশাবক মুখে করিয়া তোলে। আমরা সকলে এ ওর ঘাড়ে পড়িলাম; বোধ করি বা জলের মধ্যে পড়িতে হইত, কিন্তু নেড় তখন যথাসন্তুষ্ট শক্তিতে একটা হারপুন ছুঁড়িয়া ডুগং-এর বুকের মধ্যে বসাইয়া দিল। নৌকার সামনেটা লোহার পাত দিয়া মোড়া, ডুগং দাত দিয়া কড়মড় করিয়া সেই লোহাটা হুম্রাইয়া তাল করিয়া দিল; কিন্তু সেই শেষ। ডুগং জলের ভিতর আস্তে আস্তে ডুবিয়া গেল; কিন্তু পুনরায় জলের উপর ভাসিয়া উঠিল; জ্যান্ত নয়—শুধু তার মৃতদেহটা। নৌকার পিছনে দড়ি বাঁধিয়া জলে ভাসাইয়া জাহাজে সেটা আনা হইল। জাহাজে তুলিতে নাবিকদের খুবই বেগ পাইতে হইয়াছিল; সেটার ওজন ১০,০০০ পাউণ্ড অর্থাৎ প্রায় ১২৫ মণ।


পরদিন ১১ই ফেব্রুয়ারী। নানা জাতীয় পাখী শূল্পে উড়িতেছিল, কতকগুলি মারিয়া খাবারের ব্যবস্থা করা গেল। তার মধ্যে সাগর-কপোত ও নীলনদের হাস সর্বোৎকৃষ্ট। বেলা ৫টার সময় সিনাই পর্বত দেখিতে পাইলাম। এই পাহাড়ের উপর হজরত মুসা ঈশ্বরকে



সাগর-কপোত

চাকুষ দেখিতে পান। বৈকালের স্নিঘ আলোয় সমুদ্রের বুকের উপর অনেক শুশুক ও ডল্ফিন খেলা করিতেছে দেখিতে পাইলাম। দেখিতে দেখিতে রাত্রির অঙ্ককারে চতুর্দিক অদৃশ্য হইয়া গেল। কোথাও কোন শব্দ নাই; চারিদিকে নিষ্ঠুর, কেবল মাঝে মাঝে পেলিক্যান ও অন্তর্ভুক্ত নিশ্চার

‘পাখীর’ কনুণ কান্নার মত ডাক ও পর্বতের উপর টেউএর
আছাড়ের শব্দ ছাড়া আর কিছুই শোনা গেল না। রাত্



ডল্ফিন

নয়টার সময় জাহাজ
ডুবিয়া চলিল, কিন্তু
অনুমানে বুবিলাম
জাহাজ স্বয়েজের
থুব . কাছাকাছি
আসিয়াছে। সাড়ে
নয়টার সময় জাহাজ
পুনরায় জলের
উপর তাসিয়া
উঠিল, আমিও
ছাদের উপর গিয়া
উঠিলাম। দূরে
একটা ম্লান নৌল
আলো দেখিলাম;
ঘন কুয়াসার দরুণ
অমন দেখাইতেছে।

“লাইট হাউস, লাইট হাউস !”
পিছন ফিরিয়া দেখি ক্যাপ্টেন নিমো। তিনি বলিলেন
—“ঈ দেখুন, স্বয়েজের লাইট হাউস। এইবার আমরা সেই
টোলের মধ্যে ঢুকব। আপনি এইবার নৌচে যান, জাহাজ

এইবার ডুববে, একেবারে সেই ভূমধ্য সাগরে গিয়ে ভেসে
উঠবে।”

আমরা নৌচে নামিয়া আসিলাম। ক্যাপ্টেন আমাকে
সঙ্গে লইয়া পাইলটের (চালক) ঘরে লইয়া চলিলেন।



পেলিক্যান

টনেলের মধ্য দিয়া যাওয়া বড় বিপদসঙ্কুল বলিয়া ক্যাপ্টেন
নিজে এইবার জাহাজ চালাইবেন।

পাইলটের ঘর ছোটই বলিতে হইবে। পাইলটের
বিশাল বক্ষ ও পেশীবহুল হাত ও বাহু তাহার অসীম শক্তির
পরিচয় দিতেছিল। সে তখন সবলে জাহাজ ঘুরাইবার চাকা
ধরিয়া দাঢ়াইয়াছিল। কাঁচের জানালা দিয়া দেখিলাম

জাহাজ ক্রমশঃই অতল জলে নামিয়া যাইতেছে। সামনে
ঘোর কুষ্ণবর্ণের পাহাড়ের দেওয়াল—এই দেওয়ালের একদিকে
লোহিত সাগর আৱ একদিকে ভূমধ্য সাগর; এই পাহাড়ের
দেওয়াল এশিয়া ও আফ্রিকা এই ছুটি মহাদেশকে যোগ
কৰিয়াছে। কতদূর নামিয়া গেলাম, তবু সেই প্রাচীর যেন
আৱ শেষ হয় না!

একঘণ্টা ধৰিয়া এইরূপ ক্রমশঃ আমৱা নাখিতে লাগিলাম।
এ কোন্ পাতালের দেশে আমৱা চলিতেছি? পৃথিবীৱ বুক
হইতে কত নীচে নামিয়া আসিলাম। রাত সাড়ে দশটাৱ
সময় দেখি সামনে পাথৱেৱ সাৱি সাৱি গ্যালারী ধৰিয়া
নোটিলস্ ভিতৱে ছুটিয়া চলিতেছে। জাহাজেৱ চারিপাশে
এ কি ভীষণ গৰ্জনধৰনি! বুফিলাম টনেলেৱ মধ্য দিয়া
লোহিত সাগৱেৱ জলৱাশি প্ৰচণ্ড বেগে ছুটিয়া চলিতেছে।
সে কি ভীষণ স্বৰ্ণত! নোটিলসেৱ ইঞ্জিন বিপৰীত দিকে
চলিতে লাগিল, তবু স্বৰ্ণতেৱ মুখে পড়িয়া নোটিলস্ তৌৱেৱ
মত ছুটিয়া চলিল। জাহাজেৱ তৌৰ ইলেক্ট্ৰিক আলো ছই
পাশেৱ দেওয়ালেৱ উপৱ গিয়া পড়িতেছিল; কিন্তু কিছুই
দেখিতে পাইলাম না। সেই ভীষণ স্বৰ্ণতে জল যেন সাদা ফেনা
হইয়া টগ্ৰবগ্ৰ কৱিয়া ফুটিতেছে। ভয়ে আমাৱ বুক টিপ্ টিপ্
কৱিতে লাগিল। রাত পৌনে এগাৱোটাৱ সময় ক্যাপ্টেন
ইঞ্জিন ছাড়িয়া উঠিয়া দাঢ়াইয়া বলিলেন—“ভূমধ্য সাগৱ!”

ষষ্ঠ পরিচ্ছন্দ

মানুষ না মাছ

পরদিন ১২ই ফেব্রুয়ারী। ভোর বেলায় নোটিলস্‌
জলের উপর আসিয়া উঠিলে পর আমি ছাড়ে গিয়া
উঠিলাম। বেলা সাতটাৰ সময় নেড্‌ ও কন্সেল্‌ আসিয়া
হাজিৱ হইল। জাহাজ যে এখন ভূমধ্য সাগৱেৱ উপৱ
দিয়া চলিতেছে তাহা তাহারা এখনও জানিতে পাৱে নাই।
আমাৰ মুখে সকল কথা শুনিয়া তাহারা খুবই বিস্মিত
হইল; এতবড় ইন্ডিয়া অফ্‌ সুয়েজ, যাহা কমপক্ষেও ৫০
মাইল হইবে, তাহাই কিনা মাটিৰ তলা দিয়া আমৱা পাৱ
হইয়া আসিলাম।

বিশ্বয়েৱ ভাব কাটিয়া যাইলে পৱ নেডেৱ মাথায় আৱ এক
ফন্দী আসিয়া উপস্থিত হইল। আমাকে চুপি চুপি সে বলিল
—“দেখুন, ইউৱোপেৱ কাছাকাছি যথন এসেছি তখন আৱ
দেৱী কৱা নয়। নোটিলস্‌ ভূমধ্য সাগৱ ছাড়্ বাৱ পূৰ্বেই
যেমন ক'ৱে হোক পালাতে হবে।”

নেডেৱ কথা শুনিয়া আমাৰ মনে বড় হাসি পাইল;
ক্যাপ্টেনেৱ চোখে ধূলি দিয়া পালানো বড় সোজা কথা নয়,
বিশেষতঃ এই ইউৱোপেৱ কাছাকাছি আসিয়া ক্যাপ্টেন

নিশ্চয় আমাদের উপর প্রথর দৃষ্টি রাখিয়াছেন। নেড়কে
বলিলাম—“নেড়, তোমার কি এই জাহাজ ভালো লাগছে-
না ? আমার ত এই জাহাজ ছেড়ে আর কোথাও যেতে
ইচ্ছা করে না। সমুদ্রজগতের এত জীবজন্ত, এমন অস্তুত
গাছপালা, এমন বিচির পরীরাজ্য, এমন আর কোথায়
দেখতে পাব ?”

নেড় বলিল—“আমারও যে এই জাহাজে থাকতে ইচ্ছা
করে না এমন নয় ; কিন্তু বাড়ীর কথা ভেবে আর কিছু
ভাল লাগে না।”

নেড়কে আশা দিয়া বলিলাম—“নেড়, ব্যস্ত হয়ে না ;
একদিন না একদিন আমরা বাড়ী ফিরুব এ বিশ্বাস আমার
আছে।”

নেড় বলিল—“ওরকম অনিশ্চিত ভবিষ্যতের আশায় বসে
থাকলে চলবে না ; পালাবার এই ঠিক সুযোগ !”

আমি জিজ্ঞাসা করিলাম—“আচ্ছা তোমার কথাই না হয়
মান্তাম, কিন্তু ‘এই ঠিক সুযোগ’—এর মানে কি ?”

নেড় বলিল—“তার মানে একদিন অঙ্ককার রাত্রি দেখে
আস্তে আস্তে জলে লাফিয়ে পড়া। অবশ্য ইউরোপের
কাঙ্কাছি জাহাজ চলা চাই ; আর জাহাজ জলের ভিতর
না ডুবে ভেসে চলা চাই ; . তা নইলে আমরা পালাব
কেমন ক'রে ? এই সব একসঙ্গে ঠিক মিলে গেলেই
সুযোগ !”

আমি বলিলাম—“কিন্তু পালাতে গিয়ে একবার
ধরা পড়লেই বাড়ী ফিরুবার পথ একেবারে বন্ধ,
তা জানো ?”

নেড় বলিল—“খুব জানি।”

আমি বলিলাম—“আচ্ছা বেশ, এমন স্বয়েগ যদি কোন
দিন আসে তা হ'লে আমায় এসে জানাবে, আমি তখনই
এ জাহাজ হেড়ে পালাব। কিন্তু এটা জেনো, ক্যাপ্টেন
নিমো এত নির্বোধ নন् যে ইউরোপের কাছে এসে নিশ্চিন্ত
হ'য়ে থাকবেন। এখন হ'তে তিনি আমাদের উপর খুব প্রথর
সজাগ দৃষ্টি ও কড়া পাহারা দেবেন !”

এসিয়া মাইনর হইতে গ্রীসদেশের মধ্যস্থিত সাগরের
গভীরতা এক একস্থানে অত্যন্ত অধিক। ছয় হাজার ফুট নিম্ন
দিয়া জাহাজ কখনও কখনও চলিতে লাগিল, তবুও সমুদ্রের
তলদেশ পাওয়া গেল না।

১৪ই ফেব্রুয়ারী তারিখে জাহাজ সেই বিখ্যাত ক্রীট-
দ্বীপের নিকটবর্তী হইল। প্রাচীন ইতিহাসে এই দ্বীপের
নাম অতি বিখ্যাত। যাহা হউক সমস্তদিন ধরিয়া কাঁচের
জানালার নিকট বসিয়া সমুদ্রের নানা প্রকার মাছ ও জন্তু
দেখিয়া সময় কাটাইতে লাগিলাম। কত রকম মাছ
দেখিতেছি—এমন সময় একটা জিনিষ দেখিয়া চম্কাইয়া
উঠিলাম। কাঁচের জানালার সম্মুখে জলের ভিতর একটি
মাছুষ ! মরা নয়, জ্যান্ত মাছুষ ! জলের ভিতর সে ডুব-সাঁতার

কাটিয়া চলিয়াছে, এক একবার দম লইতে জলের উপর ভাসিয়া উঠিতেছে। কোমরে তাহার কোমরবন্ধ, তাহাতে একটি মস্ত চামড়ার থলি ঝুলিতেছে। ক্যাপ্টেন নিম্নোপাশেই দাঢ়াইয়াছিলেন ; চীৎকার করিয়া বলিলাম—“জলের ভিতর একটা লোক ডুবে যাচ্ছে, নিশ্চয়ই জাহাজ বা নৌকা থেকে পড়ে গেছে ; যেমন ক'রে হোক লোকটাকে বাঁচান !”

আমার কথায় অক্ষেপ না করিয়া ক্যাপ্টেন জানালার কাছে আসিলেন। কি আশ্চর্য, লোকটাও জাহাজের কাছে আসিয়া জানালার কাঁচের উপর মুখ দিয়া দাঢ়াইল। ক্যাপ্টেন হাত দিয়া কি ইসারা করিলেন, লোকটাও হাত পা নাড়িয়া তাহার উত্তর দিল, তারপর সে জলের উপর ভাসিয়া উঠিয়া অদৃশ্য হইল।

এইবার ক্যাপ্টেন কথা কহিলেন, বলিলেন—“তয় পাবেন না প্রফেসোর ; এর নাম হচ্ছে ‘পেঙ্কা’—এখানকার সকলেই একে চেনে। সাতার কাট্টে এ একেবারে অদ্বিতীয়। ডাঙ্গায় না থেকে জলের ভিতর থাকতে এ বেশী ভালবাসে ; চবিষ্ণ ঘণ্টার মধ্যে বেশীর ভাগ সময় এ জলের ভিতর কাটিয়। এক দ্বীপ থেকে আর এক দ্বীপে সাতার কেটে বেড়ানোই এর কাজ।”

—“আপনি তা হ'লে এ লোকটাকে চেনেন ?”

—“নিশ্চয় !” এই বলিয়া ক্যাপ্টেন একটা লোহার

সিন্দুকের কাছে গিয়া তাহা খুলিলেন এবং তাহার ভিতর
হতে তাল তাল সোনা বাহির করিতে লাগিলেন। আন্দাজে
বুঝিলাম তাহা ওজনে কম পক্ষে ৪,০০০ পাউণ্ড হইবে,
অর্থাৎ ইহার মূল্য ২,০০,০০০ পাউণ্ড হইবে। এত তাল
তাল সোনা ক্যাপ্টেন কোথা হতে পাইলেন, এখন
এই সোনা কি করিবেন, এবং কাহাকে দিবেন? এই সব
কথা ভাবিতেছি, ক্যাপ্টেন সোনার তালগুলি সিন্দুকে রাখিয়া
বেশ ভাল ভাবে বন্ধ করিয়া একটা ইলেক্ট্ৰিক বেল
বাজাইলেন। চারিজন নাবিক আসিয়া ক্যাপ্টেনের হৃকুম
মত অতিকষ্টে সেই সিন্দুকটা বাহিরে লইয়া গেল। সিঁড়ি
বহিয়া ছাদের উপর লইয়া গেল তাহাও শুনিতে পাইলাম।
ক্যাপ্টেনও চলিয়া গেলেন।

রাত্রিতে মোটে ঘুম আসিল না; চিন্তার পর চিন্তা
আসিয়া মাথার ভিতর জোট পাকাইতে লাগিল। সেই
জলের ভিতরের লোকের সঙ্গে এই সিন্দুকের নিশ্চয় কোন
সম্বন্ধ আছে। ছাদের উপর সিন্দুকটা লইয়া যাইবার অর্থ
কি? অথচ ক্যাপ্টেন কোন কথাই বলিলেন না। গভীর
রাত্রে শুনিতে পাইলাম ছাদের উপর সিন্দুকটা হেঁচুইয়া
টানিয়া লইয়া গেল; তারপর আরো দুম্দাম শব্দ—মনে
হইল, সিন্দুকটা ছাদের কিনারায় লইয়া গিয়া জলের ভিতর
ফেলিয়া দেওয়া হইল। তারপর জাহাজ পুনরায় জলে
ডুবিতে আরম্ভ করিল। সিন্দুক কোথায় চালান দেওয়া।

হইল ? ইউরোপের কোন্ দেশে ক্যাপ্টেনের আঞ্চীয় বা
বন্ধু আছেন ?

সমস্ত রাত্রি জাগিয়া কাটাইলাম। পরদিন সকালে
উঠিয়া আমার নিজের কাজ করিতে লাগিলাম। নৃতন
একখানা বই লিখিবার জন্য অনেক তথ্য যোগাড় করিতেছি।
এইসব করিতে করিতে সন্ধ্যা পাঁচটা হইল। সেই সময়
এমন অসহ গরম বোধ হইল যে সর্বাঙ্গ দিয়া গল্গল
করিয়া ঘাম বাহির হইতে লাগিল। গায়ের কোট জামা
খুলিয়া ফেলিলাম ; তবুও গরম কমিল না। একি হইল,
গরম যে ক্রমশঃই বাড়িয়া চলিল। জাহাজে আগুন লাগিল
না কি ? ম্যালোমিটারে দেখিলাম জাহাজ ষাটফুট তলা
দিয়া চলিতেছে।

এই সময় ক্যাপ্টেন আসিলেন, বলিলেন—“বিয়াল্লিশ
ডিগ্রী !”

আমি বলিলাম—“হঁ ক্যাপ্টেন, এর বেশী গরম আমরা
সহ করতে পারব না।”

ক্যাপ্টেন বলিলেন—“তখন না হয় গরম নাই হ'তে
দিলুম।”

আমি বিশ্বিত হইয়া বলিলাম—“তা হ'লে এই গরম হওয়া
বা না-হওয়া আপনার হাতে ?”

ক্যাপ্টেন বলিলেন—“আমার হাতে ঠিক নয়। তবে
আগুনের চুল্লীর মাঝ থেকে সরে গেলেই হ'ল।”

আমি বলিলাম—“আগুনের চুল্লী ! তা হ'লে এই গরম
বাইরে থেকে আসুছে ?”

ক্যাপ্টেন বলিলেন—“হঁ, এখন আমরা উভপ্র ফুটস্ট
জলের ভিতর দিয়া চলেছি।”

আমি অবাক হইয়া জিজ্ঞাসা করিলাম—“সে কি
ক্যাপ্টেন ?”

“এই দ্রেথুন,” বলিয়া ক্যাপ্টেন কাঁচের জানালার তলা
সরাইয়া দিলেন।

দেখিলাম সমুদ্রের জল একেবারে সাদা,—জল খুব ফুটিলে
যেরূপ আকৃতি হয়। সেই ফুটস্ট জলের ভিতর গুঁকের ধোঁয়া
গুলিয়া বেড়াইতেছে। কাঁচের উপর একবার হাত দিতেই
অসহ গরম বলিয়া হাত সরাইয়া লইলাম।

আমি জিজ্ঞাসা করিলাম—“এ কোথায় আসিলাম,
ক্যাপ্টেন ?”

ক্যাপ্টেন বলিলেন—“এ হচ্ছে আগ্নেয়গিরির দেশ। মানুষ
কেবল এটুনা ও বিশ্ববিয়সের নামই জানে; কিন্তু সমুদ্রের
তলায় যে কত অসংখ্য আগ্নেয়গিরি আছে তাহা কে জানে ?
এসব আগ্নেয়গিরি এখনও নেবে নি।”

দেখিতে দেখিতে গরম এমন ভয়ঙ্কর হইয়া উঠিল যে
শ্বাসপ্রশ্বাস বন্ধ হইয়া আসিল। সমুদ্রের ফুটস্ট জল এতক্ষণ
সাদা দেখাইতেছিল, এইবার লাল হইয়া উঠিল। প্রচুর
লোহ ও গুঁকের দরুণ এইরূপ দেখাইতেছিল। সর্বাঙ্গ

ঘামে ভিজিয়া গেল, দম বন্ধ হইয়া আসিল, মনে হইল এইবার
মাথা ঘুরিয়া পড়িয়া যাইব। চেঁচাইয়া বলিলাম—“ফিরে চলুন
ক্যাপ্টেন, আর পারছি না থাকতে।” ক্যাপ্টেনের হৃকুম
পাইয়া জাহাজ ফিরিয়া চলিল। পনের মিনিট পরে জাহাজ
জলের উপর তাসিয়া উঠিল। সমুদ্রের শীতল হাওয়ায় প্রাণ
ঠাণ্ডা হইল।

রোডস, সেরিগো, কেপ ম্যাটারান্ পার হইয়া জাহাজ
সোজা পশ্চিম মুখে চলিল।

সপ্তম পরিচেষ্টা

বিতীয় ভূস্বর্গ

এই যে ভূমধ্য সাগর, ভারী সুন্দর এই সমুদ্র ! এমন
নীল জল আর কোন্ সমুদ্রে আছে ? সমুদ্রের উপর এমন
সুন্দর ফুরফুরে মলয় বাতাস আর কোথায় আছে ? কত
অতীত কাহিনীর সহিত ইহার নাম জড়িত রহিয়াছে।
গ্রীক, রোমান, এ্যাসিরীয়ান, কার্থেজিয়ান, ব্যাবিলোনিয়ান,
স্পার্টান, পার্থেনিয়ান, ডেরিয়ান, আয়োনিয়ান, সাইরাকিউস
ও মিশরবাসী বীর পুরুষগণ ইহার বুকের উপর দিয়া
চলাফেরা করিয়াছে। ইহার উপকূলে কত সুন্দর রাজ্য,—
গ্রীস, ইটালী, য্যালবেনিয়া, যুগোস্ল্যাভিয়া, ক্রীট, সাইপ্রস,
আয়োনিয়া, রোডস, সিসিলি, সাডিনিয়া, কর্সিকা, ফ্রান্স,
স্পেন। এসকল দেশ যেন চিরবসন্তের রাজ্য ! এখানে ভারত-
বর্ষের মত প্রথম গ্রীষ্মও নাই আর উভয় ইউরোপের মত
কঠোর শীতও নাই। এখানকার লোকেরা কত সুখী ! ইহাদের
মুখে যেন চিরদিন হাসি লাগিয়া আছে। কি সুন্দর ইহাদের
মুখশ্রী, কি অপূর্ব গোলাপী ইহাদের গায়ের রং ! ইহারা
পরাধীনও নয় বা অপরের রাজ্যের উপর কখনও লোভও
করে না। ইহারা ইহাদের ছোট ছেট রাজ্যগুলি লইয়াই,

সন্তুষ্ট ।

এই সমুদ্র-উপকূলস্থিত প্রদেশগুলির জমি অত্যন্ত উবরিবা ; তাহার উপর বৈজ্ঞানিক ও নানাবিধ আধুনিক প্রক্রিয়া দ্বারা জমির শতগুণ উৎকর্ষ সাধন করা হইয়া থাকে । এখানকার শস্যক্ষেত্র, ফলের বাগান, ফুলের বাগান, গোচারণ-ভূমি, কৃষকপল্লী সমস্তই দেখিবার জিনিষ । “ এখানকার বেশীর ভাগ লোকই কৃষিকার্য্যের দ্বারা জীবিকানির্বাহ করে । আমাদের দেশের চাষীর মতন কিন্তু ইহাদের তেমন ধারা ছবিশা নয় । সকলেই ধনশালী, সকলেই স্বাধীন, সকলেই সুখী ! সকলেরই নিজ নিজ উত্থান ও শস্যক্ষেত্র আছে । এই সব কৃষকেরা অতি সুস্তু, কষিতিকাঞ্চনের মত গায়ের রং ! ছেলেমেয়ে স্ত্রীপুরুষ সকলেই পরিষ্কার পরিচ্ছন্ন রঙিন জামাকাপড় পরিয়া হাসিয়া খেলিয়া কাজ করিয়া বেড়ায় । কাহারও মুখের উপর চিঞ্চার রেখা বা হিংসা, ক্রোধ ও মাংসধ্যের চিহ্নমাত্র দেখিতে পাওয়া যায় না ।

এমন ফলের বাগান, এমন ফুলের বাগান, এমন সুন্দর তরুলতার নন্দনকানন এক ভারতবর্ষ ছাড়া আর কোন দেশে আছে ? এ দেশের সকলেরই নিজ নিজ গৃহসংলগ্ন এক একটি পুষ্পেঢ়ান আছে । এই সব ফুলের বাগানে নয়ন-মনক্ষেপকর কত রঙের ফুলই না ফুটিয়া আছে ; কোনগুলি অঙুপম সুগন্ধের জন্য বিখ্যাত, আবার কতকগুলি চমৎকার রঙ ও অপূর্ব বাহারের জন্য প্রসিদ্ধ,—চন্দমল্লিকা, শ্বেতগোলাপ, রঞ্জিগোলাপ, রঞ্জকরবী, চাঁপা, কাঁটালিচাঁপা, করকচাঁপা,

স্বর্ণচাঁপা, ডেজী, গাঁদা, জবা, রঞ্জন, সকুরা, মল্লিকা, কাঠমল্লিকা, শুঁই, চীনে শুঁই, মতিয়া, বেল, গন্ধরাজ, রজনীগন্ধা, চামেলি, শুন্দ, টগর, কামিনী, কেতকী, মরসুমীফুল, লাইলাক, জিরেনিয়ম, লিলি, ফর্গেট-মি-নট, প্যান্জি, সূর্যমুখী, এলিসিয়ম, কর্ণফ্লাওয়ার, গ্যালেডিয়া, হেলিয়ো-ট্রোপ, মিনোনেট, ক্যামেলিয়া, হামিল্টোনিয়া, প্রিম্রোজ, শু-বেল, কাউ-শিপ, ক্রো-ফুট, কক্ষ-ফ্লাওয়ার, হনি-সকল, শুইট-উইলিয়াম, হার্ট-স-সিজ, লভ-ইন-আইডেলনেস, জ্যাস্পিন, ভায়োলেট, এ্যানিমোন, প্রত্তি কত রকমের ফুলই না ফুটিয়া আছে ! এই সব ফুলের বাগানের চারিধারে কি শুন্দর ক্রোটন গাছের বেড়া ; এসব ক্রোটন গাছের পাতার কি বাহার, কোন পাতা লম্বা, কোন পাতা বাদামী, কোন পাতা চওড়া, কোন পাতা গোল, আবার কোন পাতা বা কোকড়ানো ! পাতার রংই বা কত রকম ;—কেহ সবুজ, কেহ বেগুনে, কেহ হল্দে, কেহ লাল, কেহ গোলাপী, কেহ রক্তচিটানো ! আবার এই সব ঘননিবন্ধ ক্রোটন গাছের বেড়ার তলায় তলায় কত রকমের লতার অপূর্ব কেয়ারী ! কোথাও রক্তকচু, কোথাও পাতাবাহারে, কোথাও বা লজ্জাবতী লতা, কোথাও রঙিন ঘাস, কোথাও আইভি, কোথাও বা থাইম ও সরেলের শুন্দর শুন্দর কেয়ারী !

কোথাও বা সজী বাগান ! সজী বাগানে কতরকমের আনন্দজনক গান আলো করিয়া আছে ! ফুলকপি, বাঁধাকপি,

চিনাংকপি, ওলকপি, শালগম, সিলারি, পিঁয়াজ, পিঁয়াজকলি,
 বীটপালম, ঝাড়পালম, গাজর, কলাইশ্টি, মটরশ্টি, বরবটি,
 ভেল্ভেটি, টমাটো, বেগুন, টেপারি, মূলা, শীম, শ্লেষ্ট, করলা,
 ঝিঙ্গা, উচ্ছে, খুঁদল, কাঁকড়েল, টে'রস, চিচিঙ্গা, কাঁকুড়,
 স্থালাড়, লাউ, কুমড়া প্রভৃতি বাগানের অপূর্ব শোভা বিস্তার
 করিয়াছে। আবার কোথাও বা বড় বড় ফলের বাগান ! সে
 সব বাগানে কত রকমের ফল হইয়া আছে ;—আম, কলা—
 চাঁপা, মর্তমান, কাঁটালি, কাবুলি, কালীবৌ, চাটিম, চিনিচাঁপা,
 অমৃতি, সুরভি, গঙ্গমুরলী, কানাইবাঁশী ; আপেল, আস্পাতি,
 তরমুজ, খরমুজা, আনারস, পিচ, কুল, ওয়ালন্ট, লেবু—
 বাতাবী লেবু, কমলালেবু, পাতিলেবু, কাগজি, গেঁড়াচিনে,
 চিনেকাগজি, সরবতী, নারাঙ্গী, চিনেলেবু ; আঙুর, বেদানা,
 পেয়ারা, বিলাতী গাব, লিচু, আঁসুফল, ফলসা, কামরাঙ্গা,
 করমচা, মাদার, আতা, নোনা, লকেট, আলুবোখুরা, আলুচা,
 আখ্রোট, আমড়া, বিলাতী আমড়া, জামরুল, ব্রেডফ্রুট,
 চাল্তা, কাঁটাল, বেল, কদ্বেল, কাটকমলা, জলপাই, ফিগ,
 ডুমুর, গোলাপজাম, বাদাম, খুবানি, খেজুর, পেস্তা প্রভৃতি
 বাগান আলো করিয়া আছে। বড় বড় আমবাগানে নানা
 রকমের আম হইয়া আছে—লেঙ্ডা, বোম্বাই, হিমসাগর,
 মাজাজী, আলফন্সো, ফজলী, দেলখোস, গোলাপখাস,
 গোপালভোগ, গোপালধোপা, কিষণভোগ, মোহনভোগ,
 সুতাভোগ, তোতাপুরী।

ইহা ব্যতীত কত সুগন্ধি গাছ—ইউক্যালিপ্টাস, চন্দন, কর্পূর, দারুচিনি, লবঙ্গ, এলাচ, গুগ্ণল, বয়ড়া, রিটা, পাইন, পেন্সিয়ানা প্রভৃতি কত সুন্দর গাছ। সমুদ্রের বাতাস যেন সেই সব গন্ধে ভরপূর হইয়া আছে।

রৌদ্রোজ্জল 'আলোকে পিচ ও আখ্রোট গাছের কচি পাতাগুলি ঝল্মল করিতেছে। সমুদ্রের কোল ষে'সিয়া কত পাহাড়ের শ্রেণী দাঁড়াইয়া রহিয়াছে। দূরে দূরে জেলেরা মাছ ধরিবার নৌকায় চড়িয়া সমুদ্রের উপর জাল ফেলিয়া মাছ ধরিতেছে। নৌকার পালগুলি দূর হইতে মনে হইতেছিল যেন সমুদ্রের জলের উপর সাদা সাদা পাখী সাঁতার কাটিতেছে। কি সুখী এই জেলেদের জীবন ! ডাঙ্গার মানুষ হইয়াও ইহাদের ডাঙ্গার ধূলা বালি ধোঁয়া কলরব কিছুই ভোগ করিতে হয় না। সমুদ্রের টাট্কা বাতাস খাইয়া, সমুদ্রের অত্যাশ্চর্য দৃশ্য দেখিয়া ইহারা জীবন কাটায়। ঘরে ইহাদের স্ত্রী ও পুত্রকন্ত্রাগণ সর্বদাই ইহাদের কথা মনে করিতেছে; ইহাদের পানে সততই তাহাদের মন চাহিয়া আছে। শেষ রাতে অস্তগামী ঠাঁদের ম্লান আলোর তলায় নৌকা চালাইয়া, হিমে ভিজিয়া যখন ইহারা মাছ ধরিয়া ঘরে ফিরিয়া যায় তখন ইহাদের স্ত্রী ও ছেলেমেয়েদের কত আনন্দ ! ছেলেদের সেই কল-কাকলী ও প্রিয়তমা স্ত্রীর আনন্দোজ্জল পবিত্র মুখের সুমিষ্ট হাসি দেখিয়া তাহাদের মন আনন্দে ভরিয়া উঠে; সমস্ত রজনীর ক্লাস্টি তাহারা

নিমেষে ভুলিয়া যায় ; তাহাদের সমস্ত কষ্টকে সার্থক মনে
করিয়া নিজেদের জীবনকে ধন্ত বলিয়া মনে করে !

১৬ই ফেব্রুয়ারী আমরা গ্রীস পার হই । ১৮ই ফেব্রুয়ারী
আমরা জীব্যাল্টার প্রাণালী পার হই ; অর্থাৎ আটচলিশ
ঘণ্টার মধ্যে আমরা তুমধ্য সাগর অতিক্রম করি ।

নেডের আশা ছুরাশা হইয়া দাঢ়াইল ; কারণ জাহাজের
গতি ঘণ্টায় পঁয়ত্রিশ মাইল, অর্থাৎ প্রতি সেকেণ্ডে জাহাজ
চলিশ ফুট হিসাবে চলিতেছে । এমন অবস্থায় জাহাজ হইতে
লাক খাওয়ার অর্থ প্রাণত্যাগ করা ।

অষ্টম পরিচ্ছেদ

আটল্যাণ্টিক মহাসাগর

আটল্যাণ্টিক ! আটল্যাণ্টিক মহাসাগর ! কি অসীম, অনন্ত, এই মহাসাগর ! ইহা যেমন অসীম ও বিশাল, তেমনি ভয়ঙ্কর। ইহার জলরাশি আড়াই শত লক্ষ বর্গ মাইল ; ইহা দৈর্ঘ্যে নয় হাজার মাইল, প্রস্থে গড়ে তিন হাজার মাইল। পৃথিবীর সবচেয়ে বড় বড় নদী এই মহাসাগরে আসিয়া পড়িয়াছে—সেট লরেন্স, মিশিশিপি, আমাজন, লা প্লাটা, ওরিনোকো, নিজ্যার, কঙ্গো, সেনেগ্যাল, এল্ব, লোয়ার রাইন। ইহাদের কতকগুলি পৃথিবীর সর্বাপেক্ষা সভ্যদেশের মধ্য হইতে বহিয়া আসিয়াছে, আবার কতকগুলি জনহীন প্রান্তর ও গভীর দুর্গম জঙ্গলের মধ্য হইতে আসিয়াছে। ইহার শেষ হইয়াছে ঢাইটি ভয়ঙ্কর অন্তরীপের শেষ সীমায়—কেপ হণ্ড ও কেপ অফ গুড হোপ (ইহার আর একটি নাম কেপ অফ টেম্পেষ্ট) —যাহার নাম শুনিলে নাবিকগণ ভয়ে কাঁপিয়া উঠে।

জিব্র্যাল্টার হইতে জাহাজ ডুবিয়া চলিল। আটল্যাণ্টিক মহাসাগরে পড়িয়া এইবার আমরা কোন্ দিকে যাইব তাহা কিছুই বুঝিলাম না। একদিন জাহাজ জলের উপর

ভাসিয়া উঠিল ; আমি, নেড় ও কন্সেল ছাদের উপর গিয়া উঠিলাম ; দেখি বারো মাইল পূর্বে কেপ সেণ্ট ভিন্সেন্ট অতি অসুস্পষ্ট ভাবে দেখা যাইতেছে। আমাদের জাহাজ এখন স্পেনের পাশ দিয়া চলিতেছে। ঠিক ঝড় নয়, কিন্তু দক্ষিণ দিক হইতে একটা প্রবল বাতাস বহিতে সুরু করিয়াছে ; সমুদ্রও ফুলিয়া উঠিয়া টেউএর উপর টেউ আছড়াইয়া গর্জন করিতেছে। জাহাজ এত ছুলিতে আরম্ভ করিল যে ছাদের উপরে আর থাকা সন্তুষ্পর হইল না। নামিয়া আসিয়া ঘরে ফিরিলাম। কন্সেল নিজের ঘরে গেল, কিন্তু নেড় আমার সঙ্গে ঘরে ঢুকিল।

নেডের মনের কথা বুঝিতে পারিয়া তাহাকে বলিলাম—“নেড়, তোমার কথা আমি বুব্বাছি, কিন্তু এই অবস্থায় জাহাজ ছেড়ে যাওয়া নেহাঁ নির্বুদ্ধির কাজ করা হবে।” নেড় কোন উত্তর দিল না, কপাল ও জ্ব কোঁচ কাইয়া দাঁত দিয়া ঠোঁট কামড়াইয়া দাঁড়াইয়া রহিল। তাহাকে আশা দিয়া বলিলাম—“হতাশ হয়ে না নেড় ; জাহাজ এইবার পোটুগালের পাশ দিয়া যাবে ; কাছেই ইংল্যাণ্ড ও ফ্রান্স—পালাবার একটা না একটা সুযোগ মিলবেই।”

নেড় আমার পানে খানিকক্ষণ চাহিয়া রহিল, পরে বলিল—“যদি পালাতে হয় ত আজ রাত্রেই পালাব।”

তাহার কথা শুনিয়া আমি চমকাইয়া “উঠিলাম। এত শীত্র পালাবার জন্য আমি মোটেই প্রস্তুত ছিলাম না।

নেড় বলিতে লাগিল—“আজ রাত্রিই ঠিক সময় ; সামনেই ট্স্পনের উপকূল, মেঘলা রাত, ঝড়ও বেশ বইছে ; এমন সুযোগ আর মিলবে না । বলুন, আজ রাত্রে পালাবেন ?”

আমার মুখ হইতে কোন কথা বাহির হইল না । নেড় বলিল—“আজ রাত্রিতে ঠিক ন’টার সময় ! কন্সেলকে আমি ঠিক হতে বলেছি ; সেও প্রস্তুত হ’য়ে থাকবে । রাত নয়টার সময় ক্যাপ্টেন নিশ্চয় নিজের ঘরের ভিতর থাকবেন, হয়ত বা বিছানায় শুয়ে পড়বেন । নাবিকেরা যে যার কাজে থাকবে কেও দেখতে পাবে না । নৌকায় দাঢ়, পাল, মাস্তুল সবই ঠিক করা আছে । একটা রেঞ্চ জোগাড় করেছি, নৌকাটা জাহাজের সঙ্গে পাঁচ স্কুল দিয়ে আঁটা আছে, খুলতে কোন কষ্ট হবে না ।”

আমি বলিলাম—“কিন্তু সমুদ্রের অবস্থা দেখছ ত !”

নেড় বলিল—“স্বাধীনতা পেতে গেলে এইটুকু কষ্ট করতে হবে বৈ কি । নৌকায় চড়ে যাব ত ভয় কি, আর ক’মাইলই বা ?”

নেড় চলিয়া গেল । আমি কাঠ হইয়া বসিয়া রহিলাম ; এখন কি করিব ? নেডের দৃঢ় প্রতিজ্ঞা—আজই পালাইতে হইবে । সত্যি, নেড় ত ঠিক কথাই বলিয়াছে, এমন সুযোগ চট্ট করিয়া মিলবে না, কাল হয়ত ক্যাপ্টেন ডাঙ্গা হইতে শত শত মাইল দূরে আমাদের লইয়া যাইবেন কি না তা কে বলিদ্বন্দ্ব পারে ?

এই সময় হিস্ট হিস্ট করিয়া শব্দ হইতে লাগিল ; বুরিলাম জাহাজ জলের ভিতর ঢুবিতেছে। সমস্ত দিন, নিরুমের মর্ত বসিয়া রহিলাম। একদিকে স্বাধীনতার প্রবল প্রলোভন, আর একদিকে সমুদ্রজগতের নৃতন নৃতন জীবজন্মের কথা জানিবার বিপুল আগ্রহ। সময় যেন ভয়ঙ্কর হইয়া উঠিল। কেবল শুনিতেছি আর ক'ঘণ্টা বাকি ? বহুদিন পরে দেশে ফিরিব ভাবিয়া মনের কোণে খুসির আভাস উকিঁবুঁকি মারিতে লাগিল, আবার ছঃখও হইতে লাগিল। যাই হোক, পালানো নিশ্চিত জানিয়া জিনিস-পত্র গুছাইতে লাগিলাম ; কাপড়-চোপড় ঠিক করিয়া লইলাম, লেখার যে সব নোট করিয়া-ছিলাম তাহাও গুছাইয়া লইলাম। ক্যাপ্টেনের কথা ভাবিয়া মনে একটু ছঃখ হইল। কাল সকালে ক্যাপ্টেন যখন দেখিবেন যে আমরা সরিয়া পড়িয়াছি তখন তাহার কিন্তু মনের অবস্থা হইবে ? এত অভ্যর্থনা, এত আদর যত্নের এই ফল ! তিনি ভাবিবেন মানুষকে আবার বিশ্বাস করিয়া বেশ শিক্ষা পাইয়াছি। তারপর ‘ক্যাপ্টেনের সঙ্গে দেখা করিবার ও তাহার সহিত শেষ বারের মত কথা কহিবার জন্য বড় ইচ্ছা হইল।

সময় যেন আর কাটে না। সক্ষ্য সাতটা বাজিয়া গেল, এখনও একশ কুড়ি মিনিট বাকি ! উত্তেজ্জনার দরুণ বুক চিপ্‌চিপ্‌ করিতে লাগিল ; স্থির হইয়া বসিয়া থাকিতে পারিলাম না, ছটফট করিতে লাগিলাম। স্তালুনে পিয়েসে শেষ

—বাবের মত ক্যাপ্টেনের মিউজিয়াম্ দেখিতে গেলাম ;
• মিউজিয়ামের সঞ্চিত অমূল্য জিনিসগুলি ছাড়িয়া যাইতে
মন সরিল না । কাচের জানালার কাছে আর একবার
গিয়া বসিতে ইচ্ছা হইল । কতদিন এখানে বসিয়া কত
আনন্দ পাইয়াছি । আট্টা বাজিল । জাহাজ তখনও ষাট
ফুট নৌচে ডুবিয়া উত্তর দিকে চলিতেছে । চারিদিকে নিস্তুর ;
শুধু ইঞ্জিনের, ঘচ, ঘচ, শব্দ । নয়টা বাজিতে আর কয়েক
মিনিট মাত্র বাকী । নেডের ঘরের দরজার উপর কান
পাতিয়া শুনিলাম, কোন শব্দ নাই । নেডের প্রতীক্ষায়
নিজের ঘরের ভিতর গিয়া বসিলাম । জাহাজ চলিতে চলিতে
হঠাৎ থামিয়া গেল ; তারপর ঈষৎ একটা ধাক্কা অনুভব
করিলাম । বুঝিলাম জাহাজ সমুদ্রের তলায় গিয়া
নামিয়াছে । ন'টা বাজিয়া গেল ; নেড আসিল না । এই
সময় ঘরের দরজা খুলিয়া ক্যাপ্টেন নিমো প্রবেশ করিলেন ।
তাহাকে দেখিয়া আমি চম্কাইয়া উঠিলাম । ক্যাপ্টেন
বলিলেন—“স্পেনদেশের ইতিহাস আপনি কিছু জানেন,
প্রফেসার ?”

তারপর ক্যাপ্টেন নিমো একটা সোফায় বসিয়া
স্পেনের সুদীর্ঘ ইতিহাস বলিতে আরম্ভ করিলেন । মধ্য
যুগে স্প্যানিশ রা কিরূপ প্রবল হইয়া উঠিয়াছিল, জগতের
মধ্যে সর্বাপেক্ষা বলবান জাতি বলিয়া তাহাদের অহঙ্কারের
কথা, নৃতন দেশ জয় করিবার তাহাদের প্রবল আগ্রহ—

এই সমস্ত কথা একে একে বলিলেন। কলোন্সাস্‌ তখন সবেমাত্র আমেরিকা আবিষ্কার করিয়াছেন। স্প্যানিশ্‌রা সেই দেশে গিয়া জাহাজে করিয়া কত তাল তাল সোনা দেশে আনিতে লাগিল। আমেরিকায় তখন স্প্যানিশ্‌দের একচ্ছত্র আধিপত্য। ওদিকে ইংরাজরাও আমেরিকার দিকে ঝুঁকিতে লাগিল। স্পেন রাগিয়া গেল; ছোটখাটো বিবাদ হইতে অবস্থা ক্রমে প্রবল হইয়া দাঢ়াইল। সমুদ্রের উপর ইংরাজ জাহাজের সঙ্গে স্প্যানিশ্‌ জাহাজের প্রায়ই যুদ্ধ হইত। ভিগো উপসাগরে এমনি একটা যুদ্ধ হয়; সেই যুদ্ধে স্প্যানিশ্‌রা ইংরাজদের কাছে হারিয়া যায়। স্প্যানিশ্‌দের জাহাজে শত শত মণ সোনার তাল; শত্রু হস্তে সেই সব পড়িবে দেখিয়া স্প্যানিশ্‌রা নিজেদের জাহাজে আগুন লাগাইয়া দেয়। জাহাজ ডুবিয়া গেল; অত সোনার তালও জলের মধ্যে সমাধি লাভ করিল।

ক্যাপ্টেন বলিলেন—“ভিগো উপসাগরে আমরা এখন এসেছি; সেই সব ঐতিহাসিক ক্লিনী যদি চাকুষ দেখতে চান ত আমার সঙ্গে আসুন।”

ক্যাপ্টেনের সঙ্গে গিয়া দেখি জাহাজ ভূমির উপর স্থির হইয়া রহিয়াছে; উজ্জল ইলেক্ট্ৰিক আলোয় জাহাজ হট আধ মাইল পর্যন্ত সমুদ্রতল আলোকিত হইয়া উঠিয়াছে। পরিষ্কার বালির উপর বহুদিনের পচা কাঠ, মৱ্বে ধৰা লোহার চেন, নোঙৰ; আৱ তাৱ মাৰো মাৰো চাঁই চাঁই

সোনার তাল। জাহাজের কতিপয় নাবিক যত পারিল সোনা
জাহাজে আনিয়া তুলিল ; যাহা পড়িয়া রহিল তাহাও যথেষ্ট।
১৭০২ খৃষ্টাব্দে যাহা ঘটিয়াছিল আজ তাহা নিজের চোখে
দেখিলাম। এখন বুবিলাম ক্যাপ্টেন নিমো কিরূপ ধনী ;
এই সবের তিনিই একমাত্র অধিকারী।

ক্যাপ্টেন নিমো বলিলেন—“জগতের মধ্যে অনেক দরিদ্র
জাতি আছে, বলবানের কাছে তা’রা চিরকাল বঞ্চিত, লাঢ়িত
ও অবমানিত হ’য়ে আসছে। এ সব সোনা তাদের আমি
দিয়া থাকি।”

ক্যাপ্টেনের কথা শুনিয়া সসন্ত্রমে আমার মাথা ঝুইয়া
আসিল। দরিদ্রের জন্য তাঁহার এত দরদ! . তখন বুবিলাম
ভূমধ্য সাগরের মধ্যে যে লোকটা সাঁতার কাটিতেছিল
ক্যাপ্টেন নিমো কেন তাহাকে অত তাল তাল সোনা
বিলাটিয়া দিলেন।

ନବମ ପରିଚେଦ

ଜଳଘନ ନଗରୀ

ପରଦିନ ୧୯ଶେ ଫେବ୍ରୁଆରୀ । ସକାଳକେଲାଯ ନେଡ୍ ଆସିଯା ଆମାର ସରେ ପ୍ରବେଶ କରିଲ । ତାହାର ମଲିନ ନିଷ୍ପତ୍ତ ଦୃଷ୍ଟି ଓ ମାନ ହତାଶଭାବ ଦେଖିଯା ଆମାର ବାସ୍ତ୍ଵିକ ଦୁଃଖ ହଇତେ ଲାଗିଲ ।

ଆମି ବଲିଲାମ—“ନେଡ୍, ଆମାଦେର କପାଳ ବଡ଼ି ମନ୍ଦ ।”

ନେଡ୍ ବଲିଲ—“ହଁ, ସେ ସମୟ ପାଲାବାର କଥା ଠିକ ସେଇ ସମୟ ଜାହାଜ ଜଲେର ତଳାଯ ଏସେ ଟେକ୍ଲ ।”

ଆମି ବଲିଲାମ—“ହଁ, ତଥନ କ୍ୟାପ୍ଟେନ ନିମୋ ତାହାର ବ୍ୟାଙ୍କ ଦେଖିତେ ନେମେଛିଲେନ ।”

ନେଡ୍ ବିଶ୍ଵିତ ହଇଯା ଚକ୍ର ବିଶ୍ଵାରିତ କରିଯା ଜିଞ୍ଜାସା କରିଲ —“ବ୍ୟାଙ୍କ ଦେଖିତେ, ସେ କି ?”

ତଥନ ରାତ୍ରିର ସ୍ଟନ୍ଟା ସବ ଏକେ ଏକେ ଖୁଲିଯା ବଲିଯା ଆମି କହିଲାମ—“ଇଉରୋପେର ବ୍ୟାଙ୍କର ଲୋହାର ସିନ୍ଦୁକେର ଭିତର ଟାକା ରାଖାର ଚେଯେ କ୍ୟାପ୍ଟେନ ନିମୋର ବ୍ୟାଙ୍କ ଟେର ବେଶୀ ନିରାପଦ । ଏଥାନେ ମାନୁଷେର ପ୍ରବେଶ ଏକେବାରେ ନିଷେଧ ।”

ଶ୍ଵେତର ଭାବ କାଟିଲେ ପର ନେଡ୍ ବଲିଲ—“ଚୁଲୋଯ ଯାକ, ଓସିବ କଥା । କାଳ ହ'ଲ ନା ବ'ଲେ ହତାଶ ହବେନ ନା, ଏର ପରେ ନିଶ୍ଚଯ ଆରଓ ସୁଯୋଗ ଆସୁବେ ।”

-নেড় চলিয়া গেল।

জামাকাপড় পরিয়া স্থালুনে গিয়া কম্পাস দেখিয়া বুঝিলাম নোটিলস্ এখন দক্ষিণ-পশ্চিম দিকে চলিতেছে। অর্থাৎ জাহাজ এইবার ইউরোপকে পশ্চাতে রাখিয়া দূরে সরিয়া পড়িতেছে। বেলা এগারোটার সময় জাহাজ জলের উপর ভাসিয়া উঠিল। ছুটিয়া ছাদের উপর গেলাম, নেড় আগেই উপস্থিত হইয়াছে। দেখি চারিদিকে কোথাও ডাঙ্গার চিহ্ন নাই; চারিদিকে যতদূর দৃষ্টি চলে কেবল কালো জল পাগলের মত নাচিতেছে। আকাশ বড়ই মেঘেলা; জলের অবস্থা খুবই খারাপ, বড় বড় চেউ উঠিতে লাগিল। বুঝিলাম ডাঙ্গা হইতে আমরা বহুদূরে আসিয়া পড়িয়াছি। আটল্যান্টিক মহাসাগরের সে কি ঘোর নিকষ কাজল মূর্তি ! দেখিলে প্রাণ শিহরিয়া ওঠে, হৃদয় কাঁপিয়া ওঠে ! মনে হয় যেন কোন যাত্করী মায়াবলে এখনি আমায় তাহার বুকের উপর সাপ্টিয়া টানিয়া ধরিবে ও মুহূর্ত মধ্যে আমাকে পিষিয়া গিলিয়া থাইবে। পাগলিনীর মত সেই গভীর কালো জলের সে কি উচ্ছুল, উত্তাল, উদ্বাম উচ্ছুল্ল নৃত্য ! সে কি এক একটা বড় বড় চেউ ! চেউএর পর চেউ ; যেন ইহাদের শেষ নাই, ক্লান্তি নাই, কর্ষে অবসাদ নাই, পাগলামীর এই অভিনয়ের যেন কোন ফানি নাই। ফুলিয়া ফুলিয়া, ঘুরিয়া ঘুরিয়া, চেউগুলি একটার উপর আর একটা লাফাইয়া বাঁপাইয়া পড়িতেছে। বীচি-বিক্ষেপিত মন্ত্র জলরাশির সে কি ভয়ঙ্কর আবর্তন-বিবর্তন, সে কি উন্মাদ উদ্বাম লম্ফন

বাস্পন্দি, সে কি কুর কুটিল ভয়াবহ আকর্ষণ ও বিকর্ষণ। সমুদ্রের সেই ঝুঁড় ভয়ঙ্কর মূর্তি দেখিয়া গায়ে কাঁটা দিতে লাগিল। নিজের ঘরে ফিরিয়া আসিলাম।

ক্যাপ্টেন নিমো ঘরের ভিতর ঢুকিলেন। একথা ওকথার পর তিনি বলিলেন—“আর একদিন সমুদ্রের তলায় বেড়াতে যাবেন প্রফেসার? এতদিন ত দিনের বেলায় গিয়েছিলেন, সূর্যের আলোও যথেষ্ট ছিল; এইবার একদিন ঘোর হপুর রাত্রির অন্ধকারে সমুদ্রের তলায় বেড়িয়ে আসবেন চলুন।”

আমি তখনি আহলাদের সহিত আমার সম্মতি জানাইলাম।

ক্যাপ্টেন বলিলেন—“কিন্তু রাস্তা এইবার বড় খারাপ, অনেক ইঁটে হবে। যেতে যেতে একটা পাহাড় পার হ'তে হবে, পথে অনেক বড় বড় গর্ভ পড়বে।”

আমি বলিলাম—“আপনার কথা শুনে আমার এখনি যেতে ইচ্ছা করুছে।”

ক্যাপ্টেন বলিলেন—“বেশ, তাই চলুন।”

তাহার সঙ্গে পোষাক পরিবার ঘরে গিয়া ডুব-পোষাক পরিলাম। এইবার সঙ্গে কেহই যাইবে না, কেবল আমরা হৃষ্টজন। সমস্ত সরঞ্জাম পরিয়া যাইবার উদ্ঘোগ করিতে লাগলাম। এইবার সঙ্গে প্রচুর পরিমাণে বাতাস লওয়া হইল; কিন্তু সঙ্গে আলো লওয়া হইল না। ক্যাপ্টেনকে কারণ জিজ্ঞাসা করিলাম, তিনি বলিলেন—“আলোর কোন

প্রয়োজন নাই। সঙ্গে করিয়া ছইজনে দুইটা লোহার
ডাঙা লইলাম।

রাত তখন ঠিক দুইটা হইবে। গভীর অঙ্ককারের
মাঝখানে আটল্যান্টিক মহাসাগরের অতল তলে পা দিয়া
নামিলাম। আজও সেকথা মনে পড়িলে গায়ে কাঁটা দিয়া
উঠে! সেই স্থানের গভীরতা নয় হাজার ফুট। চতুর্দিক
তীব্র অঙ্কক্ষণ! কিছুক্ষণ চলিবার পর দুই মাইল দূরে
দেখিলাম একটা লাল ভাটার মত কি রহিয়াছে; যেন বহুদূরে
একটা উজ্জল আলো জ্বলিতেছে। আটল্যান্টিক মহাসাগরের
অত তলায় যে কি আলো জ্বলিতেছে কিছুই বুঝিলাম না।
যাই হোক, আলো ধরিয়া অগ্রসর হইলাম। মাথার উপর
কিসের শব্দ হইতে লাগিল—একটানা ঝম-ঝম-ঝম শব্দ,
বুঝিলাম উপরে ভয়ানক বৃষ্টি হইতেছে,—এ তাহারই শব্দ।

আধঘণ্টা পথ চলিবার পর রাস্তা ক্রমশঃই পাথুরে ও
এব্রোথেব্রো হইতে লাগিল। সেই সব পাথরের উপর
একরকম জলীয়, শ্যাঙ্গলা হইয়াছে, অনেকবার পা হরকাইয়া
গেল, লোহার ডাঙা ধরিয়া চলিতে লাগিলাম। যতই সামনে
চলিতে লাগিলাম আলো ততই উজ্জল হইতে লাগিল। এত
তলায় এত উজ্জল ও-কিসের আলো? দেখিলাম সুমুখে যেন
দাউ দাউ করিয়া তীব্র আগুন জ্বলিতেছে। ব্যাপার কিছুই
বুঝিলাম না, আরও কাছে গিয়া দেখিলাম,—সামনে একটা মস্ত
বড় পাহাড় রহিয়াছে, তাহারই ওধার হইতে আগুন উঠিতেছে।

ক্যাপ্টেন অভ্যন্তের মত ক্ষিপ্রপদে চলিতে লাগিলেন, আমি
অনভ্যন্ত সন্তুষ্পদে সাবধানে ভয়ে ভয়ে পাথর ও গর্ভ ডিঙাইয়া,
তাহার পিছনে পিছনে চলিতে লাগিলাম। সামনে দেখি একটি
বিস্তৃত জঙ্গল ; দেবদারু গাছের মত একরকম বড় বড় গাছ,
কিন্তু সমস্তই মরিয়া গিয়াছে ; গাছে একটাও পাতা নাই, কিন্তু
ডালপালা সমস্তই ঠিক আছে। সমস্তই যেন পাথর হইয়া
গিয়াছে, তারপর বুঝিলাম গাছগুলি সমস্ত কয়লা হইয়া
গিয়াছে।


পাথর ও গর্ভের উপর দিয়া চলিতে লাগিলাম। এক
এক জায়গায় পাথরের ছহুধারে বড় বড় গর্ভ—সে যে কত
নৌচু বলিতে পারি না ; নৌচে তাকাইতে ভয় হইতে লাগিল।
এই সব গর্ভের ভিতর যে কি আছে তা কে জানে। হয়ত
এই গর্ভের ভিতর হইতে এখনি একটা কিন্তুতকিমাকার
প্রকাণ্ড জলজন্তু বাহির হইয়া আসিবে। এক একস্থানের
প্রকাণ্ড প্রকাণ্ড গহ্বর, যেন হাঁ করিয়া গিলিতে আসিতেছে।
কোথাও পথ এত বিশ্রী যে একবার পা, হরকাইয়া গেলে
একবারে পাতালদেশে চলিয়া যাইব। কোথাও লাফ
মারিয়া একটা পাথর হইতে আর একটা পাথরে যাইতে
লাগিলাম, মাঝখানে প্রকাণ্ড গহ্বর। সেই লোহিত আলোয়
যে রেখাম মাথার উপর বড় বড় পাথর ঝুলিয়া রহিয়াছে—
চারিদিকেই প্রকাণ্ড প্রকাণ্ড কালো পাহাড়।

ছইষটা এমন ভাবে চলিতে লাগিলাম। পায়ের তলা

হইতে বড় বড় মাছ সরিয়া যাইতে লাগিল। পাহাড়ের গায়ে বড় বড় গহুর। এক একটা গহুরের দ্বারদেশে প্রকাণ প্রকাণ দাঢ়া মেলিয়া কি সব বসিয়া রহিয়াছে; আমার সর্বাঙ্গ হিম হইয়া গেল; আমাদের দেখিয়া দাঢ়াগুলি ভিতরে চুকিয়া যাইতে লাগিল; কিন্তু তাহারা আকারে আমাদের দশগুণ, একটা দাঢ়ার ঘায়ে আমরা অন্তেশে শুইয়া পড়িব। কেহ কেহ এক একটা দাঢ়া বাঢ়াইয়া দিয়া আমাদের লৌহ আচ্ছাদনের উপর স্পর্শ করিয়া আমাদের পরীক্ষা করিতে লাগিল। আমাদের পায়ের তলায় প্রকাণ প্রকাণ গর্ত; সে সব গহুর একেবারে পাতালদেশে নামিয়া গিয়াছে; তাহার ভিতরে হাজার হাজার চক্ষু জলিতেছে, সে সব ভীষণ জলজন্তুর জলস্তু চক্ষু; নিজের নিজের গর্তে বসিয়া তাহারা বিশ্রাম করিতেছে। কোথাও বড় বড় চিংড়ি মাছ পাথরের উপর অতি ধীরে ধীরে চলিয়া ফিরিতেছে—দৈর্ঘ্যে তাহারা এক একটা মানুষের মত। কোথাও বা রাঁকুসে কাঁকড়া বসিয়া রহিয়াছে—যেন এক একটি বগী গাড়ী! কোথাও বা অতিকায় কচ্ছপ পা উঁচু করিয়া গলা বাঢ়াইয়া মাথা নাড়িতেছে; তাহার খোলের মধ্যে পাঁচ-ছয়টা মানুষ অন্তেশে চুকিতে পারে। কোথাও বা ভয়ঙ্কর অক্টোপাস তাহাদের পা বা শুঁড়গুলি জড়াজড়ি করিয়া বসিয়া রহিয়াছে; এক একটি পা যেন এক একটি মুয়াল সাপ! আশেপাশে কিন্তু তকিমাকার আকৃতিবিশিষ্ট

আলোক-মাছ ঘুরিয়া বেড়াইতেছে ! তাহাদের গা হইতে
কেবলই আলো বাহির হইতেছে ।

এই সময় প্রশস্ত চাতালের মত পাহাড়ের এক জায়গায়



অটোপাস

কর্মসূয়া উপস্থিত হইলাম ! এবার আর একটি নৃতন দৃশ্য !
সামনে বহুদূর বিস্তৃত ধৰ্মসপ্রাপ্ত অট্টালিকা, দুর্গ, মন্দির ও
থামের শ্রেণী দেখিতে পাইলাম । এ ত ভগবানের স্ফুট নয় ;

সমুদ্রের এত তলায় মানুষের হস্তনিষ্ঠিত কার্য্যাবলী দেখিয়া, বিশ্বিত হইলাম। চারিদিকে বড় বড় পাথর পড়িয়া রহিয়াছে, কিন্তু তাহার মাঝে মাঝে বহু পুরাতন ধৰ্মসপ্রাপ্ত ঘৰবাড়ী দাঢ়াইয়া রহিয়াছে। এইরূপ সহস্র সহস্র অট্টালিকা দেখিতে পাইলাম। কোথাও বা বাজার রহিয়াছে, চারিদিকে দোকানের শ্রেণী; কোথাও মন্দিরের মত গৃহ রহিয়াছে; কোথাও বা বড় বড় কেল্লা, বন্দর প্রভৃতি অস্পষ্টভাবে বুঝা যাইতেছে। এক এক স্থানে ভগ্ন দেওয়ালের শ্রেণী বহুদূর পর্যন্ত চলিয়া গিয়াছে। ভগ্ন সৌধশ্রেণীর মাঝ দিয়া প্রশস্ত রাজপথ রহিয়াছে।

এ কোথায় আসিলাম? ক্যাপ্টেনকে জিজ্ঞাসা করিতে গেলাম, কিন্তু তখনি নিজের অক্ষমতা বুঝিতে পারিলাম। কি করি; ক্যাপ্টেনের বাহু ধরিয়া একটা বাঁকানি দিলাম; ক্যাপ্টেন আমাকে ইসারা করিয়া তাহার সঙ্গে আরও অগ্রসর হইতে বলিলেন। ধৰ্মসপ্রাপ্ত নগরীর অপর পার্শ্বেই সেই পূর্বকথিত পাহাড়ের চূড়াটি দেখা যাইতেছে। পাহাড়ের উচ্চতা প্রায় আঁচ্ছত ফুট হইবে। শিখরের উপরিভাগ হইতে উজ্জ্বল আলোকের মত দাউ দাউ করিয়া কি যেন জ্বলিতেছিল। বুঝিলাম ইহা একটি আগ্নেয়গিরি। সেই পর্বতশিখরের উপরিভাগের গর্ভ হইতে পঞ্চাশ ফুট উর্দ্ধ পর্যন্ত বড় বড় পাথরের মুড়ি ছিটকাইয়া বাহির হইতেছিল ও তাহার সঙ্গে শুম ও ভস্ম প্রবল বেগে নিগত হইতেছিল। আগ্নেয়গিরি

হইলেও কোনপ্রকার আগুণ বাহির হইতেছিল না, কিন্তু সেই
সকল উভপু ধাতুনিঃস্বব হইতে একটা অতি ভৌষণ উজ্জ্বলতা
বাহির হইতেছিল ; তাহাতেই চারিদিক আলোকিত হইতেছিল।
আগ্নেয়গিরির নিকটবর্তী জলরাশি কেবল পুঞ্জীভূত বাস্পের মত
দেখাইতেছিল।

ধ্বংসপ্রাপ্ত নগরীর এইরূপ শোচনীয় অবস্থার কারণ এইবার
বুঝিলাম। আগ্নেয়গিরির প্রবল অগ্ন্যৎপাতে ও ধাতুনিঃস্ববে
সমস্ত নগরী প্লাবিত ও একেবারে নষ্ট হইয়া গিয়াছে। কিন্তু
এ কোন্ দেশ ? ক্যাপ্টেন নিমো আমার ব্যাকুলতা বুঝিতে
পারিলেন, ভূমি হইতে একথণ পাথুরেখড়ি লইয়া একটা
দেওয়ালের উপর লিখিলেন, “য্যাট্ল্যান্টিস”।

ধাঁ করিয়া মনের ভিতর দিয়া যেন একটা উক্তা ছুটিয়া গেল।
নাম দেখিয়া চম্কাইয়া উঠিলাম। এই সেই ইতিহাস-প্রসিদ্ধ
য্যাট্ল্যান্টিস নগরী ! প্লেটো, প্লিনি প্রভৃতি প্রাচীন
ঐতিহাসিকগণ যে নগরীর অতুল ঐশ্বর্য ও প্রবল পরাক্রমের
কথা এত করিয়া প্রশংসা করিয়া গিয়াছেন ! এইখানে
অসমসাহসী য্যাট্ল্যান্টাইড্গণ বাস করিতেন—যাহাদের সঙ্গে
গ্রীক বীরপুরুষগণ কতবার যুদ্ধ করিয়াছেন।

ভূমিকম্প, অগ্ন্যৎপাত, বাড়বাঘি প্রভৃতি পৃথিবীর
স্বরস্ত্রস্থিত অসীম শক্তির প্রয়োগে পৃথিবীর উপরিস্থিত দেশ
সকল ক্রমশঃই রূপান্তরিত হইতেছে। আজ যেখানে মহাদেশ
রহিয়াছে, সহস্র বৎসর পরে হয়ত সেখানে মহাসমুদ্র বিরাজ

করিবে ; আজ যেখানে মহাসাগর রহিয়াছে সহস্র বৎসর পরে
সেখানে মহাদেশ জাগিয়া উঠিবে । এইরূপ নিয়তই হইতেছে ।
এককালে হিমালয় পর্বতশ্রেণী, রাজপুতনা, আফ্রিকার সাহারা
মরুভূমি, আরব, বেলুচিষ্ঠান, থর্ন ও গোবি মরুভূমি সমস্তই
সমুদ্রতলে নিমগ্ন ছিল । তখন এই সকল জায়গায় একটি
মহাসাগর বিদ্যমান ছিল । আবার আফ্রিকার দক্ষিণভাগ,
ম্যাডাগাস্কার, মালদিত্‌ দ্বীপ, ভারতবর্ষের দক্ষিণভাগ, আন্দামান,
নিকোবর দ্বীপপুঞ্জ, সুমাত্রা, জাভা, সেলিবিস্, বোর্ণেও,
ফিলিপাইন, নিউগিনি, অক্ট্রেলিয়া প্রভৃতি দেশগুলি একসঙ্গে
যুক্ত ছিল ; এখন তাহার কতক কতক অংশ সমুদ্রজলে ডুবিয়া
গিয়াছে ; এই য্যাট্লান্টিস্ দেশ এবং আফ্রিকার এক সময়
জলের উপরিভাগে ছিল, কালক্রমে সমুদ্রজলে নিমগ্ন হইয়াছে ।

প্রায় একঘণ্টা ধরিয়া চারিদিকে ঘূরিয়া ফিরিয়া এই প্রাচীন
নগরীর শোভা ও সৌন্দর্য দেখিতে লাগিলাম । এই সময় চাঁদ
উঠিল ; জলের ভিতর দিয়া চাঁদের ক্ষীণ আবৃছা ঘোলাটে
আলোকে সমস্ত নগরী যেন মৃতব্যক্তির ফ্যাকাসে মুখের মত
দেখাইতে লাগিল । যখন জাহাজে ফিরিয়া আসিলাম তখন
ভোর হইতে আর বেশী দেরী নাই ।

দশম পরিচ্ছেদ

এ কোথায় আসিলাম ?

পরদিন ২০শে ফেব্রুয়ারী। পূর্ব রজনীর পরিশ্রমের দরুণ আজ অনেক বেলা পর্যন্ত ঘুমাইয়া ছিলাম ; ঘুম থখন ভাঙ্গিল তখন বেলা এগারটা। জাহাজ তখন তিনশ ফুট জলের তলা দিয়া বিশ মাইল বেগে ছুটিতেছিল। আট্ল্যান্টিক মহাসাগরের মাছগুলি অন্ত্য সমুদ্রের মাছের চেয়ে অপেক্ষাকৃত বৃহদাকৃতির। এক একটা মাছ এত বড় যে দৈত্য



বড় বড় সাপ

বলিলেও চলে, অথচ তাহার আকৃতি ঠিক মাছের মত। এক জাতীয় মাছ পনের ফুট দীর্ঘ, তাহাদের শরীরে অসীম শক্তি। বড় বড় নানা জাতীয় হাঙ্গর ও প্লোকস্ দেখিলাম। প্লোকস্ গুলি পনের ফুট দীর্ঘ, শরীর এত স্বচ্ছ যে জলের সঙ্গে তাহা একেবারে মিলিয়া গিয়াছে, চট করিয়া বুঝিতে পারা যায় না। অনেক রকম বড় বড় সাপ, প্রকাণ্ড প্রকাণ্ড ব্যাঙ্গ, জলের

ভিতর বেড়াইতেছে দেখিলাম। একরকম মাছ দেখিলাম, তাহা কেবল হাড়, অথচ তাহারা জীবিত। ম্যাক্যায়রা নামক একরকম ঘোর কৃষ্ণবর্ণ মাছ দেখিলাম, দৈর্ঘ্যে পনের ফুট। তরোয়াল মাছ দৈর্ঘ্যে চবিশ ফুট, ঝাঁকে ঝাঁকে জলের ভিতর ঘুরিয়া বেড়াইতেছে। ইহা ব্যতীত দেবদূত মাছ, ডোরিমাছ, রাশ মাছ, মুলেট মাছ প্রভৃতি করকম মাছই না দেখিলাম!



প্রকাণ্ড ব্যাঙ

এই সময় জলের ভিতর আবার পাহাড়ের শ্রেণী দেখিতে পাইলাম। খাড়া পাথরের দেওয়ালের পাশ দিয়া জাহাজ, চলিতে লাগিল। বুবিলাম ক্যানারি দ্বীপপুঞ্জ বা কেপ ভার্ডের

নিকট জাহাজ আসিয়াছে। জাহাজ স্থির হইয়া দাঢ়াইয়াছে




দেবদূত মাছ

দেখিয়া আমি ঘরে ফিরিয়া ঘুমাইবার চেষ্টা করিলাম।

— ঘুম ভাস্তিল একেবারে পরদিন বেলা আটটার সময়।
ছাদের উপর গিয়া দেখি জাহাজ জলের উপর-




রাশ মাছ



মুলেট মাছ

ভাসিতেছে, কিন্তু চতুর্দিকে ঘোর অঙ্ককার—যাহাকে বলে
স্ফুচনীভূত অঙ্ককার। ঘোর অঙ্ককার রাত্রিতে যেমন সামনে

মাছুষের মুখ দেখা যায় না, এও সেইরকম অঙ্ককার ; অথচ
দিনের বেলা ! এ কি হইল ? কোথায় আসিলাম ? তবে কি
এখন রাত্রি ? না, এইমাত্র ত ঘড়ি দেখিয়া আসিলাম। কৈ,
মাথার উপর ত একটাও তারা দেখা যাইতেছে না ? বলিতে
কি রাত্রিবেলাও এমন ঘোর বিদ্যুটে অঙ্ককার সচরাচর
দেখা যায় না ।



ডোরি মাছ

—“এমন সময় আমাকে সন্ধোধন করিয়া কে বলিল
—“এই যে, প্রফেসার ?”

বুঝিলাম ক্যাপ্টেন নিমো কথা কহিতেছেন। ঠাহাকে
জিজ্ঞাসা করিলাম—“এ কোথায় আসিলাম, ক্যাপ্টেন ?” ..

ক্যাপ্টেন বলিলেন—“মাটির তলায়।”

আমি বলিলাম—“মাটির তলায়, অথচ জাহাজ জলের
উপর ভাসুছে !”

ক্যাপ্টেন বলিলেন—“ব্যস্ত হবেন না, সবই বুঝতে
পারবেন, প্রফেসোর। একটু এখানে দাঢ়ান, আমি আলো
নিয়ে আসছি।”

এমন অঙ্ককার যে, ক্যাপ্টেনকে মোটেই দেখিতে
পাইলাম না। উপর পানে তাকাইয়া দেখিলাম একটা অতি
ক্ষীণ অস্পষ্ট আলো অনেক উর্ধ্বে একটা গোলাকার গর্ভের মধ্য
দিয়া আসিতেছে; আসিতে আসিতে মাঝ পথেই সেটা শেষ
হইয়া গিয়াছে। যেখানে দাঢ়াইয়াছিলাম সেখানে ঘোর
অঙ্ককার; উপরেই শুধু সেই ক্ষীণ আলো—নীচে মোটেই
নামিতেছিল না।

এই সময় ক্যাপ্টেন আলো লইয়া আসিলেন; উজ্জ্বল
ইলেক্ট্ৰিক আলোয় চোখ ঝলসাইয়া গেল। দেখিলাম একটা
পাহাড়ের পাশে নোটিলস স্থির হইয়া ভাসিতেছে। এটা একটা
হৃদ, চারিদিকেই পাহাড়ের উচ্চ দেওয়াল; হৃদের আকৃতি
গোলাকার, তার ব্যাস প্রায় দুই মাইল। হৃদকে বেষ্টন করিয়া
গোলাকার পাহাড়ের দেওয়াল অনেক উর্ধ্বে উঠিয়াছে, প্রায়
ছয়শত ফুট হইবে; কিন্তু সোজাভাবে অর্থাৎ খাড়াই না উঠিয়া
ঠিক গম্বুজের মত ক্রমশঃ হেলিয়া মাঝখানে মিশিয়াছে; কেবল
মাথার উপর ছোট একটি ফুকর; এই ফুকর ব্যতীত আলো বা

বায়ু প্রবেশের পথ আর কোনখানে নাই। একটা ফুঁদিল্
উল্টাইয়া রাখিলে যেকুপ দেখায় পাহাড়ের ভিতরের আকৃতি
অনেকটা সেইকুপ।

ম্যানোমিটার দেখিয়া বুঝিলাম বহিঃস্থিত সমুদ্রের ও এই
হুদের জলের উপরিভাগ সমতল ; অর্থাৎ হুদের সঙ্গে সমুদ্রের
কোন জায়গায় ঘোগ আছে। পাহাড়ের ওপাশেই সমুদ্র ; জলের
ভিতর পাহাড়ের কোন জায়গায় নিশ্চয়ই কোন গর্ত আছে।

ক্যাপ্টেনকে জিজ্ঞাসা করিলাম—“এ কোথায় আস্লাম,
ক্যাপ্টেন ?”

ক্যাপ্টেন বলিলেন—“একটা আগ্নেয়গিরির মধ্যে, কিন্তু
এখন এটা নিবে গেছে। ভূমিকম্পের দরুণ পাহাড়ের
দেওয়ালের মধ্যে একটা ফাটল হওয়াতে তার মধ্য দিয়ে
সমুদ্রের জল ভিতরে ঢোকে তাঁতে এই আগ্নেয়গিরি নিবে
যায়। আপনি যখন ঘুমুচিলেন, সেই সময় নোটিলস্
জলের ত্রিশ ফুট নীচে একটা গর্ত দিয়ে এর ভিতরে ঢোকে।
নোটিলসের একটা আশ্রয় বা বন্দর চাই, সেইজন্তু এই জায়গাটা
বেছে নিয়েছি ; এখানে বড়ের ভয় নেই, চেউএর ভয় নেই,
দম্ভু-তক্ষরের ভয় নেই। এমন শুন্দর বন্দর জগতে আর
কোথাও দেখেছেন প্রফেসোর ?”

বামি বলিলাম—“কি আশ্চর্য, আপনি একটা আগ্নেয়গিরির
ভিতরে ঢুকেছেন ! আচ্ছা, উপরে যে একটা অস্পষ্ট গর্ত
দেখে তে পেলাম, সেটা কি ?”

ক্যাপ্টেন বলিলেন—“ঐ উপরের গর্ত দিয়েই ত ভিতরকার
ধূম, ভস্ম, ধাতুনিঃস্ত্রাব আগে বা’র হ’ত ।”

আমি জিজ্ঞাসা করিলাম—“আপনার অজ্ঞয় নোটিলস্ কি
শেষে ক্লাস্ট হ’য়ে পড়্ল, যে, বন্দরে এসে আশ্রয় নিতে হ’ল ?”

ক্যাপ্টেন বলিলেন—“না, তা নয় ; জাহাজের এখন কয়লার
দরকার হয়েছে ; তড়িৎ উৎপাদন করতে যে কয়লার প্রয়োজন
হয় তা বোধ’ হয় জানেন। এই হুদের তলায় এক অফুরন্স
কয়লার খনি আছে ; উহা নিউ-ক্যাসেলের চেয়ে কোন অংশে
ছোট নয়। এই কয়লা পুড়িয়ে এখন তড়িৎ উৎপাদন করা
হবে। কয়লার ধোঁয়া ঐ গর্ত দিয়ে বের হবে ; বাইরের লোক
ভাব্বে, আগ্নেয়গিরির ভিতর হ’তে ধোঁয়া উঠ’ছে। এখন
কয়েক ঘণ্টা ধ’রে কয়লা তোলা হবে, আপনারা এর মধ্যে
ইচ্ছা করলে পাহাড়ের ভিতরের চারদিকে ঘুরে ঘুরে দেখে
আস্তে পারেন।”

নেড় ও কন্সেলকে ডাকিয়া লইয়া তিনজনে পাথরের উপর
গিয়া উঠিলাম। পাথরের দেওয়ালের পাশেই চাতালের মত
চলিবার একটা রাস্তা আঁকিয়া বাঁকিয়া চারিদিকে ঘুরিয়া
গিয়াছে। এই রাস্তা ধরিয়া ঘুরিয়া ঘুরিয়া যাইলে অনেক
উপর পর্যন্ত উঠিতে পারা যায়। চারিদিকে বড় বড় পাথরের
খণ্ড পড়িয়া রহিয়াছে ! পাথরগুলির উপরিভাগ এনামেলের
মত পরিষ্কার, চক্ককে, ঝক্ককে ; বুঝিলাম উত্তপ্ত আঁতনের
সংস্পর্শে আসিয়া পাথরগুলির ঐরূপ অবস্থা হইয়াছে। রাস্তাক

উপর ভৌমণ ধূলা ; অন্তের ছাঁড়া প্রচুর পরিমাণে পড়িয়া রহিয়াছে। এই গোলাকার পথ ধরিয়া আমৃতা অনেক উর্দ্ধ পর্যন্ত উঠিতে লাগিলাম। রাস্তা ক্রমশঃই খাড়াই হইতে লাগিল। এইখানে নানা রকম ধাতুশ্রেতের ধারা দেখিতে পাইলাম ; কিন্তু এখন ঠাণ্ডা হইয়া কঠিন হইয়া গিয়াছে। এক এক স্থানে মনে হইল যেন গঙ্ককের কার্পেট পাতা রহিয়াছে। অনেক উচ্চে একটা বৃহৎ মৌমাছির চাক দেখিতে পাইলাম। চাকের তলায় গঙ্কক জ্বালাইয়া ধোয়া করিতেই মৌমাছিগুলি উড়িয়া পালাইল। নেড় তখন চাকটা ভাঙিয়া লইয়া তার ভিতর হইতে কয়েক সের মধু জোগাড় করিল। ল্যাণ্টার্ণ ধরিয়া পথ দেখিয়া পা টিপিয়া আরও উর্দ্ধে উঠিতে লাগিলাম। গর্ভের মুখের কাছাকাছি আসিলে দেখিলাম পাহাড়ের ফাটলে অনেক পাথী বাসা করিয়া রহিয়াছে। মানুষ দেখিয়া তাহারা উড়িয়া গেল ! সঙ্গে বন্দুক আনে নাই বলিয়া নেড় খুব দুঃখ করিতে লাগিল ; তবু কয়েকটা মুড়ি ছুঁড়িয়া নেড় চেষ্টা করিয়া একটা প্রকাণ্ড পাথী বধ করিল। কয়েক ষষ্ঠা পরে আমরা নীচে নামিয়া আসিলাম।

পরদিন নোটিলস্ পুনরায় জলের ভিতর ডুব মারিয়া আট্টল্যান্টিক মহাসাগরের মধ্য দিয়া ছুটিতে লাগিল।

একাদশ পরিচেদ

আটল্যান্টিক মহাসাগরের অতলতলে

নোটিলস্ এখন আটল্যান্টিক মহাসাগরের মাৰামাৰি
আসিয়াছে।

তোমরা যাহারা ভূগোল পড়িয়াছ নিশ্চয়ই গাল্ফ খ্রীমের
নাম শুনিয়াছ'। ইহা একটি প্রবল উষ্ণ জলের স্রোত ; সমুদ্রের
বিশাল জলরাশি হইতে ইহা সম্পূর্ণ বিভিন্ন। সমুদ্রের একটি
নির্ধারিত পথ ধরিয়া এই গাল্ফ খ্রীম চারিদিকে ঘুরিয়া
গিয়াছে। ফ্লোরিডা উপসাগর হইতে আটল্যান্টিক মহাসাগরের
একটি নির্ধারিত পথ ধরিয়া উত্তর মহাসাগরের স্পিটজ বার্জেন
অবধি গিয়াছে। এখান হইতে ইহার ছুইটি বিভিন্ন শাখা
ছুইদিকে গিয়াছে ; একটি নরওয়ে ও আয়ারল্যাণ্ডের উপকূলে
গিয়া শেষ হইয়াছে ; আর একটি স্রোতধারা দক্ষিণ দিক
ধরিয়া আফ্রিকার পশ্চিম কূল চাপিয়া পুনরায় ঘুরিয়া
য্যান্টিলিস্ দ্বীপপুঞ্জের পাশ দিয়া মেক্সিকো উপসাগরের মধ্যে
প্রবেশ করিয়াছে।

এই গাল্ফ খ্রীমের স্রোতধারা অতি প্রচণ্ড। আটল্যান্টিক
মহাসাগরের এই গোলাকার পথ ঘুরিয়া আসিতে ইহার
প্রায় তিনি বৎসর লাগে। এই স্রোতের মধ্যবর্তী জায়গাটাকে
স্থারগাসেঁ সাগর বলে। আটল্যান্টিক মহাসাগরের মাৰখানে
এই জলরাশি একেৰাবে স্থিৰ ; কোনপ্রকার চেউ বা চঞ্চলতা

নাই। আটল্যান্টিক মহাসাগরের উপর সর্বদাই বড় বড় চেউ উঠিতেছে। সমস্ত মহাসাগর অপেক্ষা, আটল্যান্টিক মহাসাগর যে সর্বাপেক্ষা ভীষণ এ কথা সকলেই জানে; কিন্তু এই ভয়ঙ্কর উভাল মহাসাগরের মধ্যবর্তী স্থার্গাসো সাগর সম্পূর্ণ স্থির। পুরুর বা হৃদের জলের মত ইহার জলরাশি শান্ত ও নিস্তব্ধ।

নোটিলস্ এখন এই স্থার্গাসো সাগরের কাছে আসিয়াছে। স্থার্গাসোর জল চোখে পড়ে না; মনে হয় যেন একটি মস্তবড় কার্পেট পাতা রহিয়াছে। যত রাজ্যের জলীয় ঘাস, গাছপালার ভাঙ্গা ডাল, পাতা, নানা প্রকার লতা বরা ফুল, শুক্র ফল, খড়ের আঁটি, পাটের গাঁটি, জাহাজভাঙ্গা কাঠ, তক্তা জঙ্গলী ঘাস, আগাছা, শৈবালদল আসিয়া এখানে জমা হইয়াছে। জমাট বাঁধিয়া তাহারা এমনি কঠিন হইয়াছে যে তাহা ছিন্ন করিয়া যাইতে সাধারণ জাহাজের শক্তিতে কুলায় না। স্থার্গাসো কথাটি স্প্যানিস্, ইহার অর্থ আগাছা। নোটিলস্ এই জলের তলা দিয়া চলিতে লাগিল।

বিখ্যাত পশ্চিম মৌরি সাহেব ইহার একটি অতি সুন্দর কারণ নির্দেশ করিয়াছেন। একটি জলপূর্ণ পাত্র লইয়া তাহাকে উপর কতকগুলি ছেঁড়া কাগজ বা ঘাসের টুকুরা কেলিয়া তারপর আঙুল দিয়া জলটাকে ঘূরাইলে পাত্রের সমস্ত জুলটুকু ঘূরিতে থাকিবে। ছেঁড়া কাগজগুলিও ঘূরিতে থাকিবে, ঘূরিতে ঘূরিতে তাহারা জলের মাঝখানে গিয়া

দাঁড়াইবে ; কারণ এই মাঝখানের জলের গতির বেগ খুবই সামান্য। সেইরূপ আটল্যান্টিক মহাসাগরের চারিদিকেই গাল্ফ, স্লীম ঘূরিতেছে, তাই মাঝখানের স্থার্গাসো সাগর একেবারে নিস্তর ; যত রাজ্যের আগাছা এইখানে আসিয়া জমা হইয়াছে। ইহার মধ্যে কতকগুলি গাছ ও লতা বেশ বাঁচিয়া রহিয়াছে, কতকগুলি অন্য অন্য দেশ হইতে এখানে আসিয়া জড় হইয়াছে। দেখিলাম উত্তর আমেরিকার ‘রকি’ পর্বত ও দক্ষিণ আমেরিকার ‘আগ্রিজ’ পর্বত হইতে বড় বড় গাছের গুঁড়ি ‘মিশিশিপি’ ও ‘আমাজন’ নদী বহিয়া এখানে আসিয়া জমা হইয়াছে। কত ভগ্ন জাহাজের মাস্তুল, বড় বড় তক্তা, ছয়ার, জানালা, কাঠের সিঁড়ি, হাল প্রভৃতি এখানে আসিয়া আঁটিয়া রহিয়াছে। মোরি সাহেব বলেন, কালক্রমে এইসব কয়লায় পরিণত হইবে। নৌল, লাল, সবুজ রঙের বড় বড় অনেক ফুলও ফুটিয়া রহিয়াছে।

পরদিন ২৩শে ফেব্রুয়ারী। স্থার্গাসো সাগর পরিত্যাগ করিয়া জাহাজ, পুনরায় আটল্যান্টিক মহাসাগরের জলের উপর ভাসিয়া উঠিল। আজ হইতে ঠিক উনিশ দিন ধরিয়া অর্থাৎ ১২ই মার্চ পর্যন্ত জাহাজ ক্রমাগত দক্ষিণ দিকে প্রচণ্ডগতিতে ছুটিতে লাগিল। বুধিলাম ক্যাপ্টেন নিমো এইবার কেপ হর্ণ ঘূরিয়া অক্ষেলিয়ার দিকে যাইবেন।

এই উনিশ-দিনের মধ্যে বিশেষ এমন কিছু ঘটনা ঘটে নাই। আটল্যান্টিক মহাসাগরের দক্ষিণ অংশ একরকম

নিঞ্জন বলিলেও চলে ; জাহাজ বা ষীমাৰ কদাচিং দেখিতে পাওয়া যায়। সেইজন্তু নোটিলস্ এই কয়দিন জলের উপর ভাসিয়া চলিল। ক্যাপ্টেন নিমোৰ সঙ্গে কদাচিং দেখা হইত ; কেবল এক একদিন মাৰাঠাতে ঘূম ভাসিয়া গেলে তাহার অগ্যানেৰ কৱণ ধ্বনি কাণে আসিত। তার সেই কৱণ শুরেৰ বাজনা শুনিয়া আমাৰও প্রাণ কাঁদিয়া উঠিত। বুঝিতাম ক্যাপ্টেন জীবনে বড় দুঃখেৰ আঘাত পাইয়াছেন, সেই আঘাত ও সেই শোক এখনও ভুলিতে পারেন নাই। তাহার কৱণ অগ্যান-ধ্বনি মাৰাঠাতে জাহাজেৰ ঘৰে ঘৰে দুঃখেৰ বান ডাকাইয়া আছাড়ি পিছাড়ি খাইত।

একদিন নোটিলস্ জলেৰ উপৰ ভাসিয়া চলিয়াছে ; পিছনে একটা তিমি মাৰিবাৰ নৌকা আমাদেৱ পিছনে তাড়া কৱিতে লাগিল। তাহারা নোটিলস্কে একটা অতিকায় তিমি ভাবিয়া হারপুন উচাইয়া পিছনে পিছনে আসিতে লাগিল। অনেকক্ষণ তাহাদেৱ ভোগাইয়া নোটিলস্ শেষে জলেৰ ভিতৰ ঢুব মাৰিল।

আট্ল্যান্টিক মহাসাগৱেৰ এই সেই জায়গা—যেখানে ক্যাপ্টেন ডেনহাম ৪২,০০০ হাজাৰ ফুট দড়ি ফেলিয়াও জলেৰ তলা পান নাই। তাৰপৰ ক্যাপ্টেন পার্কাৰ আৱও বেশী ৮,৬৫৬ ফেলিয়া অৰ্থাৎ ৯০,৮৪০ ফুট দড়ি ফেলিয়াও তলদেশ স্পৰ্শ কৱিতে পারেন নাই। নোটিলস্ এইবাৰ বহু নিম্নে ঢুবিতে লাগিল। দেখিতে দেখিতে জাহাজ জলেৰ ৪২,০০০

ফুট, নিম্ন দিয়া চলিতে লাগিল; চারিদিকে সুদীর্ঘ পর্বতের শ্রেণী চলিয়াছে; এই সকল পাহাড় অতি উচ্চ, কেত কেহ ছই মাইল, তিন মাইল উচ্চ অর্থাৎ আরও ছই মাইল বা তিন মাইল ডুবিলে তবে তলদেশ পাওয়া যাইবে। চারিদিকে ঘোর কৃষ্ণবর্ণ পর্বতশিখর! হিমালয় বা আঙ্গিস বা রকি পর্বতের চেয়ে এই সকল পাহাড় ও পর্বতশিখর কোন অংশে ছোট নহে।

এই সকল পর্বতশ্রেণীর মাঝখান দিয়া অতি সাবধানে জাহাজ চলিতে লাগিল। তারপর নোটিলস্ আরও নিম্নে ডুবিতে লাগিল! ভয়ে প্রাণ কাঁপিয়া উঠিল! বুঝিলাম জাহাজের উপর জলের কি ভৌষণ চাপ পড়িয়াছে! জাহাজ ভৌষণবেগে নীচে নামিতে লাগিল; ইঞ্জিনের প্রচণ্ড শক্তির গুম্বুম শব্দ; উপরের জলের চাপের দরুণ জাহাজের সর্বাঙ্গ ঝিম্ব ঝিম্ব করিয়া কাঁপিতে লাগিল। জাহাজের ইস্পাতের পাতগুলি ঝন্ন ঝন্ন করিয়া শব্দ করিতে লাগিল। মনে হইল এখনি সমস্ত ক্রুঞ্জ পঁজাচ খুলিয়া যাইবে। সুদীর্ঘ লোহার ডাঙ্গাগুলি বাঁকিয়া উঠিল; স্তালুনের জানালাগুলি ভিতরপানে ঢেলিয়া আসিতে লাগিল; সুকঠিন ইস্পাত নিষ্পিত ক্রু, কজা, নাট, বোণ্ট, খিল সমস্তই আর্জনাদ করিয়া উঠিল। মাথার উপরে ছাদ ছম্ভাইয়া নীচু হইয়া আসিতে লাগিল।

জাহাজ এই সমস্ত ক্রক্ষেপ না করিয়া আরও নিম্নে ডুবিতে লাগিল। পাহাড়ের উপর নানা রকম শামুক ও ঝিলুক

রহিয়াছে ; তাহাদের পিঠের খোলা পাথরের মত পুরু ও শক্ত । অত নিম্নে আর কোন প্রাণী দেখিতে পাইলাম না । প্রায় ৫০,০০০ ফুট নৌচে নামিয়া জাহাজ থামিয়া পড়িল । উজ্জল টলেক্ট্ৰিক আলোয় দেখিলাম চারিদিকে গ্র্যানাইট পাথরের স্তুপ চলিয়াছে, মাঝে মাঝে বড় বড় গহৰ—সে সব যে কোথায় নামিয়া গিয়াছে তার ঠিকানা নাই । এক এক স্থানে চাতালের মত সুন্দর গ্র্যানাইট পাথরের রাস্তা বানানো রহিয়াছে । ভয়ে বিস্ময়ে আনন্দে মুঢ হইয়া এই নৃতন রাজ্যের অপরূপ শোভা দেখিতে লাগিলাম ।

ক্যাপ্টেন বলিলেন—“আর নৌচে নেমে দৱকার নাই, তা হ'লে জাহাজের ক্ষতি হ'তে পারে । এইবাব উঠা যাক । আপনি খুব সাবধানে নিজেকে চেপে ধরুন ।”

ক্যাপ্টেনের এইরূপ সাবধান করার কারণ বুঝিলাম না ; কিন্তু তখনি ঘরের মেঝেতে আমি পড়িয়া গেলাম । জাহাজ তৌরের মত উপরে উঠিতে লাগিল । সে কি ভীষণ প্রচণ্ড গতি ! জলরাশি ছিন্নভিন্ন করিয়া জাহাজ বেলুনের মত সোজা সেঁ-সেঁ-সেঁ করিয়া উপরে উঠিতে লাগিল । সেই ৫০,০০০ ফুট জলরাশি তেদ করিয়া উপরে উঠিতে জাহাজের ঠিক চারিমিনিট সময় লাগিল ; চারিদিকে প্রচণ্ড টেউ তুলিয়া জাহাজ মের উপর ভাসয়া উঠিল ।



କରାତ ମାଛ

দ্বাদশ পরিচ্ছেদ

ক্যাশালটুদের সঙ্গে ভয়ঙ্কর ঘূঁঢ

১৪ই মার্চ। নোটিলস্ কেপ্ হর্ণের কাছাকাছি আসিল। অদূরে ‘টিয়েরা ডেল্ ফিউগো’ নামক দ্বীপের দৈত্য-সমান ‘পর্বতচূড়াণ্ডলি’ মেঘের আড়াল হইতে অস্পষ্ট দেখা যাইতেছিল। জাহাজ ক্রমশঃ দ্বীপের নিকটবর্তী হইতে লাগিল। দূর হইতে দেখিলাম সমুদ্রকূল বড়ই ভয়ঙ্কর; বালুময় তটভূমি বলিয়া কিছুই নাই; কেবল কাল কাল সু-উচ্চ পাহাড়ণ্ডলি খাড়াই ভাবে সমুদ্রের ভিতর নামিয়া গিয়াছে। এই সব পাহাড়ের তলদেশে আটল্যান্টিক ও য্যান্টার্টিক মহাসাগরের ঘোর কৃষ্ণবর্ণ শীতল চেউণ্ডলি আসিয়া ভয়ঙ্কর শব্দে আছড়াইয়া পড়িতেছে। পাহাড়ের উপর ঘোর জঙ্গল; এই সব জঙ্গলে এমন গাছও আছে যাহাদের বয়স হাজার ছই হাজার বৎসর। এই গাছ আমেরিকার ও আফ্রিকার জঙ্গলে অনেক দেখিতে পাওয়া যায়। এই সব জঙ্গলের মধ্যে আমেরিকার আদিম অধিবাসিগণ চালা বাঁধিয়া নির্বিঘৰে বসবাস করে। ইহারা সকলেই কান্তিজাতীয়, কিন্তু গায়ের রং তামাটে। বনের ভিতর হইতে প্রচুর ধূম উঠিতেছিল। বনবাসীরা হয় রান্না করিতেছে, না হয় আগুন পোহাইতেছে। এই ধূমরাশি দেখিয়া প্রাচীন স্প্যানিস্গণ দ্বীপটির নাম ‘টিয়েরা ডেল্ ফিউগো’ অর্থাৎ ‘ধোঁয়ার দেশ’ রাখিয়াছিল। পৃথিবীতে এত দেশ দেখিয়াছি, কিন্তু এ রকম

দেশ কোথাও দেখি নাই। ইহার পাহাড়-পর্বত, গাছপালা, জলবায়ু সমস্তই স্বতন্ত্র। পাহাড়গুলি এত উচু যে, বরফে ঢাকিয়া আছে; গাছগুলি ভয়ঙ্কর দীর্ঘ, হাজার দেড় হাজার ফুট উচু।

দক্ষিণ দিক হইতে একটা ভয়ঙ্কর ঠাণ্ডা জোর বাতাস বহিতেছিল; সে শীতল বাতাসের স্পর্শে চারিদিক যেন ঝিম্ ঝিম্ করিতে লাগিল। দ্বীপের উপর রাশি রাশি কাল ঘন মেঘ জমিয়া রহিয়াছে; সে মেঘ বড় ভয়ঙ্কর; বুবিলাম শীতল একটা ভয়ঙ্কর ঝড় উঠিবে। সে ঝড় এত ভয়ঙ্কর যে পর্বতের উপরিস্থিত আলগা শিলাখণ্ডগুলি পাহাড়ের গা বহিয়া গ্রামের উপর গিয়া পড়ে; তাহাতে অনেক বাড়ী ও লোকের প্রাণ নষ্ট হয়।

কি আশ্চর্য, জাহাজ কোথায় কেপ্‌হণ্ড ঘূরিয়া প্রশান্ত মহাসাগরে গিয়া পড়িবে, তাহা না করিয়া ক্রমাগত দক্ষিণ দিকে চলিল। জাহাজ এ কোথায় চলিল? এ যে দেখিতেছি দক্ষিণ মেরুপ্রদেশের দিকে জাহাজ চলিতেছে! সে যে জনমানব-পশুপক্ষী-বৃক্ষলতাহীন বরফের দেশ। ক্যাপ্‌টেন নিমো কি ক্ষেপিয়া উঠিলেন? নেডের সকলু আশা বিলীন হইল, রাগে ছঃখে সে ফুলিতে লাগিল। বোধ করি বা এখনি ক্যাপ্‌টেনকে ধরিয়া মারিয়া বসিবে!

একদিন সে আমাকে জিজ্ঞাসা করিল—“আচ্ছা, এই জাহাজে কত লোক আছে বলতে পারেন?”

আমি বলিলাম—“প্রায় ষাট সত্তর জন।”

নেড় বলিল—“তিনজনের পক্ষে বড় বেশী।” নেডের

অবস্থা দেখিয়া আমাৰ ছংখ হইল। চিৱকাল স্বাধীনভাৱে
জীবন-যাপন কৰিয়া আজ তাহাৰ বন্দীৰ দশা !

একটানা দিন কাটিতে লাগিল ; লোক নাই, জন নাই ;
সমুদ্ৰবক্ষে কোন জাহাজ, কোন পাখী—কোন কিছু দেখিতে
পাইলাম না। এত-যে জলজস্ত তাহারাও যেন মন্ত্ৰবলে অদৃশ্য
হইয়াছে। চারিদিকে জল, জল, জল ;—জল আৱ জল—
আৱ জল ! প্ৰাণ হাঁপাইয়া উঠিতে লাগিল ।

এই সময় একদিন জাহাজ হইতে এক মাইল দূৰে এক
ঝাঁক তিমিমাছ জলেৰ উপৱ কাল কাল পিঠ ভাসাইয়া
সাঁতাৰ কাটিতেছে দেখিতে পাইলাম। নেডেৱ কি আনন্দ !
গ্ৰীন্ল্যাণ্ড ও বেরিং সাগৱেৰ তিমিমাছই সৰ্বাংপেক্ষা বৃহৎ ;
কিন্তু ইহারাও তাহাদেৱ চেয়ে কোন অংশে কম নয়। ইহাদেৱ
মধ্যে এক একটা একশত ফুট দীৰ্ঘ দেখিতে পাইলাম। নেড়
গ্ৰীন্ল্যাণ্ড ও বেরিং সাগৱে শত শত তিমি বধ কৱিয়াছে।
আজ তিমি দেখিয়া তাহার হাত ছট্টফট্ট কৱিতে লাগিল। যেন
একটা অদৃশ্য হারপুন লইয়া সে হাতে ঘুৱাইতে লাগিল ।

আমি বলিলাম—“নেড়, তিমি মাৱতে যদি এতই ইচ্ছা
হ'য়ে থাকে ত ক্যাপ্টেনেৰ অনুমতি নিয়ে একবাৱ
চেষ্টা ক'ৱে দেখ না।” আমাৰ কথা শুনিয়া কন্সেল ছুটিয়া
ক্যাপ্টেনকে ডাকিতে গেল ! ক্যাপ্টেন আসিয়া তিমিগুলি
দেখিতে লাগিলেন। এক মাইল দূৰে প্ৰায় এক কুড়ি তিমি
জলেৰ উপৱ খেলা জুড়িয়া দিয়াছে ।

তিগি



নেড় বলিল—“ক্যাপ্টেন, দয়া ক'বে আমাকে একবার তিমি মার্বার অনুমতি দেবেন ?”

ক্যাপ্টেন বলিলেন—“কেন নেড়, এদের মিছিমিছি মেরে কি লাভ ? আমাদের এখন ত তেল বা চর্বির কোন দরকার নেই।”

নেড় বলিল—“তবে লোহিত সাগরে ডুগংটাকে মার্বার অনুমতি কেন দিয়েছিলেন ?”

ক্যাপ্টেন বলিলেন—“তখন নাবিকদের মাংস কম হ'য়ে এসেছিল, সেই জন্য ডুগং মার্তে বলেছিলাম। কোন দরকার নাই অথচ খেয়ালবশে এদের মিছিমিছি মারা আমি ভাল মনে করি না। এরা ভারী শান্ত, এরা মানুষের কথনও কোন ক্ষতি করে না, অথচ মানুষে এদের মেরে মেরে লোপ কর্বার চেষ্টা করছে। ব্যাফিন উপসাগরের অত তিমি আর প্রায় দেখতে পাওয়া যায় না। পূর্বে জগতে কত অতিকায় জন্ম ছিল, এখন সব লোপ পেয়ে গেছে। শুধু আছে এই তিমিমাছ, তাও মনে হয় শীত্র লোপ পেয়ে যাবে। তা ছাড়া এদের শক্ত ত কম নেই; এদের শান্তিশিষ্ট ও নির্বোধ দেখে অন্যান্য জলজন্তু—যেমন ক্যাশালট, খড়গমাছ, করাতমাছ—এদের দেখতে পেলেই দল বেঁধে তাড়া করে, আর প্রায়ই মেরে ফেলে।”

ক্যাপ্টেনের কথাগুলি খুবই সত্য। মানুষের নিষ্ঠুর আনন্দের ফলে এই তিমিমাছ শীত্রই লোপ পাইবে। এই

সময় ক্যাপ্টেন দূরে সমুদ্রের বুকের উপর আঙুল দেখাইয়া
বলিলেন—“ঐ দেখুন, তিমির ভীষণ শক্ত আসছে। আট
মাইল দূরে ঐ যে কালো কালো—কিছু দেখতে পাচ্ছেন ?”

—“হঁ, ক্যাপ্টেন, পাচ্ছি। কি বলুন দেখি ?”

—“ক্যাশালট ! বড় সাংঘাতিক জন্ম ! এরা প্রায়ই দল
বেঁধে থাকে ; এক এক দলে দুশো তিনশো পর্যন্ত থাকে।
এরা যেমনি হিংস্র তেমনি ভীষণ। মারতে যদি হয় এদের
মারা উচিত। তিমিদের প্রধান শক্ত হচ্ছে এরা ; এদের
শরীরের মধ্যে মুখ ও দাঁত সর্বস্ব। এদের শরীর প্রায়
পঁচাত্তর ফুট লম্বা হয়, তার মধ্যে মাথাটাই শরীরের তিন
ভাগের একভাগ। এদের মুখের সামনে পঁচিশটা ক'রে গজ-
দাঁত আছে, প্রত্যেকটি আট ইঞ্চি লম্বা ! এরা দেখতে
অতি বিশ্রী !”

এই সময় ক্যাশালটগুলি তিমিদের দেখিতে পাইয়া
তাহাদের মারিবার জন্ম ছুটিয়া আসিতেছিল। তাহারাই
যে যুদ্ধে জয়লাভ করিবে সে বিষয়ে কোন সন্দেহ ছিল না।
তাহারা সংখ্যায় চের বেশী, তার উপর অগ্ন ভীষণ দাঁত ;
আবার তিমিদের চেয়ে এরা জলের ভিতর আরও অনেকক্ষণ
থাকিতে পারে। তাহারা তিমিদের খুব কাছে আসিয়া
পড়িল।

ক্যাপ্টেন বলিলেন—“তিমিদের যেমন ক'রে হোক
আমাদের বাঁচাতে হবে। চলুন, এইবার ক্যাশালটদের সঙ্গে

আমাদের ভৌষণ লড়তে হবে। এদের উপর আমার এক ফোটা দয়া নাই।”

নোটিলস্ অতি সন্তর্পণে জলের ভিতর ডুব মারিল। কন্সেল, নেড, ও আমি স্থালুনের জানালার কাছে গিয়া দাঢ়াইলাম। ক্যাপ্টেন তাহার নাবিকদের দলে ফিরিয়া গেলেন। দেখিতে দেখিতে জাহাজের গতি ক্রমশঃই বর্দ্ধিত হইতে লাগিল।

নোটিলস্ ক্যাশালটদের মাঝে আসিয়া পড়িল। তখন তিমিদের সঙ্গে ক্যাশালটদের ভৌষণ লড়াই বাধিয়া গিয়াছে। প্রথমে নোটিলস্কে দেখিয়া ক্যাশালটের দল একটুও ভয় পাইল না; তাহারা তখন তিমি মারিবার উত্তেজনায় মন্ত্র হইয়া উঠিয়াছে। কিন্তু শীঘ্রই তাহারা বুঝিতে পারিল কि ভৌষণ পদার্থ তাহাদের মধ্যে আসিয়াছে।

ক্যাশালটদের সঙ্গে নোটিলসের সে কি ভৌষণ যুদ্ধ! ইঞ্জিন বামাবৰ্ম বামাবৰ্ম শব্দে চলিতেছে, আর নোটিলস্ কেবলি চক্রাকারে ঘূরিয়া ঘূরিয়া প্রচণ্ড বিক্রমে ক্যাশালটদের আঘাত করিতেছে। ক্যাপ্টেন স্বয়ং ইঞ্জিন চালাইতেছেন। জাহাজ একদিক হইতে আর একদিকে কেবলই পাক খাইয়া ঘূরিতেছে। যে ক্যাশালট, জাহাজের সামনে পড়িতেছে তাহা তৎক্ষণাত দুইখণ্ড হইয়া দুইদিকে ভাগ হইয়া যাইতেছে। ঐ একটা ভৌষণ ক্যাশালট, জাহাজের ঠিক সামনে! ঐ জাহাজ ছুটিয়া তাহার দেহের উপর পড়িল! ঐ যে তাহার দুইখণ্ড

দেহ থ্রথু করিয়া কাঁপিতেছে ! এ আর একটা, তারপর
আর একটা ! সামনে পড়িতেছে আর হইথও হইয়া হইদিকে
কাঁপিতে কাঁপিতে ভাসিয়া যাইতেছে ! সে কি ভীষণ যুদ্ধ !
শত শত ক্যাশালট জাহাজের উপর তাড়া করিয়া আসিল।
লেজের ও দাঁতের আঘাতে জাহাজের তক্ষা ও কাঁচ ঝন্ঝন
করিতে লাগিল। সে কি ভীষণ লড়াই ! নিষ্ঠুর হত্যার
আনন্দে ক্যাপ্টেন মাতিয়া উঠিলেন। উহাদের দ্বিখণ্ডিত
দেহে সমুদ্রজল বোঝাই হইয়া উঠিল। জলের উপর সে
কি ভীষণ শব্দ ! ক্যাশালটের দল তখন ভয়ঙ্কর রাগিয়া
উঠিয়াছে ; তাহাদের হিস্হিস্ শব্দে ও ভয়ঙ্কর গজ্জনে কর্ণ বধির
হইয়া যাইতে লাগিল। সমুদ্রের শান্ত জলরাশি তাহাদের
লেজের আঘাতে ফুলিয়া উঠিল ; বড় বড় টেউ উঠিতে লাগিল।
ঠিক এক ঘণ্টা ধরিয়া এই যুদ্ধ চলিল। তারপর অবশিষ্ট
ক্যাশালটের দল প্রাণের ভয়ে উর্ধ্বশ্বাসে ছুটিয়া পালাইতে
লাগিল।

সব চুপচাপ ! সমুদ্রের উত্তাল জল আধাৰ শান্ত হইল।
চারিদিকে ক্যাশালটের শত শত দ্বিখণ্ড দেহ—উপরটা ঝোঁ
নীল, তলাটা সাদা। কয়েক মাইল পর্যন্ত সমুদ্রের জল
ঘোৰ লোহিত বর্ণ ধারণ কৱিল। রক্তের সাগরে আমরা
ভাসিতে লাগিলাম।

ক্যাপ্টেন ফিরিয়া আসিলেন। নেড়কে বলিলেন—“কি
নেড়, কেমন দেখ্লে ?”

নেড় বলিল—“এমন ভয়ঙ্কর দৃশ্য আমি কখনও দেখি নাই। কিন্তু আমি কসাই নই, আমি শিকারী! আপনি যা করলেন তা শিকার নয়, সেটা কসাইএর কাজ।”

ক্যাপ্টেন বলিলেন—“এরা বড় ভয়ঙ্কর জন্ম, এদের এই-রকম ক'রেই মারতে হয়।”

এই সময় জাহাজ একটা তিমির কাছে আসিল। প্রকাণ্ড তিমি, কিন্তু 'মৃত; ক্যাশালট্টের দাঁতের আঘাতে তাহার সর্বাঙ্গ ক্ষতবিক্ষিত। মুখে একটা বাচ্চা ধরিয়া সেটা মরিয়া ভাসিতেছে। বাচ্চাটাও মরিয়া গিয়াছে। তিমিটা কাঁহ হইয়া ভাসিতেছিল। জাহাজ কাছে যাইলে প্রথম কয়েকজন নাবিক যাহা করিতে লাগিল তাহা দেখিয়া আমি বিস্মিত হইলাম। তিমির মাঝ হইতে টানিয়া টানিয়া প্রচুর ছফ্ফ বাহির করিয়া পাত্রে পাত্রে ভরিতে লাগিল; তাহা ওজনে প্রায় ষাট মণ হইবে। ক্যাপ্টেন এক কাপ ছুধ আমাকে খাইতে দিলেন; তাহা তখনও বেশ গরম রহিয়াছে। আমার খাইতে কিরূপ স্থগা হইতে লাগিল, কিন্তু খাইতে অনেকটা গরুর ছধের মত। উহা দ্বারা মাথন, পনির, ছানা প্রচুর পরিমাণে প্রস্তুত হইয়া জাহাজের ভবিষ্যতের খোরাক করা রহিল।

অযোদ্ধা পরিচেদ

বরফের দেশ

নোটিলস্ ক্রমাগত দক্ষিণমুখে চলিতেছে ; জাহাজের গতি খুবই ক্রত বলিতে হইবে । পঞ্চান্ন অক্ষরেখার নিকট আসিয়া আমরা জলের উপর বরফ ভাসিতে দেখিলাম । বেশী বড় নয়, ছোট ছোট বরফখণ্ড, কোনটা কুড়ি ফুট, কোনটা বা পঁচিশ ফুট দীর্ঘ । নেড় উত্তর মেরুসাগরে তিমি মারিতে গিয়া এইরূপ অনেক বরফ ভাসিতে দেখিয়াছে ; তাই সে ইহা দেখিয়া বিশেষ বিশ্বিত হইল না ; কিন্তু কন্সেল ও আমি মুঢ়ের মত এইসব আইসবার্গ (Iceberg) দেখিতে লাগিলাম । ‘আইস’ মানে বরফ, ‘বার্গ’ মানে পাহাড়, অর্থাৎ বরফের পাহাড় । দেখিতে দেখিতে বড় বড় বরফের টাই দেখিতে পাইলাম । দিনের আলো এই সব বরফের উপর পড়িয়া লাল, নৈল, হলুদ, সবুজ, বেগুনে প্রভৃতি বর্ণে প্রতিফলিত হইয়া অনিব্রচনীয় শোভা প্রকাশ করিতেছিল । দক্ষিণ দিকে যতই অগ্রসর হইতে লাগিলাম ততই আইসবার্গের সংখ্যা বাড়িতে লাগিল ।

এতক্ষণ সমুদ্রের পথ বেশ খোলাই ছিল, কিন্তু ষাট অক্ষরেখার কাছে আসিলে দেখিলাম পথ একেবারে বন্ধ । চারিদিকে বরফ জমাট বাঁধিয়া রহিয়াছে ; অগ্রসর হইবার

এতটুকু পথ রাখে নাই। বিশাল মহাসাগরের অসীম জলরাশি যেন এইখানে শেষ হইয়াছে। অনেক খুঁজিয়া ক্যাপ্টেন নিমো বরফের মধ্যে দিয়া একটু সঙ্কীর্ণ পথ বাহির করিলেন; তাহার মধ্য দিয়া ক্যাপ্টেন অসীম সাহসভরে অকুতোভয়ে জাহাজ চালাইতে লাগিলেন। দুইধারে বরফের দেশ ধ্বংধব করিতেছে! মৃত্যুর মত সে স্থান নিষ্ঠুর ! গাছ নাই, পালা নাই,—কোথাও প্রাণের এতটুকু চিহ্নও দেখিতে পাইলাম না। বরফের চেয়ে বাতাস আরও শীতল বলিয়া মনে হইল। ফারু নামক পোষাকে আমাদের সর্বাঙ্গ আবৃত; জাহাজের অভ্যন্তরভাগ ইলেক্ট্ৰিক ষ্টোভে দিনরাত গরম করিয়া রাখা হইতেছে; কিন্তু তবু শীতের প্রবল বিক্রিম আমরা বেশ অনুভব করিতে লাগিলাম। এটা মার্চ মাস, প্রচণ্ড শৈতানিকাল। না জানি শীতকালে এখানে আসিলে কি-ই হইত!

দেখিতে দেখিতে আমরা শেটল্যাণ্ড ও সাউথ অর্কনের নিকটে আসিলাম। ক্যাপ্টেন বলিলেন—“এইখানে পূর্বে প্রচুর পরিমাণে সিল্ পাওয়া যাইত, কিন্তু তিমি-শিকারীর দল এখানে আসিয়া এদের বংশ ধ্বংস করিয়াছে।”

১৬ই মার্চ আমরা দক্ষিণ মেরুরেখা পার হইলাম। ক্যাপ্টেন বরফের ভিতর ঘুরিয়া ঘুরিয়া কোথা হইতে পথ খুঁজিয়া ‘লইয়া’ জাহাজ চালাইতে লাগিলেন। চতুর্দিকে বরফের দেশ ধূ ধূ করিতেছে। এদেশ ভগবানের সৃষ্টি, না

কোন মায়াবী যাহুকরের তৈরী ? এই দেশের সৌন্দর্য দেখিয়া আমার হৃদয়-মন মুগ্ধ হইল । বরফের কত রূক্ষ আকৃতি ; কোথাও মন্দির হইয়া রহিয়াছে, কোথাও বা মসজিদ হইয়া রহিয়াছে, কোথাও যেন ঘরবাড়ী সব উণ্টাইয়া পড়িয়া গিয়াছে ।

চারিদিক একেবারে নিস্তুর্ক, কেবল বরফের সঙ্গে বরফের ধাক্কার শব্দ । কখনও বা বরফের স্তুপ ধূসিয়া যাইবার অতি ক্ষীণ শব্দ,—কোথাও বা বরফের মাঠ ডুবিয়া জল বাহির হইয়া পড়িল, তাহার শব্দ । চলিতে চলিতে কখনও কখনও এমন হইতে লাগিল যে, সামনের পথ একেবারে বন্ধ, যাইবার এতটুকু রাস্তা নাই । কিন্তু ক্যাপ্টেন দমিবার পাত্র নহেন ; যেখানে পাত্লা বা জলীয় বরফ দেখিতে পাইলেন তাহার উপর প্রচণ্ড শক্তিতে জাহাজের ধাক্কা মারিতে লাগিলেন । বরফ চরচর করিয়া ফাঁক হইয়া যাইতে লাগিল । এমনি করিয়া ক্যাপ্টেন ক্রমশঃ দক্ষিণাভিমুখে অগ্রসর হইতে লাগিলেন । পিছনে চাহিয়া দেখি, যে যে রাস্তা ধরিয়া আসিয়াছি তাহা প্রচণ্ড ঠাণ্ডার দরুণ ইতিমধ্যেই জমাট বাঁধিয়া গিয়াছে ।

এ কি ! শেষে বরফের দেশে আটকা পড়িয়া প্রাণ হারাইতে হইবে ? জাহাজ প্রচণ্ড শক্তিবলে বরফ ভাসিতে ভাসিতে অগ্রসর হইতেছে ; জাহাজের ধাক্কা খাইয়া বরফের টুকুরা গুঁড়া হইয়া আকাশে উঠিতে লাগিল । জাহাজ কখনও

বরফের উপর ধাক্কা মারিয়া, কখনও ফাঁকের মধ্যে' চাড়িয়া, ফাটাইয়া, ক্রমশঃ দক্ষিণমুখে চলিতে লাগিল। ঠাণ্ডায় আমরা হি হি করিয়া কাপিতে লাগিলাম। ব্যারোমিটারে দেখিলাম শূন্ত হইতে পাঁচ ডিগ্রী নীচে উত্তাপ নামিয়াছে। বিদ্যুতের যতদূর ক্ষমতা আমাদের গরমে রাখিয়াছে। ১৮ই মার্চ তারিখে জাহাজ আর অগ্রসর হইতে পারিল না; পথ একেব্যরে বন্ধ ! সামনে বড় বড় বরফের পাহাড়।



পেট্রেল পাথী

সে পাহাড় ভেদ করিয়া যাইবার শক্তি ত ক্ষুদ্র নোটিলসের নাই। সেই জায়গাটা ৫১° স্তোর্যমা ও ৬৭° ত্র্যাক্ষরেখায় অবস্থিত।

এখন উপায় ? চারিদিকে পথ বঙ্গ ; কেমন করিয়া এখান
হইতে বাহির হওয়া যায় ? চারিদিকে সাদা বরফের পাহাড়,
মাঝখানে কালো নোটিলস্ বরফের সঙ্গে জমাট বাঁধিয়া
গিয়াছে। এ কয়েকদিন আমরা সূর্যের মুখ কেবল ছপুর
বেলায় কয়েক মিনিটের জন্য দেখিতে পাইয়াছিলাম ;
এখানে সূর্যের সে প্রথরতা বা শক্তি নাই। চারিদিকে
ঘোর নিষ্ঠকতা, কোন কিছুর এতটুকু শব্দ নাই ; কেবল
পেট্রেল ও পিউফিন् পাথীর উড়িয়া যাইবার ফ্লাপ, ফ্লাপ,



পিউফিন্ পাথী

শব্দ। সে কি ভীষণ শব্দ ! তাহাতে যেন এতটুকু প্রাণের
সঙ্গীবতা নাই। প্রচণ্ড ঠাণ্ডায় সে শব্দটুকুও যেন জমাট
বাঁধিয়া যাইতে লাগিল !

ক্যাপ্টেনের ‘গা-জোয়ারী’ ও নির্বুদ্ধিতার ফল আমি
এইবার বেশ হৃদয়ঙ্গম করিলাম। তিনি নিজেও মরিবেন,
সঙ্গে সঙ্গে আমাদেরও মারিবেন। এই সময় ক্যাপ্টেন

“আমির কাছে আসিয়া জিজ্ঞাসা করিলেন—“কি করা যায়
এখন প্রফেসার ?”

আমি বলিলাম—“উপায় ত আমি কিছু দেখতে
পাচ্ছি না।”

ক্যাপ্টেন বলিলেন—“তবে কি বলতে চান যে, এইখানে
আমরা আটকা পড়ে মারা যাব ?”

আমি বলিলাম—“তা ছাড়া আর কি বলব ?”

ক্যাপ্টেন এইবার বিদ্রপের হাসি হাসিয়া হঠাৎ গর্বভরে
বলিলেন—“ঐ ত প্রফেসার আপনাদের দোষ ; আপনারা
শুধু বিপদ্ধ ও কষ্ট ছাড়া আর কিছুই জানেন না। আমি
বলছি নোটিলস্ যে কেবল নিজকে এই বরফ হ'তে ছাড়াতে
পারবে শুধু তা নয়, ইচ্ছা করলে আরও দক্ষিণ দিকে
এগুতে পারে।”

আমি অবাক হইয়া বলিলাম—“বলেন কি ? আরও
দক্ষিণ দিকে যেতে পারেন আপনি ? না, তা একেবারে
অসম্ভব !”

ক্যাপ্টেন বলিলেন—“অসম্ভব কিছুই নয়, আমি ইচ্ছা
করলে এখন সেই মেরুপ্রদেশের ঠিক মধ্যখানে গিয়ে
উপস্থিত হ'তে পারি।”

বুবিলাম এই অসমসাহসী মানুষটির পক্ষে কিছুই অসম্ভব
নয়। সকলেই জানেন, উত্তর মেরু অপেক্ষা দক্ষিণ মেরুর
পথ আরও দুর্গম ; উত্তর মেরু প্রদেশে অনেকদূর

পর্যন্ত যাইতে পারিয়াছে, কিন্তু দক্ষিণ মেরু প্রদেশের ভিতর
অবধি এ পর্যন্ত কেহই যাইতে পারে নাই।

ক্যাপ্টেন বলিলেন—“আপনি ভাবছেন এ সব পথ
আমার চেনা, কিন্তু ইহার পূর্বে কখনও আমি এখানে আসি
নাই, কিন্তু তবু একবার চেষ্টা ক'রে দেখ্ব দক্ষিণ মেরুতে
যেতে পারি কি না ?”

ক্যাপ্টেনের কথা শুনিয়া আমিও একটু বিদ্রূপের স্বরে
বলিলাম—“হা হাঁ, তাই চলুন ; এই ছৃঙ্খলাত তিনিশত ফুট
উচ্চ বরফের পাহাড় চূর্ণ-বিচূর্ণ ক'রে সোজা এগিয়ে চলুন ।”

ক্যাপ্টেন বলিলেন—“বরফের উপর দিয়ে যাব তা
আপনাকে কে বললে ? যদি যাই ত বরফের তলা দিয়ে যাব ।”

আমি অতি বিস্ময়ে অস্ফুট চীৎকার করিয়া বলিলাম—“তলা
দিয়ে ? কি বলছেন আপনি, ক্যাপ্টেন ?”

ক্যাপ্টেন বলিলেন—“হা তলা দিয়ে । আপনি জানেন
বোধ হয়, এই বরফের তলদেশে যেমন সমুদ্র তেমনই আছে,
কেবল উপরটা ঠাণ্ডার দরুণ বুরফ হয়ে গিয়েছে । এও
জানেন বোধ হয় যে, বরফ জলের উপর যতটুকু ভাসে
তলায় তার তিনগুণ ডুবে থাকে ; বরফের একফুট যদি
উপরে ভাসে, তবে তলায় তিনফুট ডুবে আছে বুঝতে হবে ।
বরফের পাহাড়গুলো তিনিশত ফুট উচ্চ, অর্থাৎ তলায়
নয়শত ফুট নৌচু পর্যন্ত বরফ আছে, তার তলায় যেমন
জল তেমনি জল আছে । এখন এই নয়শত ফুট বরফ

ভেদ করা নোটিলসের পক্ষে কি একেবারে অসম্ভব,
প্রফেসার ?”

আমি অনন্দের উত্তেজনায় মাতিয়া উঠিলাম, বলিলাম
—“কিছু নয়, কিছু নয় !”

ক্যাপ্টেন ধীরভাবে কহিলেন—“শুধু একটা বাধা পড়ছে,
কতদিন জলের তলায় থাকতে হবে তার ঠিক নেই, বাতাস
যদি ততদিনে ফুরিয়ে যায়, শুধু এই ভয় হয়।”

আমি জিজ্ঞাসা করিলাম—“আর কি কোন বাধা আছে,
ক্যাপ্টেন ?”

ক্যাপ্টেন বলিলেন—“হাঁ আর একটা বাধা আছে।
যতই দক্ষিণ দিকে যাব ততই ঠাণ্ডা বাড়বে ; জলের তলা
দিয়ে যেতে যেতে যদি এমন হয় যে সেখানকার সমুদ্রের
জল সব বরফ হ'য়ে গেছে, তা হ'লে কিন্তু প্রাণ নিয়ে আর
ফিরতে পারব না।”

ক্যাপ্টেনের কথা শুনিয়া আমি বলিলাম—“নোটিলসের
সঙ্গে যে এক ভৌষণ খড়গ আছে সেটা ভুলে যাচ্ছেন কেন
ক্যাপ্টেন ? স্কোটিয়া জাহাজের অমন দুর্দশা ত নোটিলসই
করেছিল। তেমন বিপদে পড়লে সেই খড়গ দিয়ে বরফ ভেদ
ক'রে কি আমরা উপরে ঠেলে উঠতে পারব না ?”

তারপর যাহা প্রধান কাজ তাহাই করা হইল, অর্থাৎ
জাহাজে প্রচুর পরিমাণে বাতাস লওয়া হইল। বেলা
চারিটার সময় শেষবারের মত বরফের দেশ দেখিয়া লইলাম।

ব্যারেডমিটারে উভাপ তখন জিরো হইতে বাবে ডিগ্রী নৌচোঁ
ঠাণ্ডা বাতাসে গায়ের রক্ত হিম হইয়া আসিতে লাগিল।
তারপর দশজন নাবিক কুড়াল লইয়া বরফের উপর নামিয়া
জাহাজের চারিদিকের বরফ কাটিতে লাগিল; কাজটা খুবই
তাড়াতাড়ি করিতে হইল, কারণ একধার কাটিতে না কাটিতে
আর একধার জমাট হইতে লাগিল। তারপর জাহাজ
ক্রমশঃই চাড় দিয়া বরফ ভাঙ্গিয়া নৌচে নামিতে লাগিল।
নয়শত ফুট এইরূপ বরফ ভাঙ্গিয়া আমরা সমুদ্রজলে আসিয়া
পড়িলাম; কিন্তু জাহাজ আরও নৌচে নামিতে লাগিল—
প্রায় ২,৪০০ ফুট নৌচে নামিয়া চলিতে লাগিল। ব্যারোমি-
টারে পারদ তর্তুর করিয়া উঠিয়া যাইতে লাগিল।

আমরা এখন ৬৭° অক্ষরেখায় রহিয়াছি। ৯০° অক্ষরেখায়
দক্ষিণ মেরু। জাহাজ ঘণ্টায় ছাবিশ মাইল বেগে চলিতে
লাগিল, অর্থাৎ এইরূপ বেগে চলিলে আর চলিশ ঘণ্টার
মধ্যে আমরা দক্ষিণ মেরুতে গিয়া উপস্থিত হইব। ইলেক্ট্ৰুক
আলোয় সমুদ্রজল আলোকিত; স্থালুনে বসিয়া সমুদ্র দেখিতে
লাগিলাম, একটা মাছ বা কোন প্রকার জলজন্তু চোখে
পড়িল না।

পরদিন ১৯শে মার্চ। জাহাজের গতি অনেকটা কমিয়া
আসিয়াছে; বুঝিলাম জাহাজ এখন উপরে উঠিবার চেষ্টা
করিতেছে। হঠাৎ একটা ভীষণ ধাক্কার শব্দ, বরফের সঙ্গে
নোটিলসের ধাক্কা লাগিল। আমার বুক চিপ্পিপ করিতে

লাগিল। নেটিলসের পিঠের উপর তিনহাজার ফুট বরফ ;
 সে বরফ ভেদ করিবার ক্ষমতা নেটিলসের নাই। জাহাজ
 আরও দক্ষিণে চলিতে লাগিল। আবার সেইরূপ ধাক্কা,
 পিঠের উপরের বরফ হই হাজার ফুট উচ্চ। আরও
 খানিকক্ষণ চলিবার পর আবার একটা ধাক্কা, বরফ ঠিক
 দেড়হাজার ফুট উচ্চ। এইরূপ ধাক্কা মারিতে মারিতে
 জাহাজ চলিতে লাগিল। বুবিলাম বরফ ক্রমশঃই পাতলা
 হইয়া আসিতেছে। সমস্তদিন কাটিয়া গেল ; রাত্রে ভাবনায়
 ভাল ঘুম হইল না। পরদিন তোরে ঘুম হইতে উঠিয়াছি,
 ক্যাপ্টেন ঘরের ভিতর প্রবেশ করিলেন, বলিলেন—“সমুদ্রের
 পথ পরিষ্কার।”

চতুর্দিশ পরিচ্ছেদ

দক্ষিণ মেরু

দক্ষিণ মেরু ! ছাদের উপর ছুটিয়া গেলাম । কি সুন্দর !
কি সুন্দর ! বরফের দেশের পরে যে এমন সুন্দর রাজ্য
লোকচক্ষুর অন্তরালে লুকাইয়াছিল, তাহা কে জানিত ?
চতুর্দিশকে নির্মল, স্তুক সমুদ্রজল ; মাঝে মাঝে ছই-একটা
বরফখণ্ড ভাসিতেছে । জলে অসংখ্য মাছ নির্ভয়ে বিচরণ
করিতেছে ; ইহাদের গায়ের রং ঘোর নীল ; আকাশে হাজার
হাজার পাখী উড়িয়া বেড়াইতেছে । এ যেন চির-বসন্তের
রাজ্য । উত্তরদিকে চাহিয়া দেখিলাম, দূরে বহুদূরে অতি
আবৃছা কুয়াশার মত অস্পষ্টভাবে বরফের দেশ দেখা
যাইতেছে ।

দশ মাইল দক্ষিণে একটি নির্জন দ্বীপ দেখিতে পাওয়া
গেল । সেইদিকে জাহাজ চলিতে লাগিল ; এক ঘণ্টার
মধ্যে দ্বীপের নিকট পৌছাইয়া জাহাজ দ্বীপটাকে একবার
প্রদক্ষিণ করিয়া আসিল । ছোট দ্বীপ, ইহার পরিধি মাত্র
পাঁচ মাইল । দ্বীপের পর একটি ছোট্ট খাল ; খালের
ওপারে বিস্তৃত মহাদেশ পড়িয়া রহিয়াছে ।

জাহাজ হইতে নৌকা নামান হইল । তাহাতে

ক্যাপ্টেন, ছইজন নাবিক, কন্সেল ও আমি গিয়া চড়িলাম। নেড়, রাগ করিয়া আসিল না। বেলা তখন দশটা। মিনিট কয়েক পরে নৌকা দ্বীপের কাছে আসিয়া পড়িল। কন্সেল নৌকা হইতে লাফ দিয়া দ্বীপের উপর পড়িতে যাইতেছিল, আমি তাহাকে ধরিয়া ফেলিলাম, বলিলাম —“কন্সেল, থামো, থামো।”

তারপর ক্যাপ্টেনকে সম্মোধন করিয়া আমি বলিলাম —“ক্যাপ্টেন, এই দ্বীপের উপর প্রথম পা দিবার সম্মান আপনারই প্রাপ্য; আপনি আগে নামুন।”

ক্যাপ্টেন বলিলেন—“হঁ প্রফেসার, এই দ্বীপে এ পর্যন্ত কোন মানুষ পদার্পণ করে নি, আমিই প্রথম।” এই বলিয়া তিনি নৌকা হইতে দ্বীপের উপর লাফাইয়া পড়িলেন। আমরা নৌকায় বসিয়া রহিলাম। ক্যাপ্টেন খানিকটা গিয়া একটা ছোট্ট পাহাড়ের উপর উঠিয়া চারিদিক দেখিতে লাগিলেন। তারপর তিনি আমাদের ডাকিলেন; আমি ও কন্সেল দ্বীপের উপর নামিলাম; নাবিক ছইটি নৌকার উপর রহিল। দ্বীপের মাটির রং ঈষৎ লালচে; পাথরে মাটি বলিয়া মনে হইল; একটা ফাটল হইতে গঙ্ককের ধোঁয়া উঠিতেছে। এই সব লক্ষণ দেখিয়া বুঝিলাম এই দ্বীপটি অগ্ন্যুৎপাতের দরুণ জন্মলাভ করিয়াছে। দ্বীপের উপর কয়েক প্রকার শাক ও লতা জন্মাইয়া রহিয়াছে। দেখিলাম, চারিধারে রঙ-বেরঙের প্রজাপতি উড়িয়া

বেড়াইতেছে। জলের ধারে অসংখ্য মাছরাঙা পাখী, জেলিফিস্ ও তারামাছ দেখিতে পাইলাম। আকাশে হাজার হাজার পাখী উড়িয়া বেড়াইতেছে; তাহাদের চীৎকার ধ্বনিতে আমাদের কান ঝালাপালা হইতে লাগিল। পাহাড়ের উপর অসংখ্য পাখী বসিয়া রহিয়াছে, আমাদের দেখিয়া উড়িয়া।



মাছরাঙা পাখী

পলাটিল না। তাহাতেই বুঝিলাম ইহারা মানুষ কথনও দেখে নাই। পাখীদের মধ্যে পেঙ্গুইন পাখীই সর্বাপেক্ষা বেশী। পেঙ্গুইন পাখী দেখিতে খুব বড়, ইহাদের শরীর যথেষ্ট ভারী, ডানাগুলি ছোট ছোট। তাহাদের চোখমুখের ভাব বড়ই গন্তব্যীর; গলার স্বর অতি কর্কশ। আকাশে অনেক য্যাল্ব্যাটরস উড়িতেছে দেখিতে পাইলাম; তাঁধের

মত ইহাদের গায়ের রং; ডানা ছড়াইলে ইহাদের এক
ডানা হইতে আর এক ডানার দৈর্ঘ্য চৌদ্দ ফুট। বৃহদাকার
পেট্রেল ও হাঁসের মত একরকম পাখী দেখিলাম। এই
পেট্রেল পাখীর দেহের মধ্যে তৈলের ভাগ এত অধিক যে



জেলি-ফিস ও তারামাছ

ইহাদের আগুনে ধরিতে না ধরিতেই দাউ দাউ করিয়া
জলিয়া ওঠে। স্লেট রঙের একরকম রাজহাঁস দেখিলাম,
তাহাদের গলার স্বর অবিকল গাধার স্বরের মত।

চারিদিকে কুয়াশা; বেলা ১১টা বাজিয়া গেল তবু
সূর্যের মুখ দেখিতে পাইলাম না। এটাই যে দক্ষিণ

মেঝে ক্যাপ্টেন নিমো তাহা চট্ট করিয়া বিশ্বাস করিতে পারিলেন না। সঙ্গে তিনি যন্ত্রপাতি সবই আনিয়াছেন, কেবল



পেঙ্গুইন পাথী

সূর্যের অভাবে কিছুই নির্ধারণ করিতে পারিলেন না। বেলা ছয়টা বাজিয়া গেল তবু সূর্যদেবের দেখা নাই। “ক্যান

হইবে”—বলিয়া ক্যাপ্টেন আমাদের লইয়া জাহাজে ফিরিলেন। সমস্ত দিন কুয়াশা জোট পাকাইয়া রহিল ও মাঝে মাঝে বরফ পড়িতে লাগিল।

পরদিন সমস্ত দিন ধরিয়া বরফ পড়িতে লাগিল। এত ভীষণ ঠাণ্ডা পড়িল যে জাহাজ হটতে বাহির হওয়া অসম্ভব হইল।

তৎপরদিন বরফ পড়া থামিয়া গেল। ক্যাপ্টেন নিমোকে দেখিতে পাইলাম না। কন্সেল ও আমি নৌকায়



য্যাল্ব্যাট্রস্

চড়িয়া সেই মহাদেশটি দেখিবার জন্য বাহির হইলাম। ডাঙ্গার উপর নামিয়া দেখি এখানেও অসংখ্য পেঙ্গুইনের দল। সিলমাছও অসংখ্য দেখিলাম, কেহ বা ডাঙ্গার উপর শুইয়া রহিয়াছে, আবার কেহ কেহ জলের উপর সাঁতার কাটিতেছে। সিলমাছগুলি এক একটি সংসার লইয়া বেশ নির্ভয়ে মাটির উপর শুইয়া রহিয়াছে। বাচ্চাগুলি আশেপাশে

দৌড়াদৌড়ি করিতেছে, কেহ বা মা'র মাই খাইতেছে,
বাপ গন্তীরভাবে নিজের বাচ্চাগুলি ও স্ত্রীর উপর প্রথর
দৃষ্টি রাখিয়া বসিয়া রহিয়াছে। একরকম জলহস্তী দেখিতে
পাইলাম, তাহারা দৈর্ঘ্যে বত্রিশ ফুট ও প্রশ্নে বিশ ফুট।
ইহারা চট্ট করিয়া কাহারও অনিষ্ট করে না, খুব শান্ত।



সিলমাছ

বলিতে হইবে ; কিন্তু বাচ্চাদের শক্তর হাত হইতে বাঁচাইবার
জন্ম ইহারা ভয়ঙ্কর হইয়া উঠে।

এই সময় ষাঁড়ের ডাকের মত শব্দ কানে আসিল ; একটা
পাহাড়ের আড়ালে ছুট্টা মস' ভীষণ লড়াই বাধাইয়া দিয়াছে।

এই স্থানে অনেক মস' দেখিতে পাইলাম, ইহাদের গলার ডাক ঠিক গুরুর মত ; দৈর্ঘ্য ইহারা তেরো ফুট ; গায়ের রং ঈষৎ হল্দে, শরীরে যথেষ্ট লোম আছে। কিছুক্ষণ পরে আমরা জাহাজের দিকে ফিরিলাম।

ফিরিবার পথে দেখি ক্যাপ্টেন নিমো সেই দ্বীপের উপর নামিয়া যন্ত্রপাতি লইয়া কি সব করিতেছেন। ছপুর বেলা সূর্যের আভা ঈষৎ দেখা গেল, কিন্তু সূর্যদেব দেখা দিলেন না। আজ ২০শে মার্চ ; কাল ২১শে অর্থাৎ equinox ; সূর্যদেব কাল শেষ দেখা দিয়া ছয় মাসের জন্য আর দেখা দিবেন না। এই মেঝেপ্রদেশের গতিই এই। তার পরদিন হইতে ভয়ঙ্কর মেঝ-রাত্রি আরম্ভ হইবে। ক্যাপ্টেন বলিলেন—“আজও সূর্য দেখা দিল না ; কাল দেয় ত ভাল, নচেৎ ছয় মাস আর আমার হিসাব কর্বার সুবিধা হবে না।” সকলে জাহাজে ফিরিয়া আসিলাম।

পরদিন তোরে পাঁচটার সময় ঘুম ভাঙিয়া গেল। বাহিরে আসিয়া দেখি আকাশের অবস্থা ভালই বলিতে হইবে। রাত্রিকালে জাহাজ আরও কয়েক মাইল দক্ষিণ দিকে আসিয়াছে। বেলা নয়টার সময় আমরা সেই মহাদেশের উপর নামিয়া পড়িলাম। ক্যাপ্টেন নিমো যন্ত্রপাতি ঠিক করিয়া সূর্যের জন্য অপেক্ষা করিতে লাগিলেন। বেলা বারোটার সময় আকাশের মাঝখানে একটা লাল ত'টার মত অস্পষ্ট ভাবে সূর্য দেখা দিল। ক্রনোমিটারের কাচ

সূর্যের তলায় ধরিয়া তিনি অনেকক্ষণ ধরিয়া কি দেখিতে
লাগিলেন। তারপর গন্তীরস্বরে ক্যাপ্টেন বলিলেন—
“দক্ষিণ মেরু ! দক্ষিণ মেরু !”

কাচটার উপর চাহিয়া দেখি সূর্যের প্রতিবিম্ব আকাশের
মাঝখানে ঠিক ছইভাগে বিভক্ত হইয়া কাচের উপর পড়িয়াছে।

তারপর আমার কাঁধের উপর হাত রাখিয়া হেলান দিয়া
দাঢ়াইয়া ক্যাপ্টেন বলিলেন—“আজ আমি, ক্যাপ্টেন
নিমো, ১৮৬৮ খণ্টাদের ২১শে মার্চ তারিখে এই দক্ষিণ
মেরুর নববই ডিগ্রি অক্ষরেখার নিকট পৌছাইয়া এই
মহাদেশ,—যাহা পৃথিবীর সমস্ত মহাদেশগুলির ছয়ভাগের
একভাগ—তাহা অধিকার করিলাম।”

আমি জিজ্ঞাসা করিলাম—“কার নামে অধিকার করছেন,
ক্যাপ্টেন ?”

—“আমার নামে !” এই বলিয়া একটি কৃষ্ণবর্ণ পতাকা
খুলিয়া (তাহার মাঝে স্বর্ণক্ষরে একটি ‘N’ লিখিত)
সেই মহাদেশের উপর প্রোত্থিত করিলেন। দেখিতে
দেখিতে সূর্য অদৃশ্য হইয়া গেল। ছয় মাসের জন্য মেরু-
প্রদেশে ভৌষণ অঙ্ককার নামিয়া আসিতে লাগিল।

পঞ্চদশ পরিচেন্দ

ভয়স্কর বিপদ

পরাদন ২২শে মার্চ। সকাল ছ'টার সময় ফিরিবার যোগাড় হইতে লাগিল। ভীষণ ঠাণ্ডা; জলের উপরে আইস-বাগের সংখ্যা ক্রমশঃ বাঢ়িতে লাগিল। আকাশে এক অপূর্ব জ্যোতিশিখা; ইহা দক্ষিণমেরুর সেই বিখ্যাত সপ্তর্ষি বা ‘পোলার্ বিয়ার’। নিম্নে তুষারাচ্ছন্ন ভূমির উপর উহা এক অপূর্ব রামধনুর শোভা উৎপাদন করিতে লাগিল। পাথীর সংখ্যা টের কমিয়া গিয়াছে; সিলমাছ ও মস্তুলি নির্ভয়ে সেই তুষারের উপর শুইয়া রহিয়াছে। তুষারপাতে ও কুয়াশায় চারিদিক ক্রমশঃ অঙ্ককার হইয়া আসিল।

নোটিলস্ জলের তলায় ডুবিতে আরম্ভ করিল। প্রায় একহাজার ফুট নিম্নে নামিয়া জাহাজ ঘণ্টায় পন্থ মাইল ব্রেগে উত্তরাভিমুখে চলিতে লাগিল। উপরে সেই বিশাল বরফের স্তূপ, তাহার তলা দিয়া জাহাজ চলিতে লাগিল। রাত যখন তিনটা, তখন এক ভীষণ ধাক্কায় ও কলঙ্গ আর্তনাদে আমার ঘূম ভাঙিয়া গেল। বিছানার উপর উঠিয়া বসিতে না বসিতে ছিটকাইয়া ঘরের মেঝেয় পড়িয়া গেলাম; চারিদিকের যত জিনিসপত্র ছড়মুড় করিয়া

পড়িতে লাগিল। নোটিলস্ কাহার সঙ্গে ধাক্কা খাইয়া যেন এক অদৃশ্য শক্তিবলে উল্টাইয়া উপর দিকে ছিটকাইয়া গেল। অঙ্ককারে হাতড়াইতে হাতড়াইতে স্থালুনে গিয়া দেখি আলো জ্বলিতেছে; সমস্ত জিনিসপত্র উল্টাইয়া পড়িয়াছে; দেওয়ালের ছবিগুলি সোজাভাবে ঝুলিতেছিল, এখন ট্যারচাভাবে ঝুলিতেছে। নোটিলস্ একেবারে কাঁ হইয়া উল্টাইয়া গিয়াছে।

স্থালুনে ক্যাপ্টেনকে দেখিতে না পাইয়া পাইলটের ঘরে গিয়া ক্যাপ্টেনকে দেখিতে পাইলাম। জিজ্ঞাসা করিলাম—“কি হয়েছে ক্যাপ্টেন ?”

ক্যাপ্টেন বলিলেন—“ভয়ঙ্কর বিপদ হয়েছে।” তাহার মুখ-চোখ ভয়ে পাংশুবর্ণ, গলা শুকাইয়া গিয়াছে। তিনি বলিলেন—“জাহাজ চালাবার দোষে যে এই বিপদ ঘটেছে তা নয়। জাহাজ বরফের তলা দিয়ে ঠিকই যাচ্ছিল, এমন সময় এক বিশাল বরফের স্তুপ,—একটা পর্বত বল্লেও চলে,—‘ধসে’ জলের তলায় ডুবে একেবারে উল্টিয়ে পড়ে। গরম জলের স্পর্শে মাঝে মাঝে এই রুকম বরফের স্তুপ ‘ধসে’ গিয়ে উল্টিয়ে যাওয়ার দরুণ জাহাজকেও সঙ্গে ক’রে উপরে তুলে ধরে। জাহাজ এখন তাই কাঁ হ’য়ে অচল হ’য়ে রয়েছে।”

গরম জলের প্রভাবে সেই বিশাল বরফের স্তুপ ক্রমশঃই কাঁ হইয়া উল্টাইয়া যাইতেছিল, সঙ্গে সঙ্গে নোটিলস্কেও

উপরে তুলিয়া ধরিতেছিল। দেখিতে দেখিতে জাহাজ জলের
উপর ভাসিয়া উঠিল। চাহিয়া দেখি চতুর্দিকে বরফের
পাহাড় দাঢ়াইয়া রহিয়াছে। সে কি ভয়ঙ্কর, কি সুন্দর!
যতদূর চোখ যায় কেবল নগ গুভ ধ্বনিবে বরফের পাহাড়।
মাঝখানে আমরা বুন্দী হইয়া রহিলাম। জাহাজ যেখানে
•দাঢ়াইয়াছিল সেখানে একটুখানি জল, আর চারিদিকেই
বরফের স্তুপ। তখন তোর পাঁচটা। জাহাজ পিছন
ফিরিয়া চলিবার চেষ্টা করিল, কিন্তু খানিকটা গিয়া আর
অগ্রসর হইতে পারিল না। তারপর এক জায়গায় একটুখানি
কাঁক দেখিতে পাইয়া তাহার মধ্যে প্রায় ৯০০ শত ফুট
ডুবিয়া জাহাজ পুনরায় দক্ষিণমুখে চলিতে লাগিল। কিন্তু
আবার এক ভীষণ ধাক্কা! জমাট বরফে পথ একেবারে
বন্ধ!

ঘোড়শ পরিচ্ছেদ

নিশ্চিত মৃত্যুর হাত হইতে অভুতভাবে রক্ষা

সেই বিশাল বরফের দেশের নয়শত ফুট তলায় আমরা
বন্দী হইয়া রহিলাম। চারিদিকেই বরফ; আশেপাশে, তলায়,
উপরে সর্বত্রই বরফ। বুঝিলাম মরণ এইবার নিশ্চিত।
ক্যাপ্টেন আমাদের সকলকে জড় করিয়া ভয়বিহীন
কম্পিতকর্ণে বলিলেন—“এতদিন সমস্ত বিপদ আমি
কাটিয়ে এসেছি, কিন্তু আজ আমাদের মরণ একেবারে
নিশ্চিত। হয় বরফের দল জাহাজকে পিশে ফেলে আমাদের
হত্যা করবে, তা না হয় ত ক্রমশঃ বাতাসের অভাবে শ্বাসরুদ্ধ
হ'য়ে আমাদের মরতে হবে। জাহাজে যা খাবার আছে তা
এখন অনেকদিন চলবে; কিন্তু বাতাস যা আছে তা'তে
ঠিক আর আটচলিশ ঘণ্টা চলবে, তারপর দম বন্ধ হ'য়ে
মরতে হবে। মাথার উপরকার নয়শত ফুট উচ্চ বরফের
স্তুপ ভেদ ক'রে উঠা নোটিলসের পক্ষে একবারে অসম্ভব।”

আমি বলিলাম—“আটচলিশ ঘণ্টা সময় ত আমাদের
হাতে রয়েছে, এর মধ্যে কি আমরা কোন রকম পালাবার
পথ ক'রে নিতে পারব না?”

ক্যাপ্টেন হতাশের হাসি হাসিয়া বলিলেন—“চেষ্টা
করতে কমুর কর্ব না প্রফেসোর, তারপর ভগবানের দয়া।

এখন একটা উপায় আছে, সবাই মিলে যদি বরফের উপর
নেমে কুড়ুল নিয়ে এই বরফ কাটতে থাকি তা হ'লে বাঁচলেও
বাঁচতে পারি।”

আমি বলিলাম—“কিন্তু সেটা কি সন্তুষ্ট হবে ক্যাপ্টেন ?”

ক্যাপ্টেনের কথা শুনিয়া নেড় তখনি এক বিশাল
কুড়ুল হস্তে প্রস্তুত হইয়া আসিল। দেখিতে দেখিতে
জাহাজের কয়েকজন নাবিক কুড়ুল হাতে বরফের উপর
নামিয়া পড়িল। মাথার উপরকার বরফের স্তর কাটা
অসন্তুষ্ট, তাই ক্যাপ্টেনের হৃকূম মত সকলে জাহাজের
চারিপাশের বরফ কাটিতে লাগিল। দেখিতে দেখিতে
জাহাজের চারিপাশে বরফের মধ্যে এক বিশাল গহ্বর কাটা
হইল। এক-একটা বরফের চাঁই কাটা হইতেছে আর
তখনই সেটা উপরে ভাসিয়া উঠিতেছে। দুই ঘণ্টা কাজ
করিবার পর নেড় একান্ত ক্লান্ত হইয়া ফিরিয়া আসিল;
তখন আমি ও কন্সেল কুড়ুল হাতে করিয়া বরফের উপর
নামিয়া পড়িলাম। সে কি ভীষণ ঠাণ্ডা ! কিন্তু কুড়ুল
চালাইতে চালাইতে শরীর গরম হইয়া উঠিল। দুই ঘণ্টা
বরফ কাটিবার পর আমরাও ক্লান্ত হইয়া জাহাজে ফিরিয়া
আসিলাম। জাহাজে যে তখন বিষাক্ত কার্বনিক এ্যাসিড,
গ্যাস জমিয়াছে তাহা বেশ বুঝিলাম।

বারোঁ ঘণ্টা খুঁড়িবার পর ক্যাপ্টেন হিসাব করিয়া
দেখিলেন যে এইরূপে অনবরত পাঁচ রাত্রি চার দিন বরফ

কাটিলে তবে বরফের স্তুর শেষ হইবে। পাঁচ রাত্রি চারি দিন ! একদিকে জাহাজের মধ্যে আর দুই দিনেরও বাতাস নাই। মরণের ছায়া চোখের সামনে ঘনাইয়া আসিল। শেষে কি এই বরফের ভিতর সমাধি লাভ হইবে ।

কিন্তু নাবিকের দল অবিচলিতভাবে বরফ কাটিতে লাগিল। তাহাদের ধৈর্য ও মনের শক্তি দেখিয়া আমি আশ্চর্যাপ্তি হইলাম। সমস্ত রাত বরফ কাটা হইতে লাগিল। পরদিন তোরে উঠিয়া দেখি বিপদ আরও ভয়ঙ্কর। একদিকে বরফ অনেকটা কাটা হইয়াছে, কিন্তু আর একদিকের গহ্যর পুনরায় বরফে ভর্তি হইয়া গিয়াছে। তখন দুইদিকে লোক ভাগ করিয়া হৃতন উত্তমে বরফ কাটা হইতে লাগিল। সমস্ত দিন ধরিয়া আমরা বরফ কাটিতে লাগিলাম। সন্ধ্যার সময় জাহাজে ফিরিয়া আসিয়া দেখি অঞ্জিজেন প্রায় সমস্ত ফুরাইয়া আসিয়াছে, কার্বনিক এ্যাসিড গ্যাসে জাহাজ পরিপূর্ণ। দম লইতে বড়ই কষ্ট হইতে লাগিল; বুকের উপর দুই হাত চাপিয়া ধরিয়া দম' লইতে লাগিলাম। সে যে কি ভয়ঙ্কর রাত্রি তা আমি বর্ণনা করিতে পারিব না।

পরদিন তোরে কুড়ুল লইয়া আবার বরফ কাটিতে গেলাম। মাঝে মাঝে হাত হইতে কুড়ুল পড়িয়া যাইতে লাগিল; আবার কুড়ুল লইয়া মরিয়া হইয়া, প্রাণের আশা ত্যাগ করিয়া বরফ কাটিতে লাগিলাম। হাতের ছাল ছিঁড়িয়া যাইল, সেদিকে ভ্রক্ষেপ করিলাম না। নাবিকদ্বয়ের

এত পরিশ্রম সমস্তই বিফল হইল ; আসল কাজ কিছুই হইল না । .

তখন ক্যাপ্টেনের মাথায় এক নৃতন বুদ্ধি আসিল । তিনি বলিলেন—“এই রকম বরফ কেটে পথ খোলাসা করা নেহাঁ অসম্ভব ; উপরন্তু এতে একটা ভয়ঙ্কর বিপদ হ'তে পারে । এই রকম বরফ কাট্টে কাট্টে যদি একটা উপরের স্তর নেমে আসে তা হ'লে নোটিলস্ পিষে একেবারে চেপ্টা হ'য়ে যাবে । আর একটা নৃতন উপায় আমার মাথায় এসেছে, তা'তে বোধ হয় কৃতকার্য হতে পারব ।”

আমি আগ্রহভরে জিজ্ঞাসা করিলাম—“সে কি, ক্যাপ্টেন ?”

ক্যাপ্টেন বলিলেন—“গরম জলের ঝর্ণাধারা এই বরফের উপর অনবরত ফেললে পরে হয়ত বরফের সূপ ক্রমশঃ আমাদের পথ ছেড়ে দিতে পারে ।”

আমি বলিলাম—“সেই ঠিক ।”

তখনি সমুদ্রের শীতল জল পাস্পে করিয়া তুলিয়া জাহাজের ইলেক্ট্রিক চুল্লিতে গরম করা হইতে লাগিল ! জল অত্যন্ত উত্তপ্ত হইলে পর পাস্পে করিয়া বরফের উপর সজোরে নিক্ষিপ্ত হইতে লাগিল । এই রকম সমস্ত দিন সমস্ত ব্যাক্ত করা হইল ।

পরদিন ২৭শে মার্চ । ঘুম হইতে উঠিয়া দেখি চারি-দিকের পথ অনেকদূর পর্যন্ত পরিষ্কার হইয়াছে, কিন্তু বরফের

পরিমাণ এখনও যথেষ্ট। জাহাজের ভিতরকার বাতাসের অবস্থা পূর্ব দিন অপেক্ষা আজ আরও ভয়ঙ্কর। বুকের উপর ঘেন হাজার মণ পাথর কে চাপিয়া ধরিয়াছে। নিশ্বাস লইতে ভয়ঙ্কর কষ্ট হইতে লাগিল। শ্বাস বন্ধ হইয়া আসিবার উপক্রম হইল। হাই তুলিয়া হাই তুলিয়া চোয়াল ব্যথা হইয়া গেল। তবু কুড়ুল লইয়া শেষ বারের মত চেষ্টা করিতে লাগিলাম। হাত কন্কন্ করিতে লাগিল, মাথা বিম্বিম্ব করিয়া উঠিল। জাহাজে যখন ফিরিয়া আসিলাম তখন মাতালের মত টলিতে লাগিলাম। গলার ভিতর কিসের ঘরৰ ঘরৰ শব্দ হইতে লাগিল।

ক্যাপ্টেন নিম্নো যখন দেখিলেন কুড়ুলে আৱ গৱম জলে কিছুই ফললাভ হইতেছে না, তখন আৱ এক ভয়ঙ্কর মতলব তাহার মাথায় আসিল। মৃত্যুকে সামনে নিশ্চিত দেখিলে লোকে যেৱে মৰিয়া হইয়া অসন্তুষ্ট কাণ্ড করিয়া বসে, এও সেইন্দ্ৰিয়। ক্যাপ্টেন হিসাব কৰিয়া দেখিলেন উপরের বৱফের স্তুপ আৱ বেশী মোটা নাই, খুবই পাতলা হইয়া আসিয়াছে। তখন নোটিলসকে তুলিয়া বৱফের তলায় উপরদিকে ঠেলিয়া চাপ মারিতে লাগিলেন। জাহাজের ইঞ্জিন প্ৰেৰণাগে চলিতে লাগিল, কিন্তু বৱফের স্তুপ একটুও নড়িল না। জাহাজের গতি আৱ বাঢ়ান হইল; নোটিলস প্ৰচণ্ড বিক্ৰিমে বৱফের তলায় চাপ মারিতে লাগিল; কিন্তু কিছুই হইল না। তখন ক্যাপ্টেন স্বয়ং কল চালাইতে

লাগিলেন ; বরফের উপর যে চাপ দেওয়া হইতে লাগিল, সেই শক্তির ওজন ১৮০০ টন বা ৪৮৬০ মণ। সে প্রচণ্ড শক্তি বরফের স্তর সহিতে পারিল না। একটা ভয়ঙ্কর শব্দ করিয়া ছেঁড়া কাগজের মত বরফ দুইভাগ হইয়া গেল। উপরে উঠিতেই নির্মল বাতাসের গুণে আমাদের যেন নবজীবন লাভ হইল।

নোটিলস্ তখন অসন্তুষ্ট গতিভাবে উত্তর অভিমুখে ছুটিতে লাগিল। ঘণ্টায় প্রায় চল্লিশ মাইল বেগে জাহাজ চলিতে লাগিল। সামনে যে সব বরফের স্তর পড়িতে লাগিল তাহা ছিন্নভিন্ন করিয়া নোটিলস্ লড়াইএর খ্যাপা হাতৌর মত প্রচণ্ডবেগে সামনে ছুটিয়া চলিল।

সপ্তদশ পরিচেদ

আমাজন নদী—ভগবামের আশ্রম্য স্থষ্টি

উপরে উঠিয়া আমরা সকলে আশ মিটাইয়া বাতাস খাইতে লাগিলাম। সে যে কত মিষ্টি, কত মধুর, তাহা বলিতে পারি না। বাতাস যে মানবজীবনে কত প্রয়োজনীয় বস্তু তাহা সেইদিন মনে মনে অনুভব করিলাম।

জাহাজ সোজা উত্তর দিকে চলিতেছে। কিন্তু ক্যাপ্টেন এখন আমাদের কোন্ দিকে লইয়া যাইবেন? প্রশান্ত মহাসাগরে না আটল্যাটিক মহাসাগরে? খুব সন্তু তিনি এখন প্রশান্ত মহাসাগরে পাড়ি দিবেন, কারণ তাহা হইলে পৃথিবীর চারিদিকে তাহার ঘোরা হইল। কিন্তু এই খামখেয়ালী লোকটির সম্মতে কোন কথা কিছুই নিশ্চিত করিয়া বলা যায় না।

৩১শে মার্চ তারিখে আমরা মেরু-রেখা (Polar circle) পার হইলাম; তারপর জাহাজ পুনরায় আমেরিকার কেপ হর্ণের দিকে চলিল। আবুর মানবজগতে ফিরিয়া আসিতেছি ভাবিয়া মন আনন্দে ভরিয়া উঠিল। ভবিষ্যতের উজ্জ্বল আশাৰ আলোকে নেডেৱ চোখমুখ পুনরায় আলোকিত হইয়া উঠিল। সমস্ত দিন ক্যাপ্টেনকে একবারও দেখিতে পাইয়া না।

পরদিন ১লা এপ্রিল। ছপুরবেলা পশ্চিম দিকে চাঙ্গা দেখিতে পাইলাম! এটা ‘টিয়েরা ডেল ফুয়েগো’; এই

দ্বীপটি স্পানিশ গণ যখন প্রথম আবিষ্কার করে, তখন এই দ্বীপবাসী অসভ্য লোকদের কুটীর হইতে প্রচুর পরিমাণে ধোঁয়া উঠিতে দেখিয়া ইহার নাম রাখে ‘ধোঁয়ার দেশ’; এই দ্বীপটি বড় বড় পাহাড় ও ঘন জঙ্গলে পরিপূর্ণ। এইখানে নোটিলস জলের তলায় ডুবিয়া চলিল; জলের ভিতর সুদীর্ঘ জলীয় ঘাস দেখিতে পাইলাম, এক-একটি ঘাস দৈর্ঘ্যে নয়শত ফুট! এই ঘৃসগুলি এত ঘোটা ও শক্ত যে বড় বড় নৌকা অনায়াসে বাঁধিয়া রাখা যায়। এই ঘাসের জঙ্গলের মধ্যে অসংখ্য কাঁকড়া, মোচাচিংড়ি, মোলক্ষ বাসা করিয়া আছে; সিল ও অটার নির্ভয়ে এই ঘাসের মধ্যে চলিয়া বেড়াইতেছে।

ফক্ল্যান্ড দ্বীপের নিকট জাহাজ একবার হাওয়া লইবার জন্য ভাসিয়া উঠিল; তারপর পুনরায় ডুবিয়া আমেরিকার উপকূল চাপিয়া চলিতে লাগিল। তুরা এপ্রিল প্যাটাগোনিয়া পিছনে ফেলিয়া রাইও-ডে-প্লাতার সুপ্রশস্ত মোহনার নিকট জাহাজ পৌঁছিল। ৪ঠা এপ্রিল উরুগুয়ের পঞ্চান্ন মাইল দূরে থাকিয়া জাহাজ চলিতে লাগিল। সেইদিন হিসাব করিয়া দেখিলাম আমরা নোটিলসে সর্বশুল্ক ১৬,০০০ হাজার মাইল চলিয়াছি। বেলা ১১টার সময় ‘কেপ খ্রীও’ পার হইয়া জাহাজ অসম্ভব দ্রুতগতিতে উত্তর দিকে চলিতে লাগিল। নেড সঙ্গে করিয়াছিল, ব্রেজিলের উপকূলে জাহাজ পৌঁছিলে জাহাজ হইতে পালাইবে; কিন্তু ব্রেজিলের নিকট জাহাজ এত জোরে চলিতে লাগিল যে আমাদের গা মাথা ঘুরিতে লাগিল;

এমন কি ছ'একটা উজ্জীয়মান হংসজাতীয় পাথী মাথা ঘুরিয়া জাহাজের উপর পড়িল। কয়েকদিন ধাবৎ জাহাজের এই দ্রুতগতি সমানভাবে রাখিয়া ১ই এপ্রিল তারিখে আমেরিকার সর্বাপেক্ষা পশ্চিমদিগবর্ত্তী উপকূলে অর্থাৎ ‘কেপ্স্যাঁ রকের’ নিকট জাহাজ পৌঁছিল। এইখানে জাহাজ পুনরায় ডুবিয়া চলিল।

ছইদিন পরে অর্থাৎ ১১ই এপ্রিল তারিখে নোটিলস পুনরায় ভাসিয়া উঠিল। সাম্নেই আমাজন নদীর বহুদূর-ব্যাপী সুবিস্তৃত মোহন। এত বড় নদীর মুখ পৃথিবীর আর কোন নদীর নাই। এই আমাজন নদী পৃথিবীর সমস্ত নদী অপেক্ষা বৃহৎ ও দীর্ঘ; ইহার দৈর্ঘ্য চারি হাজার মাইলেরও অধিক। কত দুর্গম ঘোর জঙ্গলের মধ্য দিয়া এই নদী বহিয়া আসিয়াছে। এমন সুপ্রশস্ত নদী আর কোথাও নাই; সমুদ্র হইতে বহুদূর পর্যন্ত ইহার এক এক জায়গা এত চওড়া যে নদীকে সমুদ্র বলিয়া মনে হয়। এই নদী প্রতিদিন সমুদ্রের উপর যে কত লক্ষ লক্ষ মণ জল ঢালে তাহার ঠিকানা নাই। ইহার মোহনার নিকট হইতে সমুদ্রের বহু মাইল পর্যন্ত জল অতি সুস্বাদু। নদীর দুইধারের জমি অত্যন্ত উর্বর। সহস্র সহস্র মাইল বিস্তৃত জমির উপর ঘোর অরণ্য। এই সব জঙ্গলে এক বড় বড় গাছ এমন ঘনভাবে জমিয়াছে যে মাটিতে শূর্ঘ্যের আলো পড়িতে পারে না; সেই জমা জঙ্গলের মধ্যে দিনের বেলাও ঘোর অঙ্ককার, আর মাটি বৎসরের সব

সময়েই ভিজা সেঁতসেঁতে। নদীকূলের এই সব জঙ্গলে এত দীর্ঘ ও এত ঝোপাল গাছ আছে যে দেখিলে আশ্চর্য হইতে হয়; আমাদের দেশের বট বা অশ্বথ গাছও অত ঝোপাল আর বড় নহে। এইখানে এমন গাছও দেখিতে পাওয়া যায়, যাহাদের বয়স হাজার হাজার বৎসরেরও বেশী। উহাদের তলায় কত রকমের বন্য লতানো গাছ ও আগাছা জন্মিয়াছে! লতাগুলি এমন ঘনবন্ধভাবে গাছগুলিতে জড়াইয়া উঠিয়াছে ও এক গাছ হইতে আর এক গাছে লতাইয়া গিয়াছে যে, মানুষ ত দূরের কথা, বনের পশ্চপক্ষীও ইহার মধ্যে পথ করিয়া ঢুকিতে পারে না। এখানে হাজার হাজার মাইলের মধ্যেও একটি জনপ্রাণী দেখিতে পাওয়া যায় না। জমি এত অস্ত্রব উর্বরা, এত পলিমাটিতে পূর্ণ, তবু কেহই এখানে চাষবাস করে না। কারণ এমন শক্তি ও সাহস কাহারও নাই যে, এই জঙ্গলের মধ্যে প্রবেশ করে। আফ্রিকার জঙ্গলও এত ভয়ঙ্কর নয়। এই সকল জঙ্গলে বিষাক্ত সর্পের পরিমাণ দেখিলে ভয়ে সর্ব শরীরে কাঁটা দিয়ে উঠে। গাছের তলায় তলায়, ঝোপের ফাঁকে ফাঁকে, লতাপাতার অন্তরালে, আশে পাশে চতুর্দিকে লক্ষ লক্ষ বিষাক্ত সর্প কুণ্ডলী পাকাইয়া, পরস্পর পরস্পরকে জড়াইয়া গুইয়া আছে। সাপের এমন জোট আর কোথাও দেখিতে পাওয়া যাবে—না—তারপর কুমীর, গিরগিটি, মাকড়সা, রাঙ্কুসে গেছে কাঁকড়া ! এই সব মাকড়সা ও গেছে কাঁকড়াদের

যে কি'ভয়ঙ্কর আকার তা তোমরা কিছুতেই ভাবিয়া উঠিতে
পারিবে না। বনের মধ্যে চারিদিকেই নদী, নালা, খাড়ি,




গেছো কাকড়া

জল।—সমস্তই মাছে পরিপূর্ণ, কিন্তু খাইবার. কেহই নাহি।
আমাজন নদী পৃথিবীর মধ্যে ভগবানের এক অশ্চর্য সৃষ্টি!

বিশ্ববরেখ পার হইলাম। কুড়ি মাইল পশ্চিমে
ফরাসীদের গিয়ান। রাজ্য। এইস্থানে পালানো খুবই সম্ভব
ছিল, কিন্তু এখানকার সমুদ্রে এত ভীষণ টেউ যে, মাছুর
নৌকা চালাইতেও সাহস করে না। নেড় ক্রমাগত বিফল-
মনোরথ হইয়া ক্রমশঃঃই দমিয়া যাইতে লাগিল।

১২ই এপ্রিল তারিখে জাল ফেলিয়া সমুদ্রে নানা জাতীয়
মাছ ও সাপু ধরা হইল; লোহিতবর্ণ মোলঙ্ক, আর্গোনাট,



মোলঙ্ক

কাটল মাছ, উড়ুকু মাছ, ইল মাছ—এক একটি পনের
ইঞ্চি দীর্ঘ, খুব বাঢ়া হাঙুর ছানা—দৈর্ঘ্যে তিন ফুট মাত্র;
কঙ্কাল মাছ, ম্যাকারেল, সালমন্ প্রভৃতি অনেক মাছ
আমাদের জালে পড়িল।

এইখানে একটি হাস্তকর ঘটনার কথা উল্লেখ করিতেছি।
জানের মধ্যে একটা চেপ্টা (লেজ নাই) আলোক মাছ
পড়িয়াছিল। মাছটা লাফাইতে লাফাইতে জাহাজের

কিনা'রায় গিয়া পেঁচাইল ; আর এক লাফ মারিলেই জলে
গিয়া পড়িবে । কন্সেল তাড়াতাড়ি মাছটাকে ধরিতে গেল ;
মাছটাকে ঘেমন ছুইয়াছে অমনি শুষ্ঠে পাহুটি তুলিয়া কন্সেল
তিন হাত তফাতে ছিটকাইয়া পড়িল ! তাহার সে কি করণ
চীৎকার—“প্রভু বাঁচান, গেলুম, গেলুম !” তাহার সর্বাঙ্গ



কাটল মাছ

অসার হইয়া গিয়াছে ; নেড় ও আমি ছুটিয়া গিয়া তাহাকে
তুলিলাম ; হাত দিয়া ঘসিতে ঘসিতে তবে তাহার জ্ঞান ফিরিয়া
সিল । বলা বাহুল্য এই আলোকমাছগুলি তড়িতে পরিপূর্ণ

ডঁ. গিয়ানার নারোনি নদীর মুখের কাছে জলসিয়
পড়িলাম । এইখানে একপ্রকার জলজ্ঞ গুরুর মত সমুদ্রের

জলীয় ঘাস খাইয়া নির্ভয়ে বিচরণ করিতেছিল ; ইহাদের নাম ম্যানাটি ; ইহারা দৈর্ঘ্যে সচরাচর একুশ ফুট হইয়া থাকে । ইহারা অত্যন্ত ধীর প্রকৃতি ; সমুদ্রের যত আগাছা খাইয়া ইহারা মানবজগতের যে কত উপকার করে তাহার



ম্যানাটি

সৌম্য নাই । কিন্তু মারিয়া মারিয়া শিকারীর দল ইহাদের লুপ্ত করিয়া দিতেছে ; সেইজন্ত চারিদিকে হলুদজ্বর, ম্যালেরিয়া এত বেশী দেখা দিতেছে ।

এইখানে অনেকগুলি অতিকায় কচ্ছপ জলের উপর ভাসিতেছিল ; এক একটা ওজনে প্রায় বিশ ত্রিশ মণ ; ইহাদের পিঠের খোলা এত শক্ত যে হারপুন মারিলেও কিছু হয় না । নেড় অতি কৌশলে ইহাদের পেছনের পায়ে দড়ির ফাঁসু লাগাইয়া ঢাইটা ধরিয়া জাহাজে তুলিল ।

অষ্টাদশ পরিচেদ

অক্টোপাস বা সামুজিক রাজস

এইবার জাহাজ আমেরিকার উপকূল ত্যাগ করিয়া
ক্যারিবিয়ান্ সাগর পার হইয়া আটল্যান্টিকু মহাসাগরে
গিয়া পড়িল। ১৬ই এপ্রিল তারিখে আমরা মার্তিনিক
ও গুয়াদালুপ দ্বীপপুঞ্জ দেখিতে পাইলাম। এই দ্বীপগুলি
ফরাসীরাজ্যের অধীনে। দূর হইতে পর্বতচূড়াগুলি ভারী
সুন্দর দেখাইতেছিল।

ছয়মাস হইল জাহাজে বন্দীভাবে রহিয়াছি, তবু
পালাইবার কোন উপায় দেখিতে পাইলাম না। ক্যাপ্টেনের
কাছে আশা করা দুরাশা মাত্র। অধিকন্ত আজ একমাস
যাবৎ ক্যাপ্টেনের মধ্যে অনেক পরিবর্তন দেখিতে
পাইতেছিলাম। ঠাহাকে ত অন্ধের দেখিতেই পাওয়া যায়
না; পরন্ত আমাদের সঙ্গে ঠাহার সেই আগেকার সরল
সুমধুর ব্যবহার দেখিতে পাইতাম না। এখন তিনি বড়
বেশী গন্তীর ও ঘরকুণ্ডে হইয়া পড়িয়াছেন। কোন কথা
চিন্তাসা করিলে ভালভাবে উত্তরও পাওয়া যাইত না।

জাহাজ এখন ডুবিয়া চলিয়াছে। এইস্থান—জীবঙ্গপ্রতের
অনেক নৃতন খবর সংগ্রহ করিলাম। নানা প্রকার অন্তুতাবৃত্তি
মাছ ও জলজন্তু দেখিয়া আমার অদ্যম জ্ঞানপিপাস।

মিটাইতে লাগিলাম। এইখানে একটি নৃতন জলজন্তু চোখে
পড়িল, তাহা দেখিতে অতি বিকট। ২০শে এপ্রিল তারিখে
আমরা বাহামা দ্বীপপুঞ্জের নিকট পৌছাইলাম। এইখানে
জলের তলায় বড় বড় পাহাড়ের মধ্যে অসংখ্য গহৰ। এই
সব গহৰে পুঁজি বা অক্ষোপাসের বাস।

সমুদ্রের এই জায়গাটা পুঁজির আড়া বলিলেও
চলে। ইহারা অতি ভয়ঙ্কর জলজন্তু। দৈত্যের মত ইহাদের
আকৃতি, আর দেহে শক্তি ও অস্তুব। পুরাকাল হইতে
এই পুঁজির সমষ্টি কত আজব কাহিনী লোকের মুখে
মুখে চলিয়া আসিতেছে। এই পুঁজি না কি বড় বড়
জাহাজ নিজের আট পা দিয়া জড়াইয়া জলের ভিতর
টানিয়া লয়; এই পুঁজিকে দ্বীপ মনে করিয়া কে একজন
পাদ্রী ইহার পিঠের উপর গিঞ্জা তৈরী করিয়াছিল, গিঞ্জা
যেমন শেষ হইল, অমনি সঙ্গে সঙ্গে গিঞ্জা জলের উপর
চলিতে লাগিল ও দেখিতে দেখিতে ডুবিয়া গেল। এইগুলি
আজগুবি গল্ল; কিন্তু আজগুবি গল্ল একটা সম্পূর্ণ মিথ্যা
কথা লইয়া তৈরী হয় না,—ইহার মধ্যে কিছু না কিছু
সত্য আছে। মাকড়সার গড়ন যেইরূপ ইহাদের আকৃতি
অনেকটা সেইরূপ দেখিতে। ইহাদের গোল পুঁটলী
দেহটি কুড়ি ফুট দীর্ঘ; দেহকাণ হইতে আটটি পা বাহির
হইয়াছে, এক একটি পা পঁয়তালিশ ফুট দীর্ঘ। বুঝিয়া
দেখে কুড়ি ফুট দীর্ঘ একটি দেহ হইতে আট দিকে

আটটি পা বাহির হইয়াছে ! প্রত্যেক পায়ের সামনে
ভকের মত একটা ভয়ঙ্কর নখ—কি ভয়ঙ্কর সেই জন্ত ! নাবিক-
গণ প্রায়ই সমুদ্রদেশে এই পুঁজি দেখিতে পায়। এ পর্যন্ত কেহ
একটা পুঁজি ধরিয়াছে বা মারিয়াছে বলিয়া শোনা যায় নাই ;
কারণ ইহাদের শরীরের মাংস এত নরম, এত থলথলে, এত
হরহরে যে, গুলি বা হারপুন ইহাদের দেহে বিঁধে না।
ইহাদের এক-একটি পা যেন এক-একটি অজগর সীপ ; দেহের
উপর ছুটা ছোটা ড্যাবড্যাবে চোখ আছে, মুখের গড়ন
টিয়াপাথীর ঠোঁটের মত।

কাঁচের জানালার নিকট বসিয়া নেড়, কন্সেল ও
আমি এই পুঁজি দের সম্বন্ধে গল্প করিতেছি, এমন সময়ে
নেড় চৌকার করিয়া উঠিল—“কি ভয়ঙ্কর একটা জন্ত
দেখুন।” দেখিয়া আমার গা কাটা দিয়া উঠিল। সামনেই
একটা ভয়ঙ্কর পুঁজি, ইহার দেহ চলিশ ফুট দীর্ঘ, প্রত্যেক
পা পঞ্চাশ ফুট দীর্ঘ ! জাহাজের দিকে ঘোলাটে চক্ষু
মেলিয়া অতি ভীষণবেগে পুঁজি আমাদের পানে ছুটিয়া
আসিতেছিল। তাহার আট পায়ের কিলবিলুনি দেখিয়া
আমরা ভয়ে কাঁপিতে লাগিলাম ; এই আট পা দিয়া
জাম্বকে জড়াইয়া ধরিলে নোটিলসের এমন শক্তি নাই
যে, সে নিজেকে মুক্ত করে। পায়ের তলদেশে ২৫০ গুর্ত ;
মুখের হাঁটিয়াপাথীর ঠোঁটের মতন, সেটা কেবল খুলিত্তেছে
ও বন্ধ করিতেছে। মুখের ভিতর কয়েক সারি দাত, জিবুটা

সাপের জিবের মত দুইখণ্ডে বিভক্ত। আরও আশ্চর্যজনক ইহার গায়ের রং! ভয় ও হিংসা অনুযায়ী কখনও লাল, কখনও কালো, আবার কখনও বা ধূসর বর্ণ হইতেছিল। তগবানের কি অপরূপ সৃষ্টি এই পুঁজি!

জাহাজের আলো দেখিয়া দেখিতে দেখিতে আরও কতকগুলি পুঁজি আসিয়া হাজির হইল; গণিয়া দেখিলাম সাতটা। নোটিলস্ দ্রুতবেগে চলিতেছে, পুঁজি গুলি ও জাহাজের পাশে ও পিছনে সারি দিয়া চলিল; কখনও কখনও ঠোঁট দিয়া কাঁচের উপর ঘৰণ করিতে লাগিল। হঠাৎ জাহাজ থামিয়া গেল, জাহাজের সর্বাঙ্গ থৰ থৰ করিয়া কাপিয়া উঠিল।

ক্যাপ্টেন নিম্নে একজন কর্মচারীকে সঙ্গে লইয়া ঘরের ভিতরে প্রবেশ করিলেন; আমাদের প্রতি না তাকাইয়া সোজা জানালার নিকট গিয়া পুঁজি গুলি নিরীক্ষণ করিতে লাগিলেন; পরে কর্মচারীকে কি বলিতে সে বাহিরে গিয়া জানালার তত্ত্ব বন্ধ করিয়া দিল। সঙ্গে সঙ্গে জাহাজও জলের উপর ভাসিয়া উঠিল।

ক্যাপ্টেনের নিকট অগ্রসর হইয়া আমি বলিলাম—“কি ভয়ানক জন্ম! এত পুঁজি একেবারে কোথা থেকে এলো?”

ক্যাপ্টেন বলিলেন—“হঁ, এখন আমাদের ওদের সঙ্গে লুক্ষ্যতে হবে। জাহাজের ব্রেডের সঙ্গে পুঁজের একটা পা

জড়িয়ে গেছে ; সেইজন্তু জাহাজ চলতে পারছে না । এদের
সঙ্গে লড়াই করা মানে মরণের সঙ্গে 'যুদ্ধ' করা ; ওদের
গায়ে না বসে গুলি, না বসে হারপুন ! কুড়ুল হাতে ক'রে
লড়তে হবে । ”

নেড় জিজ্ঞাসা করিল—“আমরা কি আপনার সঙ্গে এই
যুদ্ধে ঘোগ দিতে পারি না ?”

ক্যাপ্টেন বলিলেন—“তোমরা ইচ্ছা করলেই আমাদের
সঙ্গে ঘেতে পার । ”

ক্যাপ্টেনের সঙ্গে আমরা তিনজন জাহাজের ছাদের
উপর গিয়া উপস্থিত হইলাম । কন্সেল ও আমার হাতে
একটা করিয়া কুড়ুল, নেডের হাতে ভয়ঙ্কর এক হারপুন ।
জাহাজের উপর প্রায় দশ-বারো জন নাবিক কুড়ুল হাতে
যুদ্ধের জন্তু প্রস্তুত হইয়াছিল । একজন নাবিক প্যানেলের
ক্রু খুলিয়া দিল ; নেড় আলগা হইতেই একটা ভীষণ পা
শূন্তে কয়েকবার ছুলিয়া জলের ভিতর ডুবিয়া গেল । সঙ্গে
সঙ্গে ছাদের উপর প্রায় এক কুড়ি পা আসিয়া উপস্থিত
হইল । ক্যাপ্টেন নিম্নো কুড়ুলের এক প্রচণ্ড আঘাতে
একটা পা হৃষ্টখণ্ড করিয়া দিলেন ; সঙ্গে সঙ্গে হৃষ্টটা পা শূন্তে
উমিয়া খানিকক্ষণ লিক্লিক্ করিয়া ক্যাপ্টেনের সম্মুখে
ধৈ নাবিকটি দাঢ়াইয়াছিল তাহাকে জড়াইয়া ধরিয়া পুনরায়
শূন্তের উপর তুলিয়া ধরিল । ক্যাপ্টেন নিম্নো চৌঁকার
করিয়া সামনে ছুটিয়া যাইলেন । আমরা ও ছুটিয়া গেলাম ।

সে কি মর্মান্তিক করুণ দৃশ্য ! হতভাগা নাবিক পুন্নের কবলে শূন্যে ছলিতে লাগিল ও মৃত্যু যন্ত্রণায় ছট্টফট্ট করিতে লাগিল। শূন্যে ছলিতে ছলিতে সে ফরাসী ভাষায় চীৎকার করিয়া উঠিল—“বাঁচাও ! বাঁচাও !” আমি চমকাইয়া উঠিলাম। জাহাজে তাহা হইলে আমাদের দেশেরই একজন লোক ছিল ; এতদিন শিখানো বিজাতীয় ভাষায় কুখ্য কহিয়া আসিয়া আজ মৃত্যুমুখে পড়িয়া সে আপন মাতৃভাষায় চীৎকায় করিয়া উঠিল !

“বাঁচাও ! বাঁচাও !” সে কি করুণ অসহায় চীৎকারধনি ! এখনও তাহার চীৎকার আমার কানে বাজিতেছে ! সেই রাক্ষসতুল্য জলজন্মের হাত হইতে কে তাহাকে বাঁচাইবে ? মরণ তাহার স্বনিশ্চিত। তবু ক্যাপ্টেন নিমো কুড়ুল হাতে ছুটিয়া যাইয়া পুন্নের একটা পা দ্বিখণ্ড করিলেন। জাহাজের উপর তখন অনেকগুলি পা আসিয়া পড়িয়াছে। জাহাজের যত নাবিক ও কর্মচারী ছুটাছুটি করিয়া যে যত পারিল পা কাটিতে লাগিল। নেড়, কন্সেল ও আমি সেই সকল বীভৎস মাংসপিণ্ডের উপর ঘ্যাচাঘ্যাচ কুড়ুল বসাইতে লাগিলাম। এক উৎকর্ট বিজাতীয় বন্দুর গঙ্কে চারিদিক আমোদিত হইয়া উঠিল। তখনও হতভাগ্য নাবিকটি পুন্নের পায়ে ঝুলিয়া পালকের মত শূন্যে ছলিতেছিল। ক্যাপ্টেন যেই সেটা কাটিতে যাইবেন অমনি পুন্ন নিজের দেহ হইতে আলকাতরার মত একপ্রকার

কালো' দুর্গন্ধময় জল প্রচুর পরিমাণে বাহির করিয়া সকলকে
অঙ্ক করিয়া দিল। আলকাতরার মেঘ কাটিয়া যাইলে দেখিলাম
পুঁজ্বিটি জলের তলায় অদৃশ্য হইয়াছে; হতভাগ্য লোকটিও
সঙ্গে সঙ্গে জলের তলায় গিয়াছে। দশ-বারোটা পুঁজ্বি
তখনও আমাদের সঙ্গে যুক্তিতেছিল। নেড়েল্যাণ্ড ক্ষিপ্তের মত
তাহাদের কাটিতেছিল; এমন সময় নেডের অলক্ষ্যে একটা
পা পিছন হইতে নেড়েকে জড়াইয়া ধরিতে গেল। নেড়—
গেল, গেল! এমন সময় ক্যাপ্টেন ভরিতপদে ছুটিয়া গিয়া
সেই পা'টা দুইখণ্ড করিয়া ফেলিলেন।

পনের মিনিট যুদ্ধের পর পুঁজের দল ক্ষত-বিক্ষত হইয়া
পালাইয়া গেল। রক্ত ও কালিতে আমরা ভূতের মত
দাঢ়াইয়া রহিলাম। ক্যাপ্টেন নিমো সমুদ্রের পানে
স্থিরদৃষ্টি মেলিয়া অপলকনেত্রে দাঢ়াইয়া রহিলেন; তাঁহার
এক সঙ্গীকে সমুদ্রে আজ টানিয়া লইল! দেখিতে দেখিতে
ক্যাপ্টেনের চক্ষু হইতে বড় বড় জলের ফোটা গড়াইয়া
পড়িতে লাগিল।

উনবিংশ পরিচ্ছন্দ

সাইক্লোন

২০শে এপ্রিলের সেই শোচনীয় ঘটনা আমরা কেহই ভুলিতে পাইলাম না। ক্যাপ্টেন অনেকক্ষণ সমুদ্রের দিকে চাহিয়া কাদিতে লাগিলেন; তারপর নিজের ঘরে ফিরিয়া গেলেন। কয়েক দিন পর্যন্ত আর তাহাকে দেখিতে পাইলাম না। তাহার অসহ মনোবেদনা ও ছংখের ছোয়াচ্যেন জাহাজের গায়েও লাগিল। কয়েকদিন ধরিয়া নোটিলস্ সমুদ্রের অনন্ত অসীম বুকের উপর দিয়া উদ্দেশ্য-হীন লক্ষ্যহীন খামখেয়ালির মত চলিতে লাগিল। সমুদ্রের যে স্থানে হতভাগ্য নাবিকটি পুঁজের কবলে প্রাণত্যাগ করিয়াছিল, জাহাজ কেবল ঘুরিয়া ঘুরিয়া সেই স্থানে আসিতে লাগিল। দশদিন ঠিক এমনিভাবে কাটিল।

তারপর ১লা মে জাহাজ পুনরায় উত্তর দিকে চলিতে লাগিল; বাহামা দ্বীপপুঞ্জ অতিক্রম করিয়া জাহাজ এইবার আমেরিকার উপকূল ধরিয়া উত্তরাভিমুখে গমন করিতে লাগিল। ৮ই মে আমরা হাতেরোস্ অন্তরীপ দেখিতে পাইলাম। জাহাজের গতি এখনও সেই আত্মভোলা উদাসীর মত; গতি ও দিকের কোন স্থিরতা নাই। এইস্থলে আমরা অসংখ্য জাহাজ, টীমার ও ছোট ছোট মাছধরাৰ

নৌকা দেখিতে পাইলাম ; জাহাজ হইতে আমেরিকার উপকূল মাত্র ত্রিশ মাইল দূরে ।

পালাইবার জন্য নেড় যত চেষ্টা করিতে লাগিল, ভগবান যেন পদে পদে বাধা দিতে লাগিলেন । এই স্থানের অবস্থা বড়ই খারাপ ; জলস্তুত, সাইক্লোন, হারিকেন ত সর্বদাই লাগিয়া আছে । নৌকায় চড়িয়া পালাইতে আমরা সাহস করিলাম না ।

নেড় আমাকে বলিল—“প্রতু, দক্ষিণ মেরুর অভিজ্ঞতা খুবই হয়েছে, এখন উত্তর মেরুদেশ দেখতে আর আমার প্রয়োজন নাই । যা বুঝছি ক্যাপ্টেন ত এখন উত্তর মেরুর দিকে চলেছেন । আপনি এর যা-হোক একটা প্রতিকার করুন ।”

আমি বলিলাম—“নেড়, কি করি বল ; সমুদ্রের যা অবস্থা তাঁতে নৌকায় চড়ে পালাতে ভরসা হয় না ।”

নেড় বলিল—“চলুন আমরা ক্যাপ্টেনকে গিয়ে বলি ; তিনি নিশ্চয় আমাদের দুঃখ বুঝবেন । আপনার ক্রান্তিদেশের পাশ দিয়ে জাহাজ যখন এলো তখন ত আপনি বেশ চুপচাপ আস্তে পারলেন ; কিন্তু আমি আর পারছি না । অদূরেই আমার দেশ ; যখন ভাবি নিউফাউণ্ডল্যান্ড দ্বীপের নিকট সেট্ট লরেন্স নদী এসে পড়েছে, আর সেই সেট্ট লরেন্স নদীর ধারেই কুইবেক সহর, আর সেই সহরেই আমার বাড়ী, তখন আমার রাগে দুঃখে সমুদ্রে ঝাপ দিয়ে পড়তে ইচ্ছা করে ।”

আমি বলিলাম—“ক্যাপ্টেন ত এ সম্বন্ধে তাঁর অভিগত আমাদের আগেই জানিয়েছেন।”

নেড় বলিল—“তা হ'লেও, আর একবার আপনি যান।”

কি করি, অগত্যা ক্যাপ্টেনের কাছে গিয়া বলাটি ঠিক করিলাম। ক্যাপ্টেনের মেজাজ যে আজকাল একেবারে বাজখাই খাদে নামিয়াছে তাহা আমি ভালুকপেট জানিতাম। তবু সন্তুষ্টি দ্বিধা-কৃষ্টিত চরণে ঘরের ছয়ার খুলিয়া ভিতরে প্রবেশ করিলাম। ক্যাপ্টেন ঘরের ভিতরেই ছিলেন; টেবিলের উপর ঝুঁকিয়া কি লিখিতেছিলেন। তাহার সামনে গিয়া দাঢ়াতেই তিনি মাথা তুলিয়া আমার পানে কট্মট করিয়া চাহিতে লাগিলেন; ঝোঁঝালো পরুষ কর্ণে বলিলেন—“কি দরকার আপনার এখানে?”

লজ্জায় দ্বিধায় যেন আমি মরিয়া গেলাম; তবু যতদূর সন্তুষ্ট স্বাভাবিক সহজ কর্ণে বলিলাম—“আপনার কাছে আমার কিছু বল্বার আছে।”

তিনি বলিলেন—“কিন্তু দেখতেই পাচ্ছেন আমি এখন কাজ করছি।”

তাহার এই উগ্রমূর্তি দেখিয়া আমি ঘাব্রাইলাম না; বলিলাম—“আমরা এখন এমন অবস্থায় পড়েছি যে, দেরী করা সন্তুষ্টপূর নয়।”

তিনি জিজ্ঞাসা করিলেন—“কি হয়েছে? সমুদ্রের উপর কুতন কিছু দেখতে পেয়েছেন? কি হয়েছে, বলুন।”

আমি এইবার স্থির অবিচলিতকর্ণে বলিলাম—“ক্যাপ্টেন, আমরা আমাদের স্বাধীনতার জন্য আপনার কাছে প্রার্থনা জানাতে এসেছি।”

ক্যাপ্টেন যেন আকাশ হইতে পড়িলেন, বলিলেন—“স্বাধীনতার জন্য।”

—“হা ক্যাপ্টেন; আজ সাত মাস হ'ল আপনার জাহাজে বন্দী হ'য়ে রয়েছি। এইবার আমাদের স্বাধীনতা ফিরিয়ে দিন।”

—“প্রফেসার! সাত মাস আগে যা বলেছি আজও তাই বলছি; নোটিলসে যা’রা একবার প্রবেশ লাভ করেছে আর তা’রা এ জাহাজ ছেড়ে যেতে পারবে না। আপনারা মিছে অনুরোধ কর্তে এসেছেন।”

—“কিন্তু, নেডের কথা একবার ভেবে দেখুন; আমি না হয় আপনার জাহাজে সারাজীবন বন্দীভাবে রইলুম; কিন্তু সে স্বাধীনভাবে চিরকাল—”

—“কোন কথা আমি শুনতে চাই না। আর দ্বিতীয়বার যেন একপ আবার আমার কানে না আসে।”

নেডের কাছে ফিরিয়া আসিয়া সব কথা বলিলাম। জাহাজ তখন লঙ্ঘীপের কাছাকাছি আসিয়াছিল। নেড় বাল্ল—“সামনেই লঙ্ঘীপ, যেমন ক’রেই হোক আজ পালাতে হবে, যত জলঝড় হোক না কেন।”

আঁকাশের অবস্থা তখন বড়ই ভয়ঙ্কর! ঘন মেঝে

চারিদিক অঙ্ককার। হারিকেনের সমস্ত পূর্বলক্ষণ দেখা দিল। ঝড়ের মুখে পড়িয়া বাতাসের রং যেন সাদা হইয়া উঠিল। সমুদ্রের জলের উপর কত পাখী উড়িয়া বেড়ায়, সমস্তই কোথায় অদৃশ্য হইল; কেবল পেট্রেল পাখীর দল ঝড়ের সূচনা দেখিয়া আনন্দে মাতিয়া উড়িতে লাগিল। এই পেট্রেল পাখীর আর একটি নাম ‘ঝড়ের পাখী’।

সেদিন ১৮ই মে। সামনেই লঙ্ঘীপ, অদূরে নিউ-ইয়র্ক নগরী। সমুদ্রের সাইক্লোন জিনিসটা যে কি তাহাই বুঝিবার জন্য ক্যাপ্টেন নিমো দড়ি দিয়া নিজেকে ছাদের উপর বাঁধিলেন; দেখাদেখি আমিও তাই করিলাম। আমাদের ছাইজনকে লইয়া নোটিলস্ জলের উপর ভাসিতে লাগিল। তারপর দেখিতে দেখিতে ঝড়ের উদ্বাম নৃত্যতালে সমুদ্রজল বড় বড় টেউ তুলিয়া ঝাঁপাইয়া পড়িতে লাগিল। বড় বড় পাহাড়ের মত সাদা সাদা টেউ মাথার উপর দিয়া চলিয়া যাইতে লাগিল। একবার হাঁপিয়া উঠি, টেউ চলিয়া গেলে আবার দম লইতে থাকি। নোটিলস্ কখনও চিৎ হইয়া, কখনও কাঁ হইয়া, কখনও বা সোজা খাড়া হইয়া উঠিয়া টেউএর সঙ্গে প্রাণপণে যুক্তিতে লাগিল। বেলা পাঁচটার সময় অবোরধারে বৃষ্টি পড়িতে লাগিল; বৃষ্টির স্বেক্ষণ কি বড় বড় ফোটা! সমুদ্রে যে সব টেউ উঠিতে লাগিল তাহা প্রত্যেকটি পনের ফুট উচ্চ ও পাঁচশত ফুট, দীর্ঘ। বুঝিলাম এইসব ঝড়ের মুখে পড়িয়া বড় বড় অট্টালিকা,

গাছ, পাথর সব উল্টাইয়া যায়। ঝড়ের সে কি তাণ্ডবলীলা !
 রাত্রির সঙ্গে সঙ্গে ঝড়ের দাপট যেন বাঢ়িয়া গেল। একখানা
 মস্তবড় জাহাজ ঝড়ের মুখে পড়িয়া টেউএ ডুবিয়া ডুবিয়া
 চলিতে লাগিল; বুঝিলাম তাহার আর বড় বেশী দেরী
 নাই। দেখিতে দেখিতে জাহাজখানি জলে ডুবিয়া গেল।
 রাত্রি দশটার সময় আকাশে যেন আগুন লাগিয়া গেল;
 ঘন ঘন বিদ্যুৎশিখায় চোখ ঝল্সাইয়া গেল। ত্যরপর ভৌমণ
 বজ্জাহাতে সারা ভুবন কাঁপিয়া উঠিতে লাগিল।

রাত বারোটার সময় আমরা স্থালুনে নামিয়া আসিলাম।
 ঝড় তখনও সমানভাবে চলিতেছিল। জাহাজ তখন ধৌরে
 ধৌরে জলের ভিতর ডুবিল। বড় বড় মাছেদের চোখে
 আতঙ্কের চিহ্ন দেখিতে পাইলাম। টেউএর দাপটের চোটে
 মাছগুলি আছাড়ি পিছাড়ি খাইতেছিল। আরও তলায়
 জাহাজ নামিল। সেখানে একেবারে নিস্তব্ধ। ঝড়ের
 চিহ্নমাত্র নাই। কে বলিবে উপরে ভৌমণ সাইক্লোন
 হইতেছে !

১৮৬৩ খৃষ্টাব্দে অনেক ইঞ্জিনিয়ার ও বৈজ্ঞানিক মিলিয়া একটি দুইহাজার মাইল দীর্ঘ তার প্রস্তুত করেন ; তাহার ওজন ৪,৫০০ টন বা ১,২৩,৭০০ মণ। ইউরোপ হইতে আমেরিকা পর্যন্ত এই তার বসানো হয়। কিন্তু তাহাও শীঘ্র খারাপ হইয়া যায় ! বৈজ্ঞানিক ও ইঞ্জিনিয়ারের দল, না দমিয়া নূতন উদ্ধমে পুনরায় নূতন তার প্রস্তুত করিবার জন্য উঠিয়া পড়িয়া লাগিয়া গেলেন। ইহার মধ্যে প্রধান উদ্যোগী ছিলেন সাইরস ফিল্ড ; তাঁহার অগাধ ঐশ্বর্য ও সম্পত্তি সমস্তই এই কার্যের জন্য ব্যয় করিলেন। এইবার নূতন তার প্রস্তুত হইলে তাহার উপর গাটাপারচার ঢাক্কনি দেওয়া হইল, কারণ জলে ইহা শীঘ্র খারাপ হয় না। ১৮৬৬ খৃষ্টাব্দে গ্রেট ইক্ষার্ণ জাহাজে করিয়া এই তার জলে ফেলা হয়। এইবার অতি সুন্দর কাজ হইল ; ইউরোপ হইতে যত খবর পাঠান হইল আমেরিকায় তাহা স্পষ্ট শুনা গেল। তখন আমেরিকা প্রথম ইউরোপের সহিত কথা কহিল। আমেরিকা ইউরোপকে কি কথা প্রথম বলিয়া-ছিল জান ? আমেরিকা বলিয়াছিল, “স্বর্গের ঈশ্বরের নাম ধন্ত্য ও মহিমান্বিত হউক, পৃথিবীতে শান্তি আসুক, এবং পৃথিবীর লোকদের মধ্যে পরস্পরের জন্য তালবাসা জাগ্রত হউক।”

২৮শে মে আয়র্ল্যাণ্ডের উপকূল হইতে নোটিলস তখন ১২০ মাইল দূরে। ক্যাপ্টেন নিমো এইবার কোন্দিকে চলিলেন ? কেপ ক্লিয়ারের পাশ দিয়া জাহাজ আয়র্ল্যাণ্ড

ঘুরিয়া ইংল্যাণ্ডের দিকে চলিল। এই কেপ ক্লিয়ারের উপর একটি লাইটহাউস বা আলোকস্তম্ভ আছে। লিভারপুল ও মাস-গোর জাহাজ সকল এই আলোক দেখিয়া পথ চিনিয়া লয়।

৩১শে মে। আজ সমস্ত দিন নোটিলস্ সমুদ্রের জলের উপর এক জায়গায় কেবল গোলাকার ভাবে ঘুরিতে লাগিল। ছপুরবেলায় ক্যাপ্টেন নিমোকে বহুদিন পরে দেখিতে পাইলাম। তাহার চোখমুখ অত্যন্ত গন্তীর; অসহ দৃঃখ ও বেদনায় তাহার সমস্ত মুখমণ্ডল ভারাক্রান্ত হইয়া উঠিয়াছে। এ দৃঃখ কিসের জন্য? ইউরোপের নিকটে আসিয়া ঘরবাড়ী আভীয়স্বজনের কথা মনে পড়িয়া তাহার কি এই দৃঃখ হইতেছে? আমার সঙ্গে কথা না কহিয়া তিনি চলিয়া গেলেন।

পরদিন ১লা জুন। আজও জাহাজ সেইভাবে সমুদ্রের উপর গোলাকার ভাবে ঘুরিতে লাগিল; যেন কোন্ দিকে যাইবে তাহা ঠিক করিতে পারিতেছে না। সমুদ্র অতি পরিষ্কার। পূর্বদিকে প্রায় আট মাইল দূরে একটি বিশাল জাহাজ দেখা গেল। জাহাজের মাস্তলের উপর কোন পতাকা নাই; সেইজন্য জাহাজ যে কোন্ দেশের তাহা জানিতে পারিলাম না!

পরক্ষণে কি রকম একটা ‘বুম বুম’ করিয়া ভীষণ শব্দ হইতে লাগিল!

একবিংশ পরিচ্ছেদ

আবার জলযুদ্ধ

সেই শব্দ শুনিয়া ছাদের উপর ছুটিয়া গেলাম। কন্সেল্
ও নেড় আগে হইতে সেখানে দাঢ়াইয়াছিল। আমি জিজ্ঞাসা
করিলাম—“নেড়, ও কিসের শব্দ ?”

নেড় বলিল—“কামানের গোলার শব্দ।” সেই দূরের
জাহাজের পানে তাকাইয়া দেখি, দুইটা ফানেল বা চিমনি
হইতে অনর্গল ধূম বাহির করিতে করিতে জাহাজটা আমাদের
দিকে পূর্ণবেগে ছুটিয়া আসিতেছে। তখন জাহাজটা ঠিক
ছয় মাইল দূরে।

আমি জিজ্ঞাসা করিলাম—“নেড়, এ কি জাহাজ বল
দেখি ?”

নেড় বলিল—“জাহাজের গড়ন দেখে মনে হচ্ছে এটা
একটা যুদ্ধের জাহাজ। ভগবান করুন এই জাহাজটা
আমাদের কাছে এসে নোটিলস্কে ডুবিয়ে আজ আমাদের
উদ্ধার করুক।”

আমি জিজ্ঞাসা করিলাম—“নেড়, কোন্ দেশের জাহাজ
এটা বলতে পার ?”

নেড় তাহার কপাল কুঁচকাইয়া, চোখের পাতা আধ-
বোজা করিয়া, ঝু সঙ্কুচিত করিয়া, চোখের কোণ গুটাইয়া
জাহাজটা দেখিতে লাগিল; কিন্ত কিছুই দেখিতে পাইল।

না। পনের মিনিট এইরূপে কাটিলে পর জাহাজ অনেক কাছে আসিয়া পড়িল। এইবার আমরা জাহাজের মাস্তুল, ফানেল, জাহাজের চারিদিকের বড় বড় কামান—সব স্পষ্ট দেখিতে পাইলাম। মাস্তুলের উপর একটা অতি ছোট নিশান উড়িতেছিল; সেই ফিতার মত সরু নিশানটা যে কোন্ দেশের তাহা বুঝিতে পারিলাম না! যাই হোক, জাহাজ কিন্তু দ্রুতবেগে আমাদের পানে আসিতেছিল। নোটিলস্ সমুদ্রের উপর স্থিরভাবে দাঢ়াইয়া!

নেড় বলিল—“জাহাজটা যদি এক মাইল দূর দিয়েও চ'লে যায়, তা হ'লেও আমি জলের উপর লাফিয়ে পড়ব, এবং আপনিও তাই করবেন!”.

নেডের কথায় কোন উত্তর না দিয়া জাহাজটাকে দেখিতেছি, এমন সময় সেই জাহাজের সামনে হইতে ভক্ত করিয়া খানিক সাদা ধোঁয়া বাহির হইল। ঠিক দুই সেকেণ্ড পরে নোটিলসের পাশে ঠিক জলের উপর একটা কি ভারী জিনিস আসিয়া পড়িল। জল ছিটকাইয়া নোটিলসের ছাদের উপর আসিয়া পড়িল; তারপর আরও চারি সেকেণ্ড পরে একটা ভয়ঙ্কর শব্দ আমার কানে আসিলে আমি চীৎকার করিয়া উঠিলাম—“নেড়, একি? এরা যে আমাদের উপর গুলি করছে!”

নেড় বলিল—“হঁ, ওরা আমাদের জাহাজকে অতিকায় মারহোয়াল ভেবে জাহাজের উপর গুলি করছে।”

আমি বলিলাম—“কিন্তু জাহাজে যে লোক রয়েছে তা’ত
ওরা দেখতে পাচ্ছে !”

এই কথা বলিয়াই আমার মনের ভিতরটা ছাঁৎ করিয়া
উঠিল। এইবার সমস্ত ব্যাপার স্পষ্ট বুঝিতে পারিলাম। ওরা
যে আমাদের উপর গুলি ছুঁড়িতেছে তা নারহোয়াল্ ভাবিয়া
নয় ; এতদিন তাই বিশ্বাস করিয়া আসিয়াছিলাম বটে। কিন্তু
আব্রাহাম লিঙ্কন জাহাজ হইতে নেড়ে যখন হাঁপুন ছুঁড়িয়া
নোটিলসকে আঘাত করে, তখন ত ক্যাপ্টেন ফ্যারাণ্ট
স্পষ্টই দেখিতে পাইয়াছিলেন যে এটা একটা নারহোয়াল্
বা অন্য কোন জলজন্তু নয়, এটা সাবমেরিন জাহাজ ; অতিকায়
নারহোয়াল্ বা সেতাসিয়ার চেয়েও যে এ আরও ভয়ঙ্কর !
ক্যাপ্টেন ফ্যারাণ্ট তারপর কোন রকমে দেশে ফিরিয়াছেন
কিনা তাই বা কে জানে ?

তারপর আমার আর একদিনের কথা মনে পড়িল।
ভারতমহাসাগর দিয়া আসিতে আসিতে সেই রাত্রের যুদ্ধের
কথা মনে পড়িল। ক্যাপ্টেন নিমো আমাদের সে যুদ্ধ
দেখিতে দেন নাই, ঘরের ভিতর পূরিয়া রাখিয়াছিলেন।
তখন নিশ্চয়ই কোন জাহাজের সঙ্গে নোটিলসের জলযুদ্ধ
হইয়াছিল। তারপর মনে পড়িল—সেই আঘাতপ্রাপ্ত
নাবিকের কথা, সেই প্রবালের মধ্যে তাহার কবর দেওয়ার
কথা। লঙ্কাদ্বীপের নিকট যে ডুবুরিকে আমরা বাঁচাইয়া-
ছিলাম ; সেও হয়ত ঘরে ফিরিয়া সব কথা বলিয়া দিয়াছে !

আজ বুঝিলাম জগতের সমস্ত সভ্য জাতি দলবদ্ধ হইয়া এই নোটিলস্কে মারিবার জন্ত প্রাণপণ চেষ্টা করিতেছে। তখন বুঝিলাম, যে জাহাজে আমরা পালাইবার চেষ্টা করিতেছি সেই জাহাজে আমাদের ভয়ঙ্কর শক্তি রহিয়াছে। নোটিলসের চারিদিকে দ্রুদম্ব কামানের গোলা পড়িতে লাগিল। সমস্তই জলের উপর পড়িতে লাগিল, নোটিলসের গায়ে একটাও লাগিল না। সেই শক্তি-জাহাজ তখন ঠিক তিনি মাইল দূরে

সামনে এত বড় ভয়ঙ্কর বিপদ, কিন্তু ছাদের উপর ক্যাপ্টেন নিম্ন আসিলেন না। তখন নেড় বলিল—“আশুন, আমরা রুমাল উড়িয়ে ওদের জানাবার চেষ্টা করিয়ে, আমরা শক্তি নই, ভালো লোক।” নেড় রুমাল বাহির করিয়া যেমন উড়াইতে যাইবে সেই মুহূর্তে তাহার হাতের উপর একটা প্রচণ্ড আঘাত আসিয়া পড়াতে সে ডেকের উপর লুটাইয়া পড়িল।

পিছনে চাহিয়া দেখি ক্যাপ্টেন নিম্ন দাঢ়াইয়া। রাগে কাঁপিতে কাঁপিতে তিনি বলিলেন—“ওরে নির্বোধ, নোটিলসের প্রচণ্ড খড়গ দিয়ে ঐ জাহাজকে বিঁধ্বার আগে চল তোকেই আগে ঐ খড়গের সামনে ফেলে বিঁধে ফেলি।”

এ কি ক্যাপ্টেনের ভয়ঙ্কর মূর্তি ! তখন তাহার মূর্তি যেমন ভয়ঙ্কর, গলার শব্দও তেমনি। মরার মুখের মত তাহার মুখ ; সর্বাঙ্গে শিরা-উপশিরা ফুলিয়া উঠিয়াছে ; চোখের

তারা ঘূর্ণ্যমান। নেডের শরীরে অত শক্তি, তাহাকে ধরিয়া ক্যাপ্টেন নিমো প্রচণ্ড ঝাঁকানি দিতে লাগিলেন। তারপর ধাকা মারিয়া নেড়কে দূরে ফেলিয়া দিয়া ক্যাপ্টেন নিমো জাহাজের প্রতি দৃষ্টিনিষ্কেপ করিলেন। তাহার চারিপাশ দিয়া গুলি ছুটিতে লাগিল।

তিনি দূরের জাহাজটাকে সম্বোধন করিয়া বলিতে লাগিলেন—“ওরে হতভাগ্য জাহাজ ! তোর কপাল আজ ভারি মন্দ। আমি কে, তা এখনও তোর দেশের লোকেরা জানতে বা বুঝতে পারলে না। বড় যে নিশান উড়াইতেছিস্, এই দেখ তবে আমার নিশান !” এই বলিয়া একটা ঘোর কৃষ্ণবর্ণ পতাকা তিনি উড়াইতে লাগিলেন। এই সময় একটা গোলা আসিয়া ডেকের উপর পড়িয়া ছিটকাইয়া জলের ভিতর গিয়া পড়িল। নোটিলস্ ঝন্ঝন্ঝ করিয়া কাপিয়া উঠিল। ক্যাপ্টেন নিমো আমাদের পানে তাকাইয়া বলিলেন—“ঘান, আপনারা নীচে ঘান।”

আমি জিজ্ঞাসা করিলাম—“ক্যাপ্টেন ! আপনি কি এখন এই জাহাজটাকে আক্রমণ করবেন ?”

তিনি বলিলেন—“না মশাই, জাহাজটাকে আমি এখন ডুবিয়ে মারব।”

আমি বলিলাম—“না, তা করবেন না, এই অনুরোধ আমার রাখুন।”

তিনি বলিলেন—“প্রফেসার, আপনি আমাকে শেখতে

‘আসবেন না। জাহাজটাকে আমি ডুবাবই। যান, আপনারা
নৌচে যান।’

কি করি, নৌচে নামিতে হইল। তখন সিঁড়ি দিয়া
পনের জন নাবিক ছাদের উপর উঠিতেছিল। তাহাদের
সকলের মুখে ভূষণ রাগের চিহ্ন ; প্রতিহিংসা লইবার জন্তু
তাহাদের সকলের মুখ কালো হইয়া উঠিয়াছে। নৌচে নামিয়া
ঘরে ঢুকিলাম, এমন সময় আর একটা গোলা আসিয়া
নোটিলসের পার্শ্বদেশে লাগিল ; নোটিলসের সর্বাঙ্গ থর্থর
করিয়া কাঁপিয়া উঠিল।

তারপর নোটিলসের ইঞ্জিন চলিতে লাগিল। সেই শক্র-
জাহাজটাকে পিছনে ফেলিয়া নোটিলস পূর্ণবেগে ছুটিতে
লাগিল ; পিছনে পিছনে সেই জাহাজটাও আসিতে লাগিল।
বুঝিলাম ক্যাপ্টেন ইচ্ছা করিয়া এমন করিতেছেন, যাহাতে
জাহাজটা হয়রাণ হইয়া উঠে। বেলা চারটা পর্যন্ত এইরূপ
ছুটাছুটি চলিতে লাগিল ; আমি আর ঘরের ভিতর চুপ
করিয়া থাকিতে পারিলাম না। সাহসে ভর দিয়া সিঁড়ি
বাহিয়া ছাদের উপর গিয়া উঠিলাম। পিঞ্জরাবন্ধ সিংহের
মত ক্যাপ্টেন নিমো ছাদের উপর পায়চারি করিয়া
বেড়াইতেছিলেন। তিনি তখনও শক্র-জাহাজকে আক্রমণ
করেন নাই, বোধ করি ভাবিতেছিলেন আক্রমণ করিবেন
কি না।

আমাকে দেখিতে পাইয়া ক্যাপ্টেন বলিয়া উঠিলেন—

“আমিই আইন, আমিই বিচারক ! ঐ দেখুন নির্ষুর
অত্যাচারী রাজা ; ওদের অত্যাচারে আমি ঝর্জরিত হয়েছি ;
ওদের জন্ম আমি আমার স্বদেশ, আঞ্চলিয়স্বজন, স্ত্রী, পুত্র,
পরিবার, বাপ, মা সবই হারিয়েছি । পৃথিবীতে আমি যদি
কোন জিনিস সবচেয়ে ঘৃণা করি তা হচ্ছে ওরা ! ওদের
উপর আমি এখন প্রতিশোধ নেবই নেব ।”

সেই যুদ্ধের জাহাজ তখন নোটিলস্কে তাঢ়া করিয়া
ছুটিয়া আসিতেছিল । তাড়াতাড়ি নামিয়া আসিয়া নেড়কে
বলিলাম—“যেমন ক’রে হোক আজ পালাতে হবে । এমন
নির্ষুর লোকের জাহাজে থাক্কতে আর আমার সাহস হচ্ছে
না ।”

নেড় বলিল—“সেই ঠিক কথা, আজ রাত্রেই পালাতে
হবে ।”

দেখিতে দেখিতে রাত্রি হইয়া আসিল । নোটিলস্ক
কেবল সেই শক্র-জাহাজকে দূর হইতে দূরে টানিয়া লইয়া
যাইতেছিল । চারিদিক একেবারে নিস্তুক । সমস্ত রাত্রি
এইরূপ চলিতে লাগিল ; নোটিলস্ক কিছুতেই ধরা দিল না ।
ছট জাহাজের মধ্যস্থিত ছই মাইল ব্যবধান আর কিছুতেই
কমিল না । আমাদের পালানও হইল না । রাত যখন
তিবটা, তখন পুনরায় চোরের মত ছাদের উপর গিয়া
উঠিলাম । তখনও ক্যাপ্টেন নিমো ছাদের উপর দাঢ়াইয়া
ঁকিয়াছেন । নোটিলস্ক ছুটিয়া চলিতেছে, পিছনে পিছনে

সেই শক্র-জাহাজ ছুটিয়া আসিতেছে। অঙ্ককারে কিছুই দেখিতে পাইতেছিলাম না; চিমুনি হইতে শুধু আগুনের কণা ও লোহিত ছাই উঠিতেছে তাহাই দেখিতে পাইতেছিলাম। জাহাজ তখনও ঠিক দৃঢ় মাইল দূরে।

ক্রমে তোর হইয়া আসিল। এইবার যুদ্ধের জাহাজ খুব নিকটে আসিয়া পড়িল; নাবিকেরা ছুটাছুটি করিতে লাগিল। আমার আর দেখিতে ভাল লাগিল না; ঘরে ফিরিয়া আসিলাম। নোটিলস্ এইবার খুব ধীরে চলিতে লাগিল, যাহাতে শক্র-জাহাজ খুব নিকটে আসিয়া পড়ে। একটা গোলা নোটিলসের পাশে জলের উপর আসিয়া পড়িল।

নেড়, কন্সেল ও আমি লাইব্রেরীতে গিয়া বসিলাম। নোটিলস্ এইবার ডুবিতে আরম্ভ করিল। যুদ্ধের এই সূচনা দেখিয়া আমার বুক টিপ, টিপ, করিয়া কাঁপিতে লাগিল। নেড় ত রাগিয়া ফুলিতে লাগিল। কখন সেই মরণ-আঘাত জাহাজের উপর পড়ে, সেই চিন্তায় আমরা কাঠ হইয়া রহিলাম। তখন যেন আমার নিশ্বাসও বন্ধ হইয়া গিয়াছিল। হায় রে হতভাগ্য জাহাজ!

হঠাৎ নোটিলসের সর্বাঙ্গ ঝন্বন্বন্ করিয়া উঠিল। আমি চৌকার করিয়া উঠিলাম। সে কি এক ভীষণ ধাক্কা! বুবিলাম নোটিলসের প্রচণ্ড খড়গ জাহাজের তলদেশে বিন্দ হইয়াছে। ঘরের ভিতর, আর থাকিতে পারিলাম না, ছুটিয়া স্থালুনে গেলাম। ক্যাপ্টেন নিমো সেইখানে দাঢ়াইয়াছিলেন।

তাঁহার চোখমুখ অসাধারণ গন্তৌর ; অসহ ছঃখ ও শোকে
তাঁহার বক্ষঃস্থল ছলিয়া উঠিতেছিল । সেখান হইতে কাঁচের
জানালার নিকট গিয়া দেখিলাম শক্র-জাহাজের ভিতর
প্রবলবেগে জল চুকিতেছে ; চতুর্দিকে হলুস্তুল পড়িয়া গিয়াছে ;
লোকের ছুটাছুটি, গওগোল ও করুণ আর্তনাদে চারিদিক
মুখরিত হইয়া উঠিয়াছিল । জাহাজটা ক্রমশঃই ডুবিতে
লাগিল । দেখিতে দেখিতে জাহাজটা জলের ভিত্তি ডুবিয়া
গেল ; তাহাতে সমুদ্রের উপর এক ভীষণ ঘূর্ণি দেখা দিল ।
ঘূর্ণিতে লোকজন জিনিসপত্র সমস্তই তলাইয়া গেল ।

পিছনে ফিরিয়া দেখি ক্যাপ্টেন নিমো হাঁটু গাড়িয়া
লোকগুলির মৃত্যুযন্ত্রণা দেখিতেছেন । যখন লোকগুলি
ডুবিয়া গেল, ক্যাপ্টেন ফুলিয়া ফুলিয়া কাঁদিতে লাগিলেন ।
এমন ভয়ঙ্কর নিষ্ঠুর লোকের চোখে জল দেখিয়া আমি অবাক
হইয়া গেলাম । এমন পাষাণ হৃদয়ের মাঝেও করুণার উৎস
দেখা দেয় জানিতাম না !

দ্বিবিংশ পরিচ্ছেদ

ম্যাল্ট্রুম

বপাৰপ্ৰকৰিয়া নোটিলসেৱ সমস্ত আলো নিবিয়া গেল। জলেৱ একশ' ফুট' তলা দিয়া জাহাজ অসন্তৰ দ্ৰুতবেগে ছুটিতে লাগিল, যেন সেই ভয়ঙ্কৰ জায়গা হইতে পালাইতে পাৱিলৈ বাঁচে! কোন্ দিকে চলিতেছি—দক্ষিণে না উত্তৱে—কিছুই বুঝিতে পাৱিলাম না। নিজেৱ ঘৰে চুপ কৱিয়া বসিয়া রহিলাম; ক্যাপ্টেন নিমোৱ নামে ও তাহাৱ চিন্তায় আমাৱ সৰ্বাঙ্গ কাপিতে লাগিল। কি ভয়ঙ্কৰ নিষ্ঠুৱ এই মানুষ! এইবাৱ আমাদেৱ ভাগ্যে কি আছে কে জানে?

এগাৰোটাৱ সময় আলো জলিয়া উঠিল। স্থালুনে গিয়া দেখি জাহাজ জলেৱ ত্ৰিশ ফুট তলায় থাকিয়া উত্তৱদিকে পঁচিশ মাইল বেগে চলিতেছে। জাহাজেৱ গতি ক্ৰমশঃই বাড়িতে লাগিল। রাত্ৰি ঘোৱ অনুকাৰ। ঘৰে ফিৱিয়া গিয়া শুইয়া পড়িলাম, কিন্তু ঘুম আসিল না। ক্যাপ্টেন নিমোৱ সন্ধে নানা চিন্তা আসিয়া মাথায় জোট পাকাইতে লাগিল; এ লোক যে সব পাৱে। সেই জাহাজ ধৰ্স, অত লোকেৱ জীবননাশ, এই সব ভয়ঙ্কৰ দৃশ্য চোখেৱ সামনে অনুকাৱে ভাসিয়া উঠিতে লাগিল। উত্তৱদিকে জাহাজ এইবাৱ কোন্ পথে চলিতেছে—স্পিটজবাৰ্জেন না নোভা-জেম্ৰুা, শ্বেতসাগৱ না কাৱা সাগৱ, ওবি উপসাগৱ না

লিষাকত্ দ্বীপপুঞ্জ ? এশিয়া মহাদেশের উত্তরদিকে লোকের
বসবাস নাই বলিলেও চলে ; ক্যাপ্টেন নিমো কি এইবাব
সেই দিকে চলিয়াছেন ?

জাহাজ কখনও জলের উপর কখনও বা জলের ভিতর
দিয়া চলিতে লাগিল। উত্তর মহাসাগরের অজ্ঞান দেশের
কথা ভাবিতে ভাবিতে মন ছম্বুক করিতে লাগিল। দিনের
পর দিন কাটিতে লাগিল ; সেই একট ভাব, জাহাজের সেই
একট গতি। মেরুপ্রদেশের ভয়ঙ্কর ঠাণ্ডা সর্বাঙ্গ দিয়া অন্তর
করিতেছিলাম ! ক্যাপ্টেনকেও দেখিতে পাই না, নেড়কেও
দেখিতে পাই না। দেহের ও মনের জোর যেন ক্রমশঃ
কমিয়া আসিতে লাগিল। দিনের বেলা অধিকাংশ সময়
তলুচ্ছন্ন অর্দ্ধ ঘূমঘোরে কাটিয়া যাইত। জাহাজে কি না
কি হটতেছে কিছুই বুঝিতে পারিতাম না ; বুঝিবার বা
জানিবার কোতুহলও আর নাই ! ঘুমাইয়া ঘুমাইয়া দিনরাত্রের
প্রভেদ বুঝিতে পারিতাম না।

একদিন মাঝরাতে ঘুম ভাসিয়া গেল ; চাহিয়া দেখি
মুখের উপর কে বুঁকিয়া রহিয়াছে। নেড়কে দেখিয়া উঠিয়া
বসিলাম।

নেড় বলিল—“এইবাব পালাতে হবে ; আর দেরী করলে
হবে না।”

আমি বলিলাম—“এই এত রাত্রিতে ?”

নেড় বলিল—“না কাল রাত্রিতে ; ক্যাপ্টেনের যে কি

হয়েছে কিছু বোৰা যাচ্ছে না, তারও দেখা নাই, তার লোকদের^১ দেখা নাই। এ যেন ভূতের জাহাজ, জন-মহুঘ্রের নামগন্ধ নাই। বুব্লেন প্রফেসোর, এই ঠিক পালাবার সময়।”

আমি জিজ্ঞাসা করিলাম—“কিন্তু এখন আমরা কোন্
জায়গায় এসেছি ?”

নেড় বলিল—“কুড়ি মাইল পূর্বদিকে ডাঙা দেখতে
পেয়েছি।”

আমি জিজ্ঞাসা করিলাম—“কিন্তু এ কোন্ দেশ ?”

নেড় বলিল—“তা বলতে পারি না, কিন্তু যে দেশই হোক,
এখানে গিয়ে আমাদের আশ্রয় নিতে হবে।”

আমি বলিলাম—“নেড়, আমিও পালাতে সম্পূর্ণ রাজী
আছি, বড়জল যতই হোক না কেন।”

নেড় বলিল—“যদি ধরা পড়ি বা সামনে কোন বাধা পাই,
তা হ'লে, খুন করতেও আমরা পিছুবো না ; বলুন এতে
রাজী আছেন ?”

আমি বলিলাম—“নিশ্চয় নেড়, এখন পালাবার জন্য যা
করবার দরকার হবে তাই করুব, কোন বাধাবিল্ল মান্ব না।”

নেড় চলিয়া গেল। পালাইবার জন্য মনকে দৃঢ় করিলাম।
আর না ঘুমাইয়া ছাদের উপর গিয়া উঠিলাম। সমুদ্রের উপর
ভৌগণ বড় উঠিয়াছে ; পর্বতপ্রমাণ টেউএর আঘাতে নোটিলস
মোচুর খোলার মত ছলিতেছিল। এত ভয়ঙ্কর বড়জুল, এর

ওধারে ডাঙ্গা আছে, কিন্তু কিছুই দেখিতে পাইলাম না। এই
কুড়ি মাইল টেউ কাটিয়া কেমন করিয়া ডাঙ্গায় উঠিল? তোর
হইয়া আসিল; ঘরে ফিরিয়া আসিলাম। সমস্ত দিন ঘর
হইতে বাহির হইতে সাহস হইল না; পাছে ক্যাপ্টেনের
সঙ্গে দেখা হইয়া যায়। তাঁর মুখোমুখি হইয়া পড়িলে কি
জানি যদি ধরা পড়িয়া যাই?

সেই দিনটা কি ভয়ঙ্কর দীর্ঘ বলিয়া বোধ হইতেছিল।
জাহাজে আমার এই শেষ দিন। সমস্তদিন নেড় ও কন্সেল
আমার সঙ্গে মোটে কথা কহিল না; কতবার চোখাচোখি
হইল। বাহিরের ঝড়ের মতট তাহাদের মনের মধ্যে নিশ্চয়
ঝড় বহিতেছিল; তাই কোন কথা কহিতেছিল না।

সন্ধ্যা সাড়ে ছ'টার সময় নেড় আসিয়া চুপিচুপি বলিল
—“জাহাজে আর আমাদের দেখা হবে না, সেই রাত দশটার
সময় একেবারে নৌকার কাছে গিয়া ঢাঁড়াবেন। কন্সেল
ও আমি সেখানে আপনার জন্য অপেক্ষা করব; যে রকম
ঝড়জল চলেছে, মনে হয় রাত্রিতে ভীষণ অঙ্ককার হবে।”

নেড় চলিয়া গেল। স্থালুনে গিয়া কম্পাস দেখিলাম;
জলের দেড়শত ফুট তলা দিয়া জাহাজ অতি ভয়ঙ্করবেগে
উপ-পূর্ব দিকে চলিতেছে। ঘরে ফিরিয়া আসিয়া
সমুদ্রের উপর্যোগী জামাকাপড় পরিলাম; এতদিনের যত
লেখা সমস্তই সঘনে পকেটের ভিতর রাখিলাম, ভয়ে ভাবনায়
বুকের ভিতর চিপ্চিপ করিতে লাগিল। ক্যাপ্টেন নিম্নো

এখন কি করিতেছেন ? জাগিয়া স্বপ্ন দেখিতে লাগিলাম।
 তখন মনে পড়িল—সেই জলতলে ক্রীস্পে দ্বীপের জঙ্গলে
 শিকারের কথা ; টোরেস্ট্রেটের প্রবাল চড়ায় জাহাজ আটকের
 কথা ; নিউ-গিনির জঙ্গলের টিয়াপাথী কাকাতুয়ার কথা ;
 সেই দ্বীপের অসভ্য লোকদের কথা ; প্রবাল-গোরস্থানের
 কথা ; স্বয়েজ প্রণালীর ভিতর দিয়া অন্তুত স্বড়ঙ্গের কথা ;
 সেই লঙ্কাদ্বীপের ডুবুরীর কথা ; ভূমধ্য সাগরের ডুবুরীর কথা ;
 অবলুপ্ত আটল্যান্টিস দেশের কথা ; দক্ষিণ মেরুর কথা ;
 সেই বরফের তলায় বন্দিদশার কথা ; পুনর্দের সঙ্গে লড়াইএর
 কথা,—প্রভৃতি কত কথাই মনে আসিতে লাগিল ! ক্যাপ্টেন
 নিমোকে আর মানুষ বলিয়া মনে হইল না ; ভয়ঙ্কর একটা
 দৈত্য বা অমানুষ বা দেবতা বলিয়া মনে হইতে লাগিল ।

রাত্রি সাড়ে নয়টা । জাহাজ অতি প্রবলবেগে ছুটিতেছে ।
 হাতের মধ্যে মাথাটা চাপিয়া ধরিয়া বসিয়া রহিলাম । আরও
 আধঘণ্টা ! এমন সময় মনে হইল যেন দূরে বহুদূরে কে
 অতি মধুর করুণ গান গাহিতেছে । না, এ তো গান নয়,
 এ যে কেবল গানের সুর ; কোন উদাস ব্যথীর বুক-ফাটা
 কান্নার সুর এ ! কি করুণ সেই সুর ! স্তন্ধ হইয়া মনপ্রাণ
 দিয়া তাই শুনিতে লাগিলাম ; নিশাস-প্রশাস যেন বন্ধ হইয়া
 গেল । তারপর ভূতের মত সেই সুরের অনুসরণ করিয়া
 চলিতে লাগিলাম । কোথা হইতে এ সুর আসিতেছে ?
 ক্যাপ্টেন নিমোর দরজা অতি ধীরে ঠেলিয়া ভিতরে ঢাহিয়া

দেখি ঘোর অঙ্ককার ! সেই ঘরের এককোণ হইতে শুরেঃ
সেই করুণ ঝঙ্কারধনি বাজিয়া উঠিতেছিল । †' ক্যাপ্টেন
তাহার অর্গ্যান্ বাজাইতেছেন । সেই শুর অতি ধীর, অতি
মৃচ—অথচ কতই স্পষ্ট ! শুরের ঝঙ্কার আস্তে আস্তে
থামিয়া আসিল । সমস্তই চুপচাপ তবুও যেন সেই শুরের
রেশটুকু ঘরের চারি কোণে ঘুরিয়া বেড়াইতে লাগিল,
কোথা হইতে যেন কান্না ঝরিয়া পড়িতেছিল । ক্যাপ্টেন
তখন একটা দীর্ঘনিশ্বাস ফেলিয়া বলিয়া উঠিলেন—“হা
ভগবান्, এ যে বড় অসহ, আর পারি না, আর পারি না ।”

একি গভীর ছংখের মর্মস্তুদ জালা ! ছুটিয়া নৌকার কাছে
গেলাম, পাছে ক্যাপ্টেন ধরিয়া ফেলেন ।

রাত্রি দশটা বাজিয়া গেল । নেড়কে দেখিয়া ব্যস্ত হইয়া-
পড়িলাম ; চুপি চুপি বলিলাম—“চল, চল, আর দেরী করা
হবে না ।”

নেড় বলিল—“হা, পালাবার স্মরণস্তুই ঠিকঠাক ।”

নৌকার পঁচাচ ও ষষ্ঠি খুলিতেছি এমন সময় জাহাজের
মধ্যে একটা করুণ আর্তনাদ ও ভীষণ গঙ্গোল উঠিল ।
ওকি, ও কিসের শব্দ ? তখন ভয়ের ও গঙ্গোলের কারণ
পুরুলাম । ভাবিয়াছিলাম নাবিকেরা আমাদের দেখিতে
পাইয়াছে কিন্তু তাহা নয় । এ যে বড় ভয়ঙ্কর কথা !

আমি চীৎকার করিয়া উঠিলাম, “ম্যাল্ট্রুম ! ম্যাল্ট্রুম !”*-

* করওয়ের সমূজ-কুলের ম্যাপ দেখ ।

‘ম্যাল্ট্রম্ ! এর চেয়ে ভয়ঙ্কর আর কি কথা আছে ?’
 শরণয়ের উপকূল দিয়া তখন জাহাজ চলিতেছে। সে বড়
 ভয়ঙ্কর উপকূল ! এখানে সমুদ্রের অবস্থা বড় ভয়ঙ্কর ;
 সারাবছর ধরিয়া বড় বড় টেউ আছাড়ি-বিছাড়ি খাইতেছে।
 সবচেয়ে ভয়ঙ্কর হচ্ছে এই ম্যাল্ট্রম্ ; ইহা একটি ভয়ঙ্কর
 ঘূর্ণী ! লোফোডেন্ দ্বীপপুঞ্জ হইতে জলরাশি প্রচণ্ড আবর্তে
 ঘূরিয়া চলিতেছে ; এই প্রচণ্ড ঘূর্ণীর মুখে পড়িলে যত বড়
 জাহাজ হউক না কেন, তার আর রক্ষা নাই ! চারিদিকে
 পর্বতপ্রমাণ টেউ তা-ধৈ তা-ধৈ করিয়া নাচিতেছে, মধ্যস্থলে
 প্রচণ্ড ঘূর্ণী ভয়ঙ্কর বেগে ঘূরিতেছে। এই ঘূর্ণীর শক্তি এত
 বেশী যে বারো মাইল দূরের জাহাজকেও চোঁচা টানিয়া
 আনে। শুধু জাহাজ নয়, বছরে যে কত তিমি, শ্বেতভলুক,
 সিঙ্কুয়েটক, সিল এই আবর্তে পড়িয়া প্রাণ হারায় তাহার
 সংখ্যা নাই !

নোটিলস্ আজ এই ভীষণ আবর্তের মুখে পড়িয়াছে ;
 ক্যাপ্টেনের অমনোযোগের দরুণ এই বিপদ ঘটিয়াছে।
 নোটিলস্ তখন স্বোতের মুখে পড়িয়া তৌরের মত ছুটিয়া
 চলিয়াছে ; আমরা তিনজন নৌকার মধ্যে স্থির হইয়া বসিয়া
 আছি। জাহাজ এইবার ঠিক আবর্তের মুখে আসিয়াছে,
 তাই স্বোতের মুখে গোল হইয়া কেবলই ঘূরিতেছে। জাহাজের
 সেই প্রবল আবর্তনের দরুণ আমার মাথা ঘূরিতে লাগিল।
 ম্যারণ আজ নিশ্চয় ; তবে কাঠ হইয়া বসিয়া রহিলাম।

নোটিলসের ভিতর করুণ আর্তনাদ, বাহিরে প্রবল গংজ,
 পাথরের উপর টেউগুলি আছাড় খাইয়া ঘুরি- আবৎ-
 সঙ্গে আসিয়া মিলিতেছে। সে কি ভীষণ অবস্থা। বড় বড়
 গাছ বোঁ বোঁ করিয়া সেই ঘূর্ণীর মুখে ঘুরিতেছে। অদূরেই
 নরওয়ের উপকূল। নোটিলস প্রাণপন বেগে ঘুরিতেছে;
 লোহার পাতগুলি ঝিনঝিন্ করিয়া কাপিতে লাগিল, কিন্তু
 সব চেষ্টা আজ বৃথা। আজ নোটিলসের শেমদিন, জলের
 মুখে কেবল বোঁ বোঁ করিয়া ঘুরিতে লাগিল। হঠাৎ নৌকাটা
 সরাএ করিয়া খুলিয়া গেল; আমরা তিনজন ও নৌকাটা
 তৌরের ঘত জলের তলায় তলাটিয়া গেলাম; আমার মাথাটা
 একটা কিসের উপর গিয়া সজোরে ধাক্কা খাইল, সঙ্গে সঙ্গে
 আমার চৈতন্য লোপ পাইল। তারপর কি হইল বি
 জানি না।

অয়োবিংশ পরিচ্ছেদ

শেষ

এইবার আমাদের সমুদ্রযাত্রা শেষ হইল। সেইরাতে
আর আর যে কি ঘটিয়াছিল, কেমন করিয়া আমরা তিনজন
সেই ঘূর্ণ হইতে রক্ষা পাইলাম, নোটিলসেরই বা কি হইল—
কিছুই জানি না। যখন জ্ঞান হইল, চাহিয়া দেখি লোফোডেন
বৌপের একজন জেলের কুঁড়েঘরে আমি শুইয়া রহিয়াছি;
পাশে আর একটা বিছানায় নেড়ে ও কন্সেল শুইয়া রহিয়াছে।
আনন্দের আতিশয্যে আমরা তিনজনে আলিঙ্গনবদ্ধ হইয়া
কাদিতে লাগিলাম।

ফ্রান্স দেশে ফিরিবার জন্য আয়োজন করিতে লাগিলাম।

এই যে কাহিনী লিখিলাম তাহা সম্পূর্ণ সত্য ঘটনা;
প্রতিদিনের খবর ও ঘটনা আমি ডায়েরীতে লিখিয়া রাখিতাম,
দেশে ফিরিয়া তাহাই এখন বই লিখিয়া প্রকাশ করিলাম।
এই অন্তুত সমুদ্রযাত্রার কথা লোকে বিশ্বাস করিবে কিনা
জানি না; কিন্তু বিশ্বাস না করিলেও আমার কোন ক্ষতি
নাই। আমার জীবনের দশমাসের ঘটনা হইতে এই কাহিনী
লিপিবদ্ধ করিলাম। এই দশমাসে আমি অনেক নৃতন
জিনিস শিখিয়াছি, জ্ঞানপিপাসা আমার অনেক মিটিয়াছে।
সমুদ্র-জগৎ সম্বন্ধে মানুষ কি-ই বা জানে, ইহাতে আমি
অনেক নৃতন সংবাদ দিলাম।

সে যাই হউক, মোটিলসেব এখন কি হইল ? মাল্লমৃহুতি হইতে সে কি রক্ষা পাইয়াছে, না সেইখানেই অঢ়ার জীবন-লৈলা শেষ হইয়াছে ? ক্যাপ্টেন নিমো বি এখনও বাঁচিয়া আছেন, এখনও কি সমুদ্রতলে ঘূরিয়া বেড়াইয়েছেন, না সেইখানেই তাহার মৃত্যু হইয়াছে ? ক্যাপ্টেন নিমো কল্পনার লোক, তাহার বাড়ী কোথায়—একথা কি বৈ ? আমি জানিতে পারিব না ?

মনে হয়, একদিন এ সব জানিতে পাওব। হামা ? ..
বলিতেছে মোটিলস নষ্ট হয় নাট, সে যাত্রা থেক্কা বাঁচিয়া
ক্যাপ্টেন নিমো বোধ করি এখনও বাঁচিয়া আছেন। তাহার
অগাধ পাণ্ডিত্য, উদার মন, অসৌম সাহস, ধন্ত বেজানিক
কার্য্যাবলী, অনন্ত জ্ঞানস্পৃহা, তাহার একনিষ্ঠ স্বদেশপ্রেম
ও অত্যাচারীর উপর তাহার অসৌম নিষ্ঠুরত্ব র কঠোর তাহার
উদ্দেশে কোটি কোটি নমস্কার করিতেছি।

সমাপ্ত

